

民國叢書

第四編

• 19 •



民國叢書

第四編

· 19 ·

中國政治思想史

先秦政治思想史

呂振羽著

梁啟超著

上海書店

梁啟超著

先秦政治思想史

先秦政治思想史

(一名中國聖哲之人生觀及其政治哲學)

序

啓超治中國政治思想。蓋在二十年前。於所爲新民叢報國風報等。常作斷片的發表。雖大致無以甚異於今日之所懷。然粗疏偏宕。恆所弗免。今春承北京法政專門學校之招。講先秦政治思想。四次而畢。略廣前緒而已。秋冬間。講席移秣陵。爲東南大學及法政專門講此本。講義且講且編。起十月二十三日。訖十二月二十日。凡兩閱月。成。初題爲中國政治思想史。分序論前論本論後論之四部。其後論則自漢迄今也。中途嬰小極。醫者謂心臟病初起。既有徵矣。宜輟講且省思慮。不則將增劇而難治。自念斯講既已始業。終不能戛然遽止。使學子失望。卒跼勉成之。幸病尙不增。能將本論之部編講完竣。其後論只得俟諸異日矣。因所講仍至先秦而止。故改題今名。啓超講述斯稿之兩月間。以餘力從歐陽竟無先生學大乘法相宗之教理。又值德人杜里舒博士同在金陵講學。而張君勸董其譯事。因與君勸同居。日夕上下其議論。茲二事者。皆足以牖吾之靈而堅其所以自信。還治所業。乃益感歎吾先哲之教之所以極高明而道中庸者。其氣象爲不可及也。書成後。徐志摩擬譯爲英文。劉文島及其夫人廖世劭女士擬譯爲法文。倘足以藥現代時敝於萬一。斯則啓超所以報先哲之恩我也。已。民國十一

先秦政治思想史

目錄

自序

序論

第一章 本問題之價值

第二章 問題之內容及資料

第三章 研究法及本書研究之範圍

前論

第一章 時代背景及研究資料

第二章 天道的思想

第三章 民本的思想

第四章 政治與倫理之結合

第五章 封建及其所生結果

第六章 階級制度興替狀況

第七章 法律之起原及觀念

第八章 經濟狀況之部分的推想

本論

第一章 時代背景及思潮淵源

第二章 政治思想四大潮流及研究資料

第三章 儒家思想(其一)

第四章 儒家思想(其二)

第五章 儒家思想(其三)

第六章 儒家思想(其四)(孟子)

第七章 儒家思想(其五)(荀子)

第八章 道家思想(其一)

- 第九章 道家思想(其二)
- 第十章 墨家思想(其一)
- 第十一章 墨家思想(其二)
- 第十二章 墨家思想(其三)
- 第十三章 法家思想(其一)
- 第十四章 法家思想(其二)
- 第十五章 法家思想(其三)
- 第十六章 法家思想(其四)
- 第十七章 統一運動
- 第十八章 寢兵運動
- 第十九章 教育問題
- 第二十章 生計問題
- 第二十一章 鄉治問題

先秦政治思想史

序論

第一章 本問題之價值

人類全體文化，從初發育之日起，截至西歷十五六世紀以前，我國所盡者，視全世界之任何部分，皆無遜色。雖然我國文化發展之途徑，與世界任何部分，皆殊其趣。故如希伯來人、印度人之超現世的熱烈宗教觀念，我無有也。如希臘人、日耳曼人之瞑想的形而上學，我雖有之而不昌。如近代歐洲之純客觀的科學，我益微不足道。然則中國在全人類文化史中，尙能占一位置耶？曰能。中國學術，以研究人類現世生活之理法爲中心。古今思想家皆集中精力於此方面之各種問題，以今語道之，卽人生哲學及政治哲學所包含之諸問題也。蓋無論何時代何宗派之著述，未嘗不歸結於此點。坐是之故，吾國人對於此方面諸問題之解答，往往有獨到之處。爲世界任何部分所莫能逮。吾國人參列世界文化博覽會之出品，恃此。

人生哲學，不在本講義範圍中，且置勿論。專言政治哲學，我國自春秋戰國以還，學術勃興，而所謂「百家言」者，蓋罔不歸宿於政治。其政治思想有大特色三：曰世界主義，曰平民主義或民本主義，曰社會主義。此三種主

義之內容與現代歐美人所倡導者爲同爲異。孰優孰劣。此屬別問題。要之此三種主義爲我國人夙所信仰。無論何時代何派別之學者。其論旨皆建設於此基礎之上。此三種主義雖不敢謂爲我國人所單獨發明。然而最少亦必爲率先發明者之一。此吾所不憚昌言也。

歐洲自十四五世紀以來。國家主義萌芽發展。直至今次世界大戰前後。遂臻全盛。彼所謂國家主義者何物耶。歐洲國家以古代的市府及中世的堡聚爲其雛型。一切政治論皆孕育於此種市府式或堡聚式的組織之下。此種組織以向內團結向外對抗爲根本精神。其極也遂至以仇嫉外人爲獎勵愛國衝動之唯一手段。國家主義之苗。常利用人類交相妒惡之感情以灌溉之。而口趨蕃碩。故愈發達而現代社會机阻不安之象乃愈著。中國人則自有文化以來。始終未嘗認國家爲人類最高團體。其政治論常以全人類爲其對象。故目的在平天下。而國家不過與家族同爲組成「天下」之一階段。政治之爲物。絕不認爲專爲全人類中某一區域某一部分人之利益而存在。其向外對抗之觀念甚微薄。故向內之特別團結亦不甚感其必要。就此點論。謂中國人不好組織國家也可謂其不能組織國家也亦可。無論爲不好或不能。要之國家主義與吾人夙不相習。則甚章章也。此種「反國家主義」或「超國家主義」的政治論既深入人心。政治實況當然受其影響。以二千年來歷史校之。得失蓋參半。常被異

羅素所著愛國功過一書。言「英國人慣用仇嫉外國的卑劣手段。以獎勵其國民愛國心。最初仇西班牙人。繼則仇法國人。繼則仇德國人。今後又不知當仇誰氏。」此言深可味。

其所謂天下者。是否即天下且勿論。要之其著眼恆在當時意識所及之全人類。

族蹂躪是其失也。蹂躪我者非久便同化，是其得也。最後總決算，所得優足償所失而有餘。蓋其結果常增加「中國人」之組成分子，而所謂「天下」之內容，日益擴大也。歐洲迄今大小數十國，而我國久已成為一體。蓋此之由，雖然，此在過去為然耳。降及近世，而懷抱此種觀念之中國人，遂一敗塗地。蓋吾人與世界全人類相接觸，不過在最近百數十年間，而此百數十年，乃正國家主義當陽稱尊之唯一時代。吾人逆潮以泳，幾滅頂焉。吾人當創鉅痛深之餘，曷嘗不竊竊致怨於先民之貽我感。然而平陂往復，理有固然。自今以往，凡疇昔當陽稱尊之學說，皆待一一鞠訊之後，而新賦予以評價。此千年間潦倒沉淪之超國家主義——即平天下主義世界主義非向外妒惡對抗主義——在全人類文化中應占何等位置，正未易言。

平等與自由，為近世歐洲政論界最有價值之兩大產物。中國在數千年專制政體之下，宜若與此兩義者絕相遠。然而按諸實際，殊不爾爾。除卻元首一人以外，一切人在法律之下皆應平等。公權私權皆為無差別的享用。乃至並元首地位，亦不認為先天特權，而常以人民所歸嚮所安習為條件。此種理想，吾先民二千年前夙所倡導，久已深入人心。公認為天經地義，事實上確亦日日向此大理想進行。演成政治原則，莫之敢犯。其最顯著者，則歐美貴族平民奴隸等階級制度，直至近百年來始次第撲滅。其餘燼之一部分，迄今猶在。我國則此種稅制，已成二千年殭石。歐人所謂「人權」，全由階級鬭爭產來，其得之也艱，故其愛護之也力。我國則反是。斯固然矣。然必有階級，然後有鬭爭之主體。在久無階級之我國，茲事自不能成問題。且以學理衡之，吾儕亦不能認階級鬭爭為性質上可崇敬之事業。若果爾者，一切階級滅盡之後，人類政治豈不日陷於墮落耶。我國歷史上未聞有此等慘酷之鬭爭，而已得有相當的人權。縱不必自豪，亦未足云辱也。所以能爾者，則以人類平等觀念，久

已成爲公共信條。雖有強者莫敢廢擲也。

自由與干涉對待政治上干涉主義之利病。在我國先秦時代實爲學界評論最劇之問題。結果不干涉主義殆占全勝。此主義以不可抗的權威常臨乎歷代君相之上。故秦漢以降我國一般人民所享自由權比諸法國大革命以前之歐洲人殆遠過之。事實具在不可誣也。其間昏主淫威墨吏飢法致自由失所保障者史固不絕書。然吏之毒民非法律所許民本有控愬之餘地。至對於暴君則自昔聖賢皆認革命爲人民正當權利。在學理上未嘗少爲假借也。我國民惟數千年生活於此種比較的自由空氣之中。故雖在亂離時而其個性之自動的發展尙不致大受戕賊。民族所以能永存而向上。蓋此之由。

美林肯之言政治也。標三介詞以櫟括之曰：Of the people, by the people, and For the people, 譯言政爲民政。政以爲民政。由民出也。我國學說於 Of, for 之義蓋詳哉言之。獨於 By 義則概乎未之有聞。申言之則國爲人民公共之國。爲人民共同利益故乃有政治。此二義者我先民見之甚明。信之甚篤。惟一切政治當由人民施行。則我先民非惟未嘗研究其方法。抑似並未承認此理論。夫徒言民爲邦本。政在養民。而政之所從出其權力乃在人民以外。此種無參政權的民本主義。爲效幾何。我國政治論之最大缺點。毋乃在是。雖然。所謂政由民出者。不難於其理論也。而難於其方法。希臘諸市之全民會議。遂得謂爲真 By the people 耶。近世諸國通行之代表制多數取決制。乃至最近試驗之蘇維埃制。又得謂爲真 By the people 耶。皆不容無疑。然則實現 By the People 主義之方法。雖在歐美今日猶不能作圓滿解答。況我國過去之國情——因地理及其他關係所產生之社會組織——多不適於此類方法之試驗。既不能得有可恃之方法。則不敢輕爲理論的主張。亦

固其所。要之我國有力之政治理想，乃欲在君主統治之下，行民本主義之精神。此理想雖不能完全實現，然影響於國民意識者既已甚深，故雖累經專制摧殘，而精神不能磨滅。歐美人視中華民國猝然成立，輒疑為無源之水，非知言也。

文化演進較深之國，政治問題必以國民生計為中心。此通義也。我國蓋自春秋以前，已注重此點。『既富方穀』、『資富能訓』諸義，羣經既所屢言，後此諸家政論，罔不致謹。於是而其最大特色，則我國之生計學說，常以分配論為首位，而生產論乃在次位也。歐洲所謂社會主義者，其唱導在近百餘年間耳。我國則孔墨孟荀商韓以至許行白圭之徒，其所論列，殆無一不帶有社會主義色彩。在此主義之下，而實行方法大相逕庭，亦與現代社會主義之派別多歧者略相似。漢唐以降之實際的政治，其為人所稱道者，又大抵皆含有社會政策之精神，而常以裁抑豪強兼井為職志者也。故全國人在比較的平等組織及條件之下，以遂其生計之發展，世界古今諸國中，蓋罕能與我並者。此雖半由環境所構成，抑亦學說之入人深也。

竊嘗論之，中國文明產生於大平原，其民族器度偉大，有廣納衆流之概。故極平實與極詭異之學說，同時並起，能並育而不相害。其人又極富於彈力性，許多表面上不相容之理論及制度，能巧於運用，調和焉以治諸一爐。此種國民所產之思想及其思想所陶鑄而成之國民意識，無論其長短得失如何，要之在全人類文化中，自有

中國未受工業革命之影響，故分配以情
力而保平均，似不能持以與今代歐美比
較。然中國百年前之經濟組織，與歐洲百
年前亦迥不同。我則一向皆常能保均富
而抑兼井，此根本特色也。

其不朽之位置。可斷言也。夫絕對的真理之有無。學者久已疑之。理論上且有然。若夫理論之演為制度者。其是非蓋益幻蹟而不易究詰。歐洲近一二百年。政治學說。生計學說之標新領異。幾使人應接不暇。種種學說。亦泰半已經次第實現。以成制度。然每一主義之昌。未嘗不有極大之流弊。踵乎其後。至今日則其人深陷於懷疑惱悶之淵。舉凡前此所安習之制度。悉根本搖動。欲舍其舊而新是謀。則皇皇然若求亡子而未得也。我先民所貽我之思想。雖或未成熟。或久中斷。搜剔而磨洗之。又安見不龜手之藥。終無益於人國也。由此言之。本問題之價值。可以見矣。

中國國民性之短處亦自有之。如好調和以致不徹底。即其一也。此非本論範圍。故不多及。

平心論之。價值之為物。本非絕對的不變的。吾儕殊不必妄自尊大。謂吾所有者必有以愈於人。更不宜諱疾忌醫。掩護其所短。以自窒進步。但尤有一義當知者。本國人對於本國政治思想。不惟其優良者有研究價值。即其窳劣者亦有研究價值。蓋現代社會。本由多世遺傳共業所構成。此種共業之集積完成。半緣制度。半緣思想。而思想又為制度之源泉。過去思想。常以歷史的無上權威。無形中支配現代人。以形成所謂國民意識者。政治及其他一切設施。非通過國民意識之一關。斷不能有效。質言之。非民衆積極的要求。或消極的承諾之政治。則不能一日存在。近二十年來。我國人汲汲於移植歐洲政治制度。一制度不效。又顧而之他。若立憲。若共和。若聯邦。若蘇維埃。……凡人所曾行者。幾欲一一取而試驗之。然而名實相繆。治絲愈勢。蓋制度不植基於國民意識之上。譬猶接鄰國之繁花。施吾家之老幹。其不能榮育宜也。最近窮而

業字為佛教術語。個人遺傳性謂之別業。社會遺傳性謂之共業。

思返。先覺者始揭改造思想之旗以相號召。雖然。改造云者。不惟其破壞也。而惟其建設。欲革去一舊思想。必須有一新思想。焉足鑒人心者以代之。否則全社會陷於懷疑與虛無。結果仍讓彼有傳統的惰力之舊思想占優勢耳。而新思想建設之大業——據吾所確信者。萬不能將他社會之思想全部移植。最少亦要從本社會遺傳共業上為自然的潛發與合理的釐砭洗鍊。信如是也。則我國過去政治思想。雖其中一部分對於世界無甚價值者。就吾國人立腳點言之。其價值不可蔑視明矣。

第二章 問題之內容及資料

政治思想之內容。從所表現的對象觀察。可分為二類。一曰純理。二曰應用。純理者。從理論上懸一至善之鵠。研究國家當用何種組織。施政當採何種方針……等等。應用者。從實際上校其效率。研究某種組織某種方針……等等。如何始能實現。此兩者雖有區別。然常為連鎖的關係。純理必藉應用而始圓滿。應用必以純理為其基礎。

從能表現之主格觀察。亦可分為二類。一曰個人的思想。二曰時代的思想。個人的思想。為大學者或大政治家腦力所產物。其性質為有意識的創造。時代的思想。由遺傳共業及社會現行習俗制度混織而成。其性質為無

積極要求者。以國民意識積極的作用創造一種新組織也。例如法國之「人權宣言」為十九世紀民權國家成立之總發動機。消極承諾者。以國民意識消極的作用。維持一種舊組織者也。例如日本今何戴萬世一系之天皇。中國人民默許藩鎮割據。

意識的演進。兩者亦常有交光的關係。個人能開拓時代。時代亦孕育個人。吾儕欲研究中國政治思想史。其資料當求諸何處耶。以吾所見。區爲四類。

第一類。學者之著述及言論。此爲個人創造力之完全表現。例如孔子老子墨子莊子尹文孟子荀卿韓非賈誼董仲舒仲長統桓寬司馬遷杜佑司馬光鄭樵王夫之顧炎武黃宗羲戴震譚嗣同等。皆有著述傳後。吾儕將其著述爬梳整理。可以察其思想之脈絡焉。此外或無著述。或雖有而已佚者。則從別人所徵引彼之言論以窺其思想之一斑。此惟先秦時代爲較多。例如鄧析思想見於呂氏春秋。許行思想見於孟子。惠施思想見於莊子。宋鈃思想見於孟子。荀子之類是也。

第二類。政治家活動之遺蹟。政治思想與哲學思想不同。哲學思想爲學者所獨有。其發表之形式專恃著述。政治思想什九與實際問題相接觸。一有機會。則不惟坐而言。直將起而行。故凡屬有主張有設施之政治家。例如周公管仲子產孔子商鞅李斯漢高祖漢武帝王莽諸葛亮崔浩蘇綽唐太宗劉晏陸贄王安石明太祖張居正清聖祖曾國藩之流。無論其人爲賢爲不肖。其事業爲成爲敗。要之其關於政治上之設施。皆其思想之現於實者也。故此等人之傳記。實斯學主要資料之一種。

第三類。法典及其他制度。政治思想之實現。恆結晶以變爲成文之法典及其他單行制度。例如周官法經漢律漢官唐律唐開元禮元典章明會典清律例清會典乃至如通典文獻通考等類之政書。與夫歷代詔令奏議。凡此類法制之書。雖大半遞相沿襲。而其間有所損益。恆必與其時代之要求相應。此即彼時代政治思想之表現也。至於立法時贊成反對之意見。表於言論者。尤足爲時代思想之徽幟。自無待言。

第四類。歷史及其他著述之可以證察時代背景及時代意識者。凡思想皆應時代之要求而發生。不察其過去及當時之社會狀況。則無以見思想之來源。凡一思想之傳播。影響必及於社會。不察其後此之社會狀況。則無以定思想之評價。故欲治政治思想史。必須對於政治史經濟史宗教史風俗史等有相當之準備。然後其研究不至歧誤。又各時代中一般人家指學者及政治家以外之人之言論。往往有單辭片語。優足爲當時多數人意識之代表。非博觀而約取之。不足以覘時代思想之全內容。此種資料。既無完善之成書可供採擇。則亦惟汎求諸羣籍而已。

右四類。前二類爲研究個人思想之資料。後二類爲研究時代思想之資料。其實兩者有交光的關係。既如前述。則此種界限。殊無取細分也。以吾所見。中國政治思想史現存之資料。可謂極豐富。獨惜散在羣籍。非費極大之勞力。不能搜集完備。且非有銳敏的觀察力。時復交臂失之。此則凡治國故者所共感之苦痛。不徒本問題爲然耳。

資料審擇。又爲治國故者一種困難之業。因古來僞書甚多。若不細加甄別。必致濫引而失真。例如以內經爲黃帝思想。以陰符爲太公思想。以周禮爲周公思想。以家語孔叢子所記爲孔子思想。以列子關尹子鬼谷子等書各爲其本人思想。乃至以僞古文尚書爲三代時思想。雜讖緯諸書爲邃古時思想。如是必至時代背景與思想系統完全混亂。而史之作用全失。

不惟僞書而已。卽真書中所記古事古言。亦當分別觀之。蓋古代著述家。每將其理想託諸古人以自重。孟子稱「有爲神農

韓非子顯學篇云：「孔子墨子同道堯舜。而趨舍不同。皆自謂真堯舜。堯舜不可復

之言者許行。』豈惟許行實亦可謂有爲堯舜之言者孔丘孟軻有爲大禹之言者墨翟有爲黃帝之言者莊周也。故雖以此等大哲之著書確實可信者，其所述先代之事蹟及言論大半只能認爲著書者之思想，而不能盡認爲所指述之人之思想。

又不惟專家著述爲然，即諸經諸史中資料亦當加審慎。孟子論治詩也，謂當『不以辭害意』，其論治書也，謂『盡信書則不如無書』。蓋史蹟由後人追述，如水經沙澗，必變其質，重以文章家善爲恢詭詭蕩之辭，失真愈甚。吾儕既不能吐棄此等書以孤求史蹟，而其所記載又玉石混淆，則惟有參徵他種資料，略規定各時代背景之標準，其不大繆於此標準者則信之而已，此則治一般史之通例，其方法非本書所能臚述也。

辨別僞書，凡以求時代之正確而已，不能因其僞而逕行拋棄。例如謂管子爲管仲作，商君書爲商鞅作，則誠僞也。然當作戰國末法家言讀之，則爲絕好資料，謂周禮爲周公致太平之書，則誠僞也。然其中或有一小部分爲西周遺制，其大部分亦足表現春秋戰國乃至秦漢之交之時代背景，則固可寶也。又如內經決非黃帝時代書，自無待言，然其書實戰國末陰陽家言所薈萃，陰陽家如鄒衍之徒著述已佚，此書即其絕好之代表品也。列子非列禦寇作而爲晉人僞撰，亦略有定評，然晉人學說傳今無幾，即以此書覘當時時代意識之一斑，計亦良得也。

尤有一類資料決當揀棄者，漢代策問郡國所貢士，已開獎借空言之漸，唐宋以還，斯風彌扇，如韓愈杜牧及蘇洵軾轍父子兄弟之徒，多以好爲膚廓之政論，濫博盛名，明清末流，帖括播毒，談政本必『危微精一』，論政制

生雖與辯僞墨之誠乎。』此語最能道出先秦諸子託古之真相。

必「封建井田」，「庶士羹飯，屢嚼而穢，不慚，優孟衣冠，久假而歸，無日。凡茲譏言，概宜芟汰。要之學者之學說，當以有無創造力爲價值標準，政治家之績業，當以有無責任心爲價值標準，合此標準，可以廁諸思想之林，否則毋恩我爲也。

第三章 研究法及本書研究之範圍

研究法有三種：第一，問題的研究法，先將所欲研究之事項劃出範圍，擬定若干題目，每個題目，皆上下古今以觀其變遷，其總問題，例如「國家起源」、「政府組織」……等等，其分問題，例如「土地宜公有抑私有」、「封建爲利爲弊」、「刑罰宜取懲報主義抑取威化主義」……等等，研究某時代對於本問題之趨勢何如，某學者對於本問題之態度何如，以類相次，一題畢乃及他題，此法長處，能令吾儕對於各種重要問題，得有緻密正確的知識，而且最適於實地應用，其短處，在時代隔斷，不易看出思想變化之總因，間因且各問題相互之關係，亦不明瞭。

第二，時代的研究法，此法按時代先後順序研究，例如先三代次春秋次戰國次秦漢……等，在同一時代中，又以思想家出生之早晚爲次，例如春秋戰國間，先老子次孔子次墨子次商君莊子孟子荀子韓非……等，此法長處，能使思想進化之跡歷歷明白，又可以將各時代之背景——即政治實況及社會實況——委細說明，以觀思想發生之動機，其短處，則同一時代中或資料太多，對於各問題難於詳細敘述，若勉強敘述之，則易時所述與前犯複，令讀者生厭，又一派之學說，先輩與後輩年代隔離，例如孔子與孟子孟子與荀子，令讀者迷其脈絡所在。

第三宗派的研究法。此法將各種思想抽出其特色，分爲若干派。例如儒家思想，自孔子起，繼以七十子後學者，繼以孟子荀卿董仲舒……等等。法家思想，自管仲子產起，次至商鞅韓非……乃至末流之蠹錯諸葛亮等等。以類論次。此法長處，對於一學派之思想淵源——其互相發明遞爲蛻變及大派中所含支派應時分化之跡，易於說明。各派對於具體問題所主張，亦易於比較。其短處，在時代隔斷。例如先述儒家，次述道家，則與孔子時代相次之老子，須於荀卿董仲舒……諸人敍畢，乃能論及。對於思想進化次第，難以說明。又各派末流相互影響甚多，歸類難以正確。又數大派之外，其有獨立思想而勢力較微者，容易漏略。

以上三法，各有短長。好學深思之士，任取一法爲研究標準，皆可以成一有價值之名著也。政治思想與其他思想之關係，茲更當一言。第一，凡偉大之學者，必有其哲學上根本觀念，而推演之以論政治。故欲研究先秦各派之政治思想，最少亦須對於彼之全體哲學，知其梗概。第二，政治與經濟，原有密切不可離之關係。吾國夙崇「政在養民」之訓，政論及政策，尤集中於人民生計。故政治思想與經濟思想，實應融冶一爐，以從事研究。第三，政治思想之深入國民意識中者，恆結晶爲法律及制度，而政治之活力，常使晶體的法制生動搖。故兩者相互之機括，又治斯學者所最宜注意也。

復次，論研究者所當持之態度。科學所以成立，全恃客觀的研究精神。社會科學比諸自然科學，完成較晚者，因社會事項最易惹起吾人主觀的愛憎，一爲情感所蔽，非惟批評遠於正鵠，且並資料之取舍亦減其確實性也。一切社會科學皆然。而政治上理論，出入主奴之見尤甚。中國唐宋以後學者，所謂「正學異端」「純王雜霸」「君子小人」之論，囂然而斯學愈不可復理。吾儕既以治史爲業，宜常保持極冷靜的頭腦，專務忠實介紹。

古人思想之真相，而不以絲毫自己之好惡夾雜其間。批評愈少愈妙，必不得已而用，亦僅採引申說明的態度。庶乎有當也。此其一。

國故之學，曷爲直至今日乃漸復活耶？蓋由吾儕受外來學術之影響，採彼都治學方法以理吾故物，於是乎昔人絕未注意之資料，映吾眼而忽瑩。昔人認爲不可理之系統，經吾手而忽整。乃至昔人不甚了解之語句，旋吾腦而忽暢。質言之，則吾儕所恃之利器，實「洋貨」也。坐是之故，吾儕每喜以歐美現代名物訓釋古書，甚或以歐美現代思想衡量古人，加以國民自慢性爲人類所不能免。豈他人之所有，必欲吾亦有之，然後爲快？於是堯舜禪讓，卽是共和；管子軌里連鄉，便爲自治。類此之論，人盡樂聞。平心論之，以今語釋古籍，俾人易曉，此法太史公引尙書已用之，原不足爲病。又人性本不甚相遠，他人所能發明者，安在吾必不能？觸類比量，固亦不失爲一良法。雖然，吾儕慎勿忘格林威爾之格言：「畫我須是我。」吾儕如忠於史者，則斷不容以己意絲毫增減古人之妍醜，尤不容以名實不相副之解釋，致讀者起幻蔽。此在百學皆然，而在政治思想一科，更直接有「生於其心，害於其政」之弊。吾儕所最宜深戒也。此其二。

此兩種態度，吾能言之而不能躬踐之，吾少作犯此屢矣。今雖力自振拔，而結習殊不易盡。雖然，願吾同學勿吾效也。

今當言吾書之範圍。依吾之理想，欲著一部真有價值的中國政治思想史，總須將前文所舉四類資料全部分實穴鎔鑄之，費兩三年精力，成一三四十萬言以上之著作。庶幾有當。今在此與諸君僅爲三個月的講習，講義隨編隨發，勢不能作此大舉。故將第三類資料殆完全拋棄，第二第四類僅摘要作補助，而專集中精力於第一

類資料。坐是之故。雖名爲中國政治思想史。實則敘述先秦思想什居其七。嚴格論之。實當名爲先秦政治思想史。其涉及漢唐以後者。不過附庸餘論。所以然者。以思想家的資格創造思想。惟先秦諸哲獨擅其能。故根據第一類資料以著書。入漢遂闕然無色。史實如此。末如之何也。然此不足爲完書。自不待言。吾冀他日或有力續成之。吾尤望吾同學中倘有人全部改作之。

前所列三種研究法。本書第二的時代第三的衆派兩種並用。全書大略以時代爲次。惟春秋戰國間各國學派壁壘鮮明。爲欲表出各派特色。故對於儒墨道法四家以派別相從。其不名一家者則附於後焉。第一種的問題方法與本書範圍不宜。故不用。惟問題之重要而有趣者。時或爲簡單的貫串敘述。附錄各章節之末。

（附言）本書講述伊始。其組織計畫本如右。嗣以時間不敷且復嬰病。故將漢以後全部閣舍。並改正其名曰先秦政治思想史矣。此文不復改正。以存經過之跡云爾。

十二年一月再版自記

前論

第一章 時代背景及研究資料

我國政治思想自孔老墨三聖以後始畫然標出有系統的主張，成爲一家言。前此則斷片的而已。雖然，後起的學說必有所憑藉，然後能發揮光大，故欲知思想淵源，非溯諸三聖以前不可。本章所敘述者，起唐虞以迄春秋中葉，此時代又當大別爲三期。

第一 部落期 唐虞迄殷末約千餘年。

第二 封建期 西周約三百年。

第三 霸政期 周東遷後至孔子出生前約二百年。

第一期部落分立，大部落之首長謂之元后，小者謂之羣后。元后或稱帝或稱王，其實與羣后地醜德齊，不過名義上認爲共主。每部落人數似甚少，其生活似甚簡單，其智識似未脫半開之域。因地廣人稀之故，各部落相互的鬭爭似不甚烈，其間以夏商兩朝保持元后資格最久，而唐虞周之先後三朝實亦千餘年間以羣后資格同時存在。

第二期周以西方一小部落崛起，代殷爲元后，有大政治家周公者，立大規畫以統一當時之所謂天下，「滅國五十」，分封子弟及功臣，使與舊部落相錯，而周室以邦畿千里，筦其樞，形成有系統的封建政治，其時各部落

民智本已日開。而周公復「監於二代」，「制禮作樂」，實行其保育政策。故宗周文化，號稱極盛。所封建之國，以巡狩及朝覲等關係，常受中央指揮，以增長其文化。百餘年後，政令漸衰，諸侯不共，宗周卒爲一異族名犬戎者所滅。

第三期，以封建之結果，各地方分化發展，如齊晉魯衛宋鄭等國，各自樹立，一面許多異民族——即當時所謂夷狄者，亦皆有相當的進步，紛起與諸夏抗衡，就中如秦楚等，尤爲特出。於是文化成爲多元的，諸大國盛行兼并，不惟夏商以來之部落不能圖存，即周初所建屏藩，亦鮮克保。於是封建之局破，各國以聯盟的形式互相維繫，而強有力之二三國爲之盟主，形成所謂霸政者。在霸政之下，各國以會盟征伐等關係，交通盛開，文化亦以益濟，而各國以內部發達之結果，產生一種特別智識階級，遂成爲貴族政治。此期中之政治組織，雖各國不盡從同，然大率皆由少數貴族以合議制（？）行之。其間最著名之政治家，其所設施能貽後代以甚大之影響者，有齊之管仲與鄭之子產。

吾儕欲研究此三期之政治思想，當據何等資料耶？第一期可據者最少，自不待言。孔子欲觀夏道，殷道，親詣其遺裔杞宋二國，而慨歎於文獻不足徵，則其史料之乏可想見。而前乎此者，益可想見。後世識緯諸書言三皇五帝事甚多，皆秦漢間陰陽家言，矯誣不可信。大小戴兩禮記，屢言夏殷制，亦儒家後學推定之文。孔子明言不足徵者，而其徒能徵之，誕矣。第二期資料宜較多，實亦不然。除羣經外，惟逸周書六十篇，然亦真贋參半，蓋當時簡冊流傳不易，雖有記載，傳後者希也。第三期資料，當時或甚豐富，自秦始皇焚「諸侯史記」，蕩然無復餘，惟從左傳國語史記中見其什一耳。今將此三期研究資料列舉如下。

一詩經。此書最可信。其中屬於第一期者惟商頌五篇。屬於第三期者約三四十篇。其餘二百餘篇。大率皆屬於第二期。書中具體的表現政治思想者不甚多。惟於研究時代背景最有關係。

二尚書。今本五十餘篇。其一部分爲東晉人偽造。真者二十八篇而已。今本尚有分合失真者其中虞夏書四篇。商書五

篇。屬第一期。又周書中秦誓一篇屬第三期。餘十八篇之周書。皆屬第二期。此書爲研究商周兩代政治思想唯一之寶典。惟虞夏書堯典皋陶謨禹貢三篇。似出後人追述。內中一部分應屬於第三期思想之系統。三易卦辭爻辭。易經中此一部分。爲第二期作品。繫辭傳所謂『當殷之末世周之盛德』也。其中表現政治思想者甚少。惟子細搜剔。可藉覘時代意識之一部。

四儀禮。此書爲第二期或第三期作品。但與政治思想關係甚淺。

五逸周書。內中十餘篇。略推定爲第二期作品。餘則戰國及漢人竄入。其真之一部分。應認爲與尚書有同等價值。內所含政治思想頗多。

六國語及左傳。二書相傳爲左丘明所作。左丘明相傳爲孔子弟子。然左傳有戰國以後語。似作者年代尙應稍後。又司馬遷所見只有國語。其左傳乃西漢末晚出。似是將國語割裂而成。又間有僞文竄入。要之此兩書宜作一書讀。其書爲春秋末年或戰國初年人所著。記西東二周史蹟。而春秋時尤詳。實研究第三期政治狀況及政治思想唯一之良著也。其中追述第一二期事蹟者亦較可信憑。

七史記。漢司馬遷所著。書中關於春秋以前之記載。大率取材於尚書國語。其間有出入者。宜分別審擇。

八其他百家語。先秦諸子及載記中關於春秋以前事語之記述尙不少。吾儕對於此等資料信任之程度。第

一、須辨原書之真偽。其偽者宜絕對排棄。第二、雖真書所稱道，仍須細加甄別。因先秦著作家託古之風甚熾也。

此外此時代之資料最成問題者有二書。

一、周官。亦稱周禮。後儒多稱為周公致太平之作。然其書西漢末晚出。當時學者多指為偽品。近代疑議益滋。據吾儕所推斷。其必非周公作。蓋成信讞。然謂全部為漢人贋託。抑又不類。意其中一部分或為西周末厲宣時代制度。一部分則春秋戰國時列國所行。漢人雜糅此二者。而更附益其一部分。此不過吾儕所想像。未敢徵信。即爾。而此三部分之分析抉擇。亦大非易。故此書資料雖多。宜從割愛。或別著一篇。題曰「表現於周官中之政治思想」。庶不失闕疑傳信之誼也。

二、管子。今本管子八十六篇。蓋劉向所校中秘書之舊。自司馬遷以來。即認為管仲所作。然中多記管仲死後事。且以思想系統論。其大部分必為戰國末葉作品無疑。最多則牧民山高乘馬等篇篇首或有一兩段傳管仲口說耳要之管仲人物之價值。不在其為學者。而在其為政治家。若以彼與尹文韓非同視。斯大誤矣。本書言政治思想精到處甚多。只能歸入戰國法家之林。不應以入本時代也。書中敘管仲政績亦多鋪張。不可盡信。無已。則取其與國語相出入者信之可耳。

本篇所採資料。以詩經尚書國語左傳為主。而慎擇其餘。庶幾可以寡過云爾。

第二章 天道的思想

凡國家皆起源於氏族。族長爲一族之主祀者。同時卽爲一族之政治首長。以形成政教合一的部落。宇內古今各國之成立。莫不經過此階級。中國亦其一例也。記中國最初之社會組織者。當以國語楚語觀射父之言爲近真。其言曰：

「古者民神不雜。民之精爽不攜貳者。而又能齊肅衷正。其知能上下比義。其聖能光遠宣朗。其明能光照之。其聰能聽徹之。如是則明神降之。在男曰覲。在女曰巫。是使制神之處位次主。而爲之牲器時服。而後使先聖之後。之有光烈。而能知山川之號。高祖之主。宗廟之事。昭穆之世。……而敬恭明神者。以爲之祝。使名姓之後。能知四時之生。犧牲之物。……壇場之所。上下之神。氏姓之出。而心率舊典者。爲之宗。於是乎有天地神民類物之官。謂之五官。各司其序。不相亂也。民是以能有忠信。神是以能有明德。……」

吾儕今日讀此。孰不以巫覲祝宗等爲不足齒之賤業。殊不知當時之「巫」。實全部落之最高主權者。其人「聰明聖智」。而「先聖之後」。一「名姓之後」。皆由彼所「使」。以供其職。而所謂「五官」者。又更在其下。蓋古代政教合一之社會。其組織略如此。彼時代殆無所謂政治理想。藉曰有之。則神意必其鵠也。

楚語所述。謂少昊前制度如此。少昊時九黎亂德。破壞此制。顓頊修復之。其後三苗又破壞此制。堯修復之。云云。雖屬神話。然古代我族與苗族之爭。實含有宗教戰爭的意味。可於此略窺消息也。

其時之神。一耶多耶。以理度之。蓋爲多神。觀文中「上下之神。氏姓所出」。一語。則知其神純屬「擬人」者。且偏於上下。其族孔繁。然而此種思想。幾經洗鍊。變至有史時代。而最高一神之觀念已漸確立。其神名之曰天。

曰上帝。於是神意政治進爲天意政治。吾得名之曰天治主義。關於天之觀念亦隨時代而進化。古代之天純爲「有意識的人格神。」直接監督一切政治。此種觀念在古籍中到處表現。如詩經。

「皇矣上帝。臨下有赫。監觀四方。求民之莫。」皇矣

「有周不顯。帝命不時。文王陟降。在帝左右。」王文

「其香始升。上帝居歆。胡臭亶時。后稷肇祀。」民生

「帝省其山。柞械斯拔。松柏斯兌。帝作邦作對。……帝謂文王。無然畔援。無然歆羨。……」皇矣

如書經。

「苗民弗用靈。……惟作五虐之刑。……殺戮無辜。……上帝監民。罔有馨香德。刑發聞惟腥。皇帝哀矜庶戮

之不辜。報虐以威。遏絕苗民。無世在下。……皇帝清問下民。鰥寡有辭于苗。……上帝不弔。降咎于苗。苗民無

辭于罰。乃絕厥世。……」呂刑

「聞于上帝。帝休。天乃大命文王。殪戎殷。」康誥

「夫知保抱攜持厥婦子。以哀籲天。……嗚呼。天亦哀於四方民。其眷命用懋。」召誥

兩經中若此類文字甚多。其詳具如下文「附錄一」所列舉。要之古代思想極爲素樸。其對於天之觀念。與希伯來舊約全書所言酷相類。天有感覺。有情緒。有意志。與人無殊。常直接監察或指揮人類之政治行動。若此者亦得名之曰具象的且直接的天治主義。

人類理智日進，此種素樸思想不足以維繫，於是天之觀念，逐漸醇化而為抽象的，所謂「維天之命於穆不已」，詩維天之命所謂「上天之載無聲無臭」，王文所謂「穆穆在上，明明在下，灼于四方」，書召諸如此類，其所謂天者，已漸由宗教的意味變為哲學的意味，而後世一切政治思想之總根核，即從比發軔。

此明明穆穆之抽象的天，何由與吾儕人類生關係耶？吾先民以為宇宙間有自然之大理法，為凡人類所當率循者，而此理法實天之所命。烝民之詩曰：「天生烝民，有物有則，民之秉彝，好是懿德。」民烝孟子釋之曰：「有物必有則，民之秉彝也，故好是懿德。」再以今語釋之，則謂凡一切現象，皆各有其當然之法，則而人類所秉之以為常也，故人類社會唯一之義務在

「順帝之則」皇矣

然則所謂「帝之則」者，如何能示現於吾儕耶？其在書洪範曰：

「我聞在昔，鯀殛洪水，汨陳其五行，帝乃震怒，不畀洪範九疇，彝倫攸斁，鯀則殛死，禹乃嗣興，天乃錫禹洪範九疇，彝倫攸敘。」洪範

攸敘

右所說者，恰如舊約書中摩西在西奈山上受十戒於上帝，其

為神話的而非歷史的，自無待言。雖然，此神話在國民思想上有絕大意味焉。蓋「人格神」與「自然法」一致之觀念從此確立，申言之，則宗教的「神」成為哲學的「自然化」也。周語述王子晉之言曰：

「伯禹釐改制量，象物天地，比類百則，儀之于民，而度之於羣生……克厭帝心，皇天嘉之，祚以天下。」

尙書洪範鄭康成注云：「洪範，大典也。」以今語釋之，即宇宙大法則的意味。古籍中有系統的哲理譚，此篇為最古者之一。

此正釋洪範語意「比類百則儀之于民」即「帝則」之假手於人以實現也。此觀念最圓滿表示者如尙書皋陶謨所說。

「……天工人其代之。天敎有典，勅我五典五惇哉。天秩有禮，自我五禮有庸哉。……天命有德，五服五章哉。天討有罪，五刑五用哉。政事懋哉懋哉。」

則也。範也。敎也。秩也。皆表自然法則之總相。因則而有範。因範而有疇。因敎而有典。因秩而有禮。則自然法則之演為條理者。

也。此總相即後此儒家道家之所謂道。其條理則後此儒家之所謂禮。法家之所謂法也。而其淵源則認為出於天。前此謂有一有感覺有情緒有意志之天直接指揮人事者。既而此感覺情緒意志化成為人類生活之理法。名之曰天道。公認為政治所從出而應守。若此者。吾名之曰抽象的天意政治。

附錄一 天道觀念表現於詩書兩經者

乃命羲和，欽若昊天，……教授民時。（堯典）

肆類于上帝，禋于六宗，望于山川，禋于羣神。（同上）

欽哉，惟時亮天功。（同上）

天工人其代之。天敎有典，勅我五典五惇哉。天秩有禮，自我五禮有庸哉。……天命有德，五服五章哉。天討有罪，五刑五用哉。……（皋陶謨）

皋陶謨為今文二十八篇之一。其為孔子以前之真經固無問題。然吾輩頗疑所謂虞夏書者實周以後所追述。茲事吾將別有論列。故此所引者應認為商周間一種進步的思想。

天聰明自我民聰明。天明畏，自我民明威。（同上）

惟勛丕應，後志以昭。受上帝天，其申命用休。（益稷）

非台小子，敢行稱亂。有夏多罪，天命殛之。……夏氏有罪，予畏上帝，不敢不正。……爾尚輔予一人，致天之罰。（湯誓）

先王有命，恪謹天服。（盤庚上）

予迓續乃命於天。（盤庚中）

惟天監下民，典厥義。降年有永有不永，非天夭民，民中絕命。民有不若德，不聽罪。天既孚命正厥德，乃曰：其如台。（高宗彤日）

天既訖我殛命。……故天棄我不有康食，不虞天性，不迪率典。今我民罔弗欲喪，曰：天曷不降威。……王曰：我生不有命在天？祖伊反，曰：嗚呼，

乃罪多參在上，乃能責命于天？（西伯戡黎）

天毒降災荒殷邦。（微子）

惟天陰隲下民，相協厥居。……我聞在昔，鯀堙洪水，汨陳其五行。帝乃震怒，不畀洪範九疇，彝倫攸斁。鯀則殛死，禹乃嗣興。天乃錫禹洪範九疇，

彝倫攸叙。（洪範）

天降割于我家，不少延。……其有能格知天命。……予不敢閉于天，降威用。（大誥）

予惟小子，不敢替上帝命。天休于寧王，興我小邦周。……今天其相民，矧亦惟卜用。嗚呼！天明畏，弼我不丕基。（同上）

天闔毖我成功所，予不敢不極率寧王圖事。……天棗忱辭，其考我民。……天亦惟用勤毖我民。（同上）

迪知上帝命，越天棗忱。爾時罔敢易法，矧今天降戾于周邦。……爾亦不知天命不易。（同上）

天惟喪殷。……天亦惟休于前寧人。……天命不僭。（同上）

我西土惟時怙冒，聞于上帝。帝休，天乃大命文王，殪戎殷。（康誥）

天畏棗忱，民情大可見。（同上）

亦惟助王宅天命，作新民。（同上）

天惟與我民彝大泯亂。(同上)

與惟天其罰殛我其不怨凡厥罪無在大亦無在多矧曰其尙顯聞於天。(同上)

惟天降命肇我民。(酒誥)

越殷國滅無疆弗惟德馨香祀登聞于天……庶辜自酒醴聞于天故天降喪于殷罔愛于殷……天非虐惟民自速辜。(同上)

皇天既付中國民越厥疆土于先王。(梓材)

皇天上帝改厥元子。(召誥)

天既遐終大邦殷之命茲殷多先哲王在天……夫知保抱攜持厥婦子以哀籲天……天亦哀于四方民其眷命用懋。(同上)

有王維小元子哉……王來紹上帝自服于中土且曰其作大邑其自時配皇天。(同上)

若生子罔不在厥初生自餘哲命今天其命哲命吉凶命歷年……王其德之用祈天永命。(同上)

王如弗敢及天基命定命……公不敢不敬天之休。(洛誥)

畏天大降喪于殷我有周佑命將天明威致王嗣敕殷命終于帝肆爾多士非我小國敢弋殷命惟天不畀允罔固亂……惟帝不畀惟我下民
 隳爲惟天明畏我聞曰上帝引逸有夏不適逸則惟帝降格褫于時夏弗克庸帝大淫佚有辭惟時天罔念聞厥惟廢元命降致罰乃命爾先祖
 成湯革夏……亦惟天丕建保乂有殷殷王亦罔敢失帝罔不配天其澤在今後嗣王誕罔顯于天……罔顧于天顯民憲時惟上帝不保降若
 茲大喪……今惟我周王丕靈承帝事有命曰割股告敕于帝……予亦念天卽于殷大戾……非我一人奉德不康寧時惟天命無違。(多士)

天命不易天難誑。(君奭)

我聞在昔成湯既受命時則有若伊尹格于皇天……在大戊時則有若伊陟扈格于上帝……故殷禮陟配天多歷年所。(同上)

在昔上帝剴申勸懲王之德共集大命于厥躬……乃惟時昭文王迪見冒聞于上帝惟時受有殷命哉。(同上)

惟帝降格于夏有夏誕厥逸……不克終于帝之迪……厥圖帝之命不克開于民之麗乃大降罰崇亂有夏……天惟時求民主乃大降顯休
 命于成湯刑殄有夏……今至于爾辟弗克以爾多方享天之命……非天庸釋有夏非天庸釋有殷乃惟爾辟以爾多方大淫圖天之命天惟

五年須暇之子孫。誕作民主。罔可念聽。天惟求爾多方。大勳以威。開厥顧天。惟爾多方。罔堪顧之。惟我周王。……克堪用德。惟典神天。天惟式敷。我用休。簡畀殷命。尹爾多方。（多方）

民興胥漸。泯泯禁禁。……方告無辜于上。上帝監民。罔有騷香德。刑發聞惟腥。皇帝哀矜庶戮之不辜。報虐以威。（呂刑）

上帝不譴。降咎于苗。苗民無辭于聞。乃絕厥世。（同上）

以上書經

昊天不殛。降此鞠凶。昊天不惠。降此大戾。不弔昊天。亂靡有定。式月斯生。俾民不寧。

昊天不平。我王不寧。不懲其心。殄絕其正。（節南山）

下民之孽。匪降自天。噂沓背憎。職競由人。

天命不徹。我不敢效。我友自逸。（十月之交）

浩浩昊天。不駿其德。降喪饑饉。斬伐四國。昊天疾威。弗慮弗圖。舍彼有罪。既伏其辜。若此無罪。淪胥以鋪。

如何昊天。辟言不信。如彼行邁。則憊所臻。凡百君子。各敬爾身。胡不相畏。不畏于天。（雨無正）

昊天疾威。敷于下土。謀猶回遹。何日斯沮。（小旻）

各敬爾儀。天命不又。（小宛）

悠悠昊天。曰父母且。無罪無辜。亂如此憯。昊天已威。予慎無罪。昊天泰憯。予慎無辜。（巧言）

明明上天。照臨下土。（小明）

文王在上。於昭于天。周雖舊邦。其命維新。有周不顯。帝命不時。文王陟降。在帝左右。

殷之未喪師。克配上帝。宜鑒于殷。駿命不易。

上天之載，無聲無臭，僞刑文王，萬邦作孚。（文王）

明明在下，赫赫在上，天難忱斯，不易維王，夫位殷適，使不隳四方。

維此文王，小心翼翼，昭事上帝，聿懷多福，厥德不回，以受方國。

有命自天，命此文王……篤生武王，保有命爾，贊伐大商。

殷商之旅，其會如林……上帝臨汝，無貳爾心。（大明）

皇矣上帝，臨下有赫，監觀四方，求民之莫……上帝耆之，憎其式廓，乃眷西顧，此維與宅。

帝省其山，柞械斯拔，松柏斯兌，帝作邦作對，自大伯王季。

維此王季，帝度其心……比于文王，其德靡悔，既受帝社。

帝，謂文王，無然畔援，無然歆羨，誕先登于岸。

帝，謂文王，予懷明德，不大聲以色……不讎不知，順帝之則。（皇矣）

下武維周，世有哲王，三后在天，王配于京。（下武）

厥初生氏，時維姜嫄，生民如何，克配克祀，以弗無子，履帝武敏歆……

……其香始升，上帝居歆，胡臭亶時。

上帝板板，下民卒瘁……

天之方難，無然憲憲，天之方蹙，無然泄泄……天之方虛，無然譖譖……天之方悖，無爲夸毗……

敬天之怒，無敢戲豫，敬天之渝，無敢馳驅，昊天曰明，及爾出王，昊天曰旦，及爾游衍。（板）

蕩蕩上帝，下民之辟，疾威上帝，其命多辟，天生烝民，其命匪謬，靡不有初，鮮克有終。

匪上帝不時，殷不用舊……曾是莫聽，大命以傾。（蕩）

受天上帝，則不我遺……昊天上帝，寧俾我暨……昊天上帝，則不我虞……瞻卬昊天，云如何里……瞻卬昊天，易其謫兮（雲漢）

天生烝民。有物有則。民之秉彝。好是懿德。（烝民）

昊天疾威。天篤降喪。……民卒流亡。我居國卒。天降罪罟。蟊賊內訌。……實靖夷我邦。（召耆）

維天之命。於穆不已。於乎不顯。文王之德之純。（維天之命）

天作高山。大王荒之。彼作矣。文王康之。（天作）

昊天有成命。二后受之。（昊天有成命）

畏天之威。于時保之。（我將）

時邁其邦。昊天其子之。（時邁）

思文后稷。克配彼天。……貽我來牟。帝命率育。（思文）

明昭上帝。迄用康年。（臣工）

敬之敬之。天維顯思。命不易哉。無曰高高在上。陟降厥士。日監在茲。（敬之）

天命玄鳥。降而生商。宅殷土芒芒。古帝命武湯。正域彼四方。（玄鳥）

帝命不遠。至于湯齊。湯降不遐。聖敬日濟。昭假遲遲。上帝是臨。帝命式于九圍。（長發）

天命降監。下民有嚴。不僭不濫。不敢怠遑。（殷武）

以上詩經

附錄二 天道觀念之歷史的變遷

愈古代則人類迷信的色彩愈重。此通例也。細讀詩書兩經。案其年代。其對於天道觀念變遷之跡。蓋略可見。商周之際。對於天之寅畏虔恭。可謂至極。如書之高宗彤日。西伯戡黎。大誥康誥。多士多方。詩之文王大明。皇

矣。等篇儼然與舊約之申命記同一口吻。迨幽厲之交，宗周將亡，詩人之對於天，已大表其懷疑態度。如『昊天不脩』、『昊天不惠』、『昊天不平』。節南山『天命不徹』。十月之交『浩浩昊天，不駿其德』。『昊天疾威，弗慮弗圖』。『如何昊天，辟言不信』。雨無正『昊天泰憮，予慎無辜』。『天之方難』。『天之方蹙』。『天之方虐』。『天之方儕』。板『疾威上帝，其命多辟』。蕩『昊天上帝，寧俾我逐』。『瞻卬上帝，曷惠其寧』。雲漢諸如此類，對於天之信仰，已大搖動。蓋當喪亂之際，疇昔福善禍淫之恒言，事實上往往適得其反。人類理性，日漸開拓，求其故而不得，則相與疑之。故春秋時一般思想之表現於左傳者，已無復稱說天意之尊嚴。其事理之不可解者，則往往歸諸鬼神術數，而有識之士，益不屑道。子產斥裨竈之言曰：

「天道遠，人道邇，非所及也。何以知之？竊焉知天道，是亦多言矣，豈不或信？」左昭十八

「天地不仁，以萬物爲芻狗。」

此語驟讀，若甚駭人。其實視詩人之斥天爲不惠，不平，不徹，不駿其德，辟言不信，其命多辟……者，曾何以異。此無他，神權觀念，惟適用於半開的社會，其不足以壓服春秋戰國時之人心，固其所也。孔子持論最中庸，亦云。

『先天而天弗違』
書 易 文

書易文

與古代傳統的天道觀念抑大別矣。惟墨子純爲一宗教家，毅然復古。天志諸篇所說，確爲商周以前思想。而此論已不復能適用於當時之社會。及戰國末而人智益進，荀子遂大聲疾呼，謂：

「大天而思之，孰與物畜而制裁之；從天而頌之，孰與制天命而用之。」天論篇

此實可謂人類對於天之獨立宣言，非惟荀子當時一般思想家之觀念，殆皆如是矣。其後董仲舒又採墨氏天志論以釋儒家言，其著書專言「天人相與之際」。兩漢學者翕然宗之，此爲天道說之第二次復古運動。然與方士派之鬼神術數說轉相雜糅，其在學問上之價值亦愈低落矣。千年間關於此事之思想變遷略如此。下文述各家學說時當別有所論列。今欲學者對於本問題先獲有較明瞭的觀念，輒類舉其梗概如右。

第三章 民本的思想

天的觀念與家族的觀念互相結合，在政治上產生出一新名詞焉。曰「天子」。天子之稱始於書經之西伯戡黎，次則洪範，次則詩經雅頌中亦數見。洪範曰：

「天子作民父母，以爲天下王。」

此語最能表出各代「天子」理想之全部。天子者即天之子，詩所謂「昊天其子之」也。一面爲天之子，一面又爲民之父母。故詩亦曰：「豈弟君子，民之父母。」有此天子以「格於上下」禮典文而爲之媒介，遂以形成一「天人相與」之大家族。此古代政治上之最高理想也。遠古之「巫覡政治」不過憑附一人以宣達天意，政治完全隸屬於宗教之下。此種「天子政治」則認定一人以執行天意，故曰：「天工人其代之。」天而有代理人，則政教分離之第一步也。若此者，吾名之曰間接的天治主義。

然則天子與人民爲相對的階級耶？是又不然。召誥之言曰：「皇天上帝，改厥元子。」元子者何？衆子之長也。人

人共以天爲父，而王實長之云爾。元子而常常可以改，則元子與衆子之地位原非絕對的。質言之，則人人皆可以爲天子也。此種人類平等的大精神，遂爲後世民本主義之總根芽。

元子誰改之？自然是天改之。天既有動作，必有意志。天之意志何從見？託民意以見。此即天治主義與民本主義之所由結合也。書經中此種理想，已表示得十分圓滿。如：

「天聰明自我民聰明，天明畏自我民明威。」（皋陶謨）

「天視自我民視，天聽自我民聽。」（秦誓逸文 孟子引）

「天畏棐忱，民情大可見。」（康誥）

「民之所欲，天必從之。」（秦誓逸文 左襄三十一引）

天子爲天之代理人，在天監督之下，以行政治，則本來之最高主權屬於天。甚明。然此抽象的天，曷由能行使其監督耶？吾先民以爲天之知（聰明）能（明）視（明）聽（明），皆假塗於人民以體現之。民之所欲惡，即天之所欲惡。於是論理之結果，不能不以人民爲事實上之最高主權者。故此種「天子政治」之組織，其所謂天者，恰如立憲國無責任之君主。所謂天子者，則當其責任內閣之領袖。天子對於天負責任，而實際上課其責任者則人民也。晉師曠之言曰：

「天生民而立之君，使司牧之，勿使失性……天之愛民甚矣，豈其使一人肆於民上……」（左襄十四）

公羊傳云：「謂爲天之子也可，謂爲母之子也可。尊者取尊稱焉，卑者取卑稱焉。」此謂人人皆天之子，而王者以尊故專用此名表之云爾。此可爲召誥元子義之注脚。

此言君主責任之義。最爲痛切明白。而天意既以民意爲體現。則君主亦自當以對民責任體現其對天責任。古籍中表示此思想者甚多。如堯之於舜。舜之於禹。皆告以「天之曆數在爾躬」。而又云「四海困窮則天祿永終」。論語盤庚言「恭承民命」。召誥言「顧畏民彝」。皆對於人民積極負責任之精神也。

君主不能踐其責任則如之何。人民例得起而易置之。是即體現天意以「改厥元子」也。此種理想。尙書湯誓牧誓大誥多士多方等篇言之最詳。後此孔孟之徒。主張革命爲人民正當權利。其思想實淵源於此。

革命不可常也。然則平時所以體現民意者奈何。我先民則以採納輿論爲不二法門。所謂「史載書。誓陳詩。工誦箴諫。士傳言。庶人謗」……等等。皆輿論機關也。古代賢士大夫。蓋絕對主張言論自由。故周厲王監謗。召穆公非之曰：

「防民之口。甚於防川……夫民慮之於心而宣之於口。成而行之。胡可壅也。」周語

鄭人游於鄉校以議執政。或勸子產毀校。子產曰：

「夫人朝夕退而遊焉以議政之善否。其所善者吾則行之。其所惡者吾則改之。是吾師也。若之何毀之。」左襄

三十

此皆尊重輿論之明訓也。然亦非謂輿論當絕對的盲從。左傳曾記欒書一段談話如下。

「或謂欒武子曰。聖人與衆同欲。是以濟事。子盍從衆。子爲大政。將酌於民者也……商書曰。三人占。從二人。

衆故也。武子曰。善鈞從衆。夫善衆之主也。」左成

讀此一段。可以知吾先民對於「多數取決之制度」。作何等觀念。多數取決。爲現代議會政治一鐵則。良無他。

這足以易之。然謂多數所贊者必與國利民福相應，則按諸理論與徵諸史蹟而皆有以明其不然也。樂書之言：『謂兩善相均則從衆，果能如此，真可以現出理想的好政治，獨惜言之易而行之難耳。』

古代之民本主義，曾否實現？用何種方法實現？實現到若何程度？今皆難確言。盤庚有『王命衆悉至于庭』語，大誥多士多方等篇，一讀而知爲周公對羣衆之演說辭，以此推之，或如希臘各市府之『全民會議』，蓋古代人少，實有此可能性也。洪範所謂『謀及庶人』，殆遵此道。周官小司寇條下云：

『掌外朝之政，以致萬民而詢焉。一曰詢國危，二曰詢國遷，三曰詢立君。』

周官雖不可盡信，然此制似屬古代所常行。蓋左傳及他書，尙屢見其跡。『衛靈公將叛晉，朝國人問焉，曰：『若衛叛晉，晉五伐我，病何如矣？』皆曰：『五伐我，我猶可以能戰。』曰：『然則如叛之？』』左定八『吳之入楚也，陳懷公朝國人，問焉，曰：『欲與楚者右，欲與吳者左。』』左哀元此皆詢國危之例也。『晉惠公爲俘於秦，使呂飴甥朝國人……告曰：『孤雖歸，辱社稷矣，其卜貳圉也。』衆皆哭。』左僖十五『周王子朝之難，晉侯使士景伯蒞問周故，士伯立于乾祭而問於介衆。』左昭十四此皆詢立君之例也。前所舉盤庚將遷殷，『命衆悉至于庭，』又孟子稱太王將遷岐，『屬其耆老而告之。』此皆詢國遷之例也。由此觀之，古代人民最少對於此三項大

政確有參與之權利。此種方法，在人口稍多的國家，當然不可行。故戰國以後，無得而稽焉。要而論之，我先民極知民意之當尊重，惟民意如何而始能實現，則始終未嘗當作一問題以從事研究。故執政若違反民意，除卻到惡貫滿盈羣起革命外，在平時更無相當的制裁之法。此吾國政治思想中之最大缺點也。

附錄三 民本思想之見於書經國語左傳者

皋陶曰。都在知人。在安民。……安民則惠。黎民懷之。（皋陶謨）

天聰明自我民聰明。天明畏自我民明畏。（同上）

盤庚遷于殷。民不適有居。率籲衆慼。出矢言曰。我王來。既爰宅於茲。重我民。無盡劉。不能胥匡以生。……盤庚黜于民。由乃在位。……（盤庚）

古我前后罔不惟民之承。（同上）

朕及篤敬。恭承民命。用永地于新邑。（同上）

今我民罔不欲喪。曰。天曷不降威。大命不摯。（西伯戡黎）

皇建其有極。欽時五福。用敷錫厥庶民。惟時厥庶民于汝極。（洪範）

天子作民父母。以爲天下王。（同上）

汝則有大疑。謀及乃心。謀及卿士。謀及庶人。……（同上）

庶民惟星。星有好風。星有好雨。（同上）

天棐忱辭。其考我民。（大誥）

惟乃丕顯考文王。克明德慎懼。不敢侮齔寡。庸庸。嘏嘏。威威。顯民。（康誥）

天畏棐忱。民情大可見。……亦惟助王宅天命。作新民。（同上）

其丕能誠于小民。今休。王不敢後。用顧畏于民。曷。（召誥）

凡民。惟曰不享。惟事其夷侮。（洛誥）

惟我下民。秉爲惟天明畏。（多士）

其在顯甲。不踐惟王。舊爲小人。作其卽位。爰知小人之依。能保惠于庶民。不敢侮齔寡。（無逸）

厥或告之曰：小人。細汝曹汝。則與自教德。厥冠曰：朕之愆。（同上）

以上書經

人視水見形。視民知治不。（史記股本紀引湯誓）

民非后無能胥以寧。后非民無以辟四方。（禮記表記引大甲）

天視自我民視。天聽自我民聽。（孟子引泰誓）

民之所欲。天必從之。（左襄三十一引泰誓）

衆非元后何戴。后非衆無以守邦。（周語引夏書）

民善之則畜也。不善之則離也。（呂氏春秋適威篇引周書）

以上逸書

商王帝辛。大惡于民。庶民弗忍。欣戴武王。以致戎于商牧。是先王非務武也。勸恤民。隱而除其害也。（周語記祭公謀父語）

防民之口。甚於防川。川壅而潰。傷人必多。民亦如之。是故爲川者決之使導。爲民者宣之使言……夫民。慮之於心而宣之於口。成而行之。胡可壅也。若壅其口。其與能幾何。（周語記召公語）

先王知大事之必以衆濟也。故敝除其心以和惠民。（周語記內史過語）

諺曰：獸惡其網。民惡其上。書曰：民可近也而不可上也……是則聖人知民之不可加也。故王天下必先諸民。然後庇焉。（周語記單襄公語）

天所崇之子孫。或在厥畝。由欲亂民也。畝畝之人。或在社稷。由欲靖民也。（周語記太子晉語）

成王不敢康。敬百姓也。（周語記叔向語）

民不給將有遠志。是離民也……將民之與處而離之……則何以經國。（周語記單襄公語）

民所喜好（韋注：喜，喜也。）鮮其不濟也。其所喜惡，鮮其不廢也。故諺曰：衆心成城，衆口鑠金。（同上）

晉人殺厲公，邊人以告。（魯）成公在朝，公曰：「臣殺其君，雖之過也。大夫莫對。」里革曰：「君之過也。夫君人者，其威大矣。失威而至於殺，其過多矣。且夫君也者，將牧民而正其邪者也。若君縱回而棄民事……將安用之？桀奔南巢，紂賂于京，厲流于處，幽滅于戲，皆是術也。」（魯語）

昔者之伐也，起百姓以爲百姓也。是以民能欣之，故莫不盡忠極勞以致死。（晉語記史蘇語）

民之有君，以治義也。義以生利，利以豐民。若之何其民之與處而棄之也。（晉語記里克語）

長民者，無親，衆以爲親。（晉語）

民，天之生也。知天必知民矣。（楚語記子革語）

以上國語

國將興，聽於民；將亡，聽於神。（莊三十二記史墨語）

或謂樂武子曰：「聖人與衆同欲，是以濟事。子盍從衆。」子大爲政，將酌於民者也……商書曰：「三人占，從二人，衆故也。」武子曰：「善鈞從衆，夫善衆之主也……」（成六）

師曠侍於晉侯，晉侯曰：「衛人出其君，不亦甚乎？」對曰：「或者其君實甚。良君將賞善而刑淫，養民如子，蓋之如天，容之如地。民奉其君，愛之如父母，仰之如日月，敬之如神明，畏之如雷霆，其可出乎？夫君，神之主而民之望也。若困民之生，匿神乏祀，百姓絕望，社稷無主，將安用之？弗去何爲？天生民而立之君，使司牧之，勿使失性。有君而爲之貳，使師保之，勿使過度……史爲書，晉爲詩，工誦箴諫，大夫規誨，士傳言，庶人謗，商旅于市，百工獻藝……諫失當也。天之愛民甚矣，豈其使一人肆於民上，以從其淫而棄天地之性，必不然矣。」（襄十四）

夫上之所爲，民之所歸也。上所不爲而民或爲之，是以加刑罰焉而莫敢不應。若上之所爲而民亦爲之，乃其所也。又可禁乎？（襄二十一記臧武仲語）

晉民者，豈以陵民，社稷是主；臣君者，豈爲其口實，社稷是養？（襄二五晏嬰語）

鄉人游于鄉校以議執政。然明謂子產曰：「毀鄉校如何？」子產曰：「何爲？夫人朝夕退而遊焉，以議執政之善否。其所善者，吾則行之；其所惡者，吾則改之。是吾師也。若之何毀之？」……（襄三十二）

好惡不愆，民知所適，事無不濟。（昭十五記叔向語）

鄭子產作丘賦，國人謗之……子寬以告。子產曰：「何害？苟利社稷，死生以之。吾聞爲善者不改其度，故能有濟也。民不可遷，度不可改。」詩曰：「禮義不愆，何恤於人言？」吾不遷矣。（昭四）

子產有疾，謂子太叔曰……唯有德者能以寬服民。其次莫如猛。夫火烈，民望而畏之，故鮮死焉；水懦弱，民狎而翫之，故多死焉。（昭二十）

以上左傳

據上所列舉以校其年代，則知商周以前，民本主義極有力。西周之末尚然，東遷以後漸衰。至春秋末幾無復道此者。此固由霸政驟興之結果，抑亦當時貴族常濫用民意以傾公室，故不爲賢士大夫所許。觀晏嬰叔向之論齊晉貴族，子家之論魯貴族，可見矣。

晏嬰叔向語見左傳昭三年子家語見昭二十五年

第四章 政治與倫理之結合

前既言之矣，凡國家皆起源於氏族。此在各國皆然，而我國古代於氏族方面之組織尤極完密，且能活用其精神，故家與國之聯絡關係甚圓滑，形成一種倫理的政治。尙書堯典曰：

「克明俊德，以親九族。九族既睦，平章百姓。」

九族者，上推高曾，下逮曾玄，喪服小記所謂「親親以三爲五，以五爲九」，由本身推算親屬也。百姓者，楚語云：「所謂百姓……者何也……民之徹官百，王公之子弟之質能言能聽徹其官者而物賜之姓……是爲百姓。」

堯典此文「百姓」與下「黎民」對舉，國語屢言「百姓」皆與「兆民」對舉，是古代「百姓」實爲貴族專名，然則姓何自來耶？楚語此文言「物賜之姓」，左傳亦云「天子建德，因生以賜姓」，^八是謂姓爲天子所賜，然周語又云：

「伯禹……克厭帝心，皇天嘉之，昨以天下賜姓曰姒……昨四岳國，命爲侯伯，賜姓曰姜……」是又謂天子與侯伯之姓，並由天所賜，其實「姓」字从女生，說文云「人所生也」，初民社會先有母系，然後有父系，邃古部落皆從母以舅厥居，因各以所屬母爲徽別，故著姓如姚姒姬姜嬴嫫姁姁，字皆从女，百姓卽羣部落之義，言百者舉大數耳，各姓之長皆名曰「后」，其位相等夷，故曰「羣后」，後世謂之諸侯「羣后」中有功德優越者，共戴爲「元后」，後世謂之天子「姓」與社會組織之關係略如此，晉語云：

「異姓則異德，異德則異類……同姓則同德，同德則同心。」然則百其姓者百其類，以今語釋之，卽一百個種族不同之社會也，故堯典以「平章」言百姓，意謂平等調和各異族云爾。

唐虞夏商所謂平章百姓者，成績如何，史無徵焉，至於周而發明一絕妙之平章法，曰同姓不婚，禮記大傳云：「繫之以姓……雖百世而昏姻不通者，周道然也。」


足見夏商以前未有此禁。有之自周始。質言之。則同種族之人不得互婚。凡婚姻必求諸異族也。此種制度。於我民族之發榮。有絕大影響。蓋多數異族血統之混合。即大民族所由醇化也。周人自厲行此制。於是「百姓」相互間。織成一親戚之網。天子對於諸侯。『同姓謂之伯父。異姓謂之伯舅。』^{王制}詩有之。『豈伊異人。兄弟甥舅。』^{伐木}其大一統政策所以能實現者。半由是。此制行之三千年。至今不變。我民族所以能蕃殖而健全者。亦食其賜焉。

以上所言者。異族相互間之關係也。若夫同族相互間。更有所謂宗法者。以維繫之。而組織愈極綿密。禮記喪服小記及大傳述其梗概如下。

「別子爲祖。繼別爲宗。繼嗣者爲小宗。有百世不遷之宗。有五世則遷之宗。」

周人用此組織以規定各侯國內族屬之關係。試爲圖以表之。

(宗法表)



○小宗——繼嗣小宗之弟

○小宗 嗣君庶弟

○小宗 嗣君庶弟

○小宗 嗣君庶弟

如是一國中。國君之外。更有唯一之百世不遷的大宗。有無數五世則遷的小宗。小宗之宗人。共宗其小宗。羣小宗各率其宗人。以宗大宗。大宗又率羣小宗。以宗國君。故詩曰：「君之宗之。」公言君與宗相待而成治也。荀子曰：「大夫士有常宗。」言大宗也。晉師服曰：「大夫有貳宗。」左昭言小宗也。叔向曰：「胙之宗。十一族。惟羊舌氏在而已。」左昭言小宗條分廣衍。雖遷後仍以族相屬也。

宗法不惟行之國內而已。諸國相互間亦行之。孟子記滕之父兄百官稱「吾宗國魯先君。」滕文滕開國之君叔繻爲魯開國之君。周公之弟。周公爲武王母弟。諸姬共戴之爲大宗。故曰「吾宗國」也。如是諸侯又各率其宗以宗天子。荀子曰：「天子……聖王之子也……天下之宗室也。」正故周之諸侯稱周曰「宗周」。宗法又不惟行於王侯之支庶而已。一般平民亦有之。左傳所記晉有「翼九宗。」六有「懷姓九宗。」定翼九宗爲晉之支庶。懷姓卽隗姓。乃當時狄（匈奴）種也。傳又記「楚人執戎蠻子。致邑立宗。以誘其遺民。」哀又記「梗陽人有獄。魏戊不能斷。以獄上其大宗也。」昭二此可見凡民皆各有宗。且可以隨時增立。而宗之所在。卽民之所歸也。故周官云：「以九兩繫邦國之民……五曰宗。以族得民。」大言宗達於上下也。如是國內各部分人民。各以「同姓從宗。合族屬。」大傳而統之於君。故曰「君有合族之道」上焉。其立法精

神何在。蓋利用人類通性而善導之。故曰：『人道親親也。親親故尊祖。尊祖故敬宗。敬宗故收族。』上同人莫不親愛其父母。因父母而尊父母所自出之祖先。因祖先而敬及代表祖先之宗子。卒乃以宗子之關係聯絡全族。似此大規模的家族組織。遂成爲政治上主要原素。再加以宗教的氣味。而效力益強。『萬物本乎天。人本乎祖。』
郊特牲文尊祖觀念與敬天觀念相結合。推論之結果。可以認全人類爲一大家族。故曰：『明乎郊社之禮。禘嘗之義。治國其如示諸掌乎。』中庸文吾儕若能對於宗法精神根本明了。則所謂『天下之本在國。國之本在家。』孟子文所謂『欲治其國者先齊其家。』大學文庶幾乎可以索解矣。
 此種『家族本位的政治。』在當時利病如何。今不暇詳述。要之此爲後此儒家政治思想之主要成分。直至今日。其情力依然存在。然社會組織既已全變。則其精神亦適爲殭石而已。

第五章 封建及其所生結果

後儒多言封建爲唐虞以來所有。其實非也。夏殷以前所謂諸侯。皆遠古自然發生之部落。非天子所能建之能廢之。¹真封建自周公始。武王克殷。廣封先王之後。見史記不過承認舊部落而已。及『周公弔二叔之不咸。乃衆建親賢。以屏藩周。』左傳二十四其新封之國蓋數十。而同姓子弟什居七八。²蓋一面承認舊有之部落。而以新封諸國參錯其間。實際上舊部落多爲新建國之『附庸。』³間接以隸於天子。其諸國與中央之關係。大略分爲甸侯衛荒四種。⁴甸爲王畿內之采邑。侯即諸侯。衛蓋舊部落之爲附庸者。荒則封建所不及之邊地也。中央則以朝覲巡狩會同等制度以保主屬的關係。而諸國相互間。復有朝聘會遇等制度以常保聯絡。

(1) 國語稱「自葛至于魯陵無違命。」可見帝舜之祖宗本爲一部落之長。尙書稱「虞實在位。」山海經稱帝丹朱，可見帝堯遜位後其子孫仍爲一部落之長。其他如商周部落等，在虞夏時久已存在。史文可徵，皆非由封建也。皋陶謨「外薄四海，咸建五長。」禹貢「錫土姓」等語，孟子言舜封弟象於有庳等事，蓋後儒以周制比論，不能認爲史實。

(2) 荀子儒效篇稱周兼制天下，立七十一國，姬姓居五十三，左傳昭二十八年，稱武王兄弟之國十有五，姬姓之國四十，呂覽觀世篇稱周所封四百餘，服國八百餘，史記十二諸侯年表稱武王成康所封數百，而同姓五十五國。

(3) 魯頌閟宮云「錫之山川，土田附庸。」任宿須句顓臾，皆魯之附庸也。

(4) 古書言諸服之制，尙書大傳稱周公攝政四年，建侯衛，酒誥康王之辭，皆言侯甸男衛，康誥稱侯甸男衛，邦伯，周語稱甸服侯服，賓服，要服，荒服，周官更有六服，大服等異名，吾略推定爲四種。

封建制度最大之功用有二：一曰分化，二曰同化。

所謂分化者，謂將同一的精神及組織，分布於各地，使各因其環境以盡量的自由發展。天子與諸侯俱南面而治，有不純臣之義。注：公羊傳各侯國所有行政機關，大略與天子相同，所差者規模稍有廣狹耳。天子不干涉侯國內政，各侯國在方百里或方數百里內，充分行使其自治權。地域小則精神易以貫注，利害切己則所以謀之者周。此種組織，本由部落時代之元后羣后蛻變而來，惟彼之羣后，各就其本身之極微薄的固有文化（？）徐徐堆集，譬猶半就枯瘠之老樹，此之侯國，則由一有活力之文化統一體分泌出來，爲有意識的播殖活動，譬猶從一大樹中截枝分栽，別成一獨立之新根幹，故自周初施行此制之後，經數百年之蓄積滋長，而我族文化乃從各地方爲多元的平均發展，至春秋戰國間，遂有千巖競秀，萬壑爭流之壯觀，皆食封建之賜也。所謂同化者，謂將許多異質的低度文化，醇化於一高度文化總體之中，以形成大民族意識，封建之制，有所謂

衛服即附庸者。既如前述。此等附庸。其性質在「司羣祀以服事諸夏。」左傳二質言之。則舊部落而立於新侯國指導之下者也。不甯惟是。春秋諸名國。初受封時。率皆與異族錯處。故齊太公初至營丘。萊夷與之爭國。見史記魯則密邇淮夷。徐戎。詩書見晉則「疆以戎索。」左定「狄之廣莫於晉爲都。」左莊二籍談謂「晉居深山。戎狄之與鄰。王靈不及。拜戎不暇。」左昭十五吳更斷髮文身之裔壤也。見史記可見殷周之際。所謂華夏民族者。其勢力不出雍岐河洛一帶。周家高掌遠蹠。投其親賢於半開的蠻族叢中。使之從事於開拓吸化之大業。經數百年艱難締造。及其末葉。而太行以南大江以北盡爲諸夏矣。此種同化作用。在國史中爲一最艱鉅之業。直至今日猶未完成。而第一期奏效最顯者。則周之封建也。

我族人自稱曰華曰夏。而目異族以蠻夷。此兩相對待之名詞。發源甚古。而相沿亦甚久。如「蠻夷猾夏。」書典「獲戎失華。」左襄四「裔不謀夏。夷不亂華。」左定十此等辭語。常出諸賢士大夫之口。此蓋民族意識之標幟。喜翹己以示異於人。恆情所不能免也。然而我國所謂夷夏。並無確定界線。無數蠻夷。常陸續加入華夏範圍內。以擴大民族之內容。試舉一例。史記楚世家記周夷王時。西紀前八八九至前八七九楚子熊渠之言曰。「我蠻夷也。」春秋桓八年。前四七〇楚子熊通之言仍曰。「我蠻夷也。」襄十四年。前五八九楚臣子囊之言則曰。「赫赫楚國……撫有蠻夷。以屬諸夏。」左傳文可見現代之湖北（楚）人。向來自稱蠻夷。乃經過百六十五年後。忽自稱爲撫有蠻夷之諸夏。此等關節。實民族意識變遷之自白。讀史者不容輕輕放過也。然則其所以能如此者何耶。我國人四海一家。萬人平等的理想。發達甚早。書所謂「光天之下。至于海隅蒼生。萬邦黎獻。共爲帝臣。」詩所謂「普天之下。莫非王土。率土之濱。莫非王臣。」北山蓋我先民之對異族。略如長兄對其弱弟。當其稚時。不與抗禮。及既成年。便爲

平等。弱弟之自覺，亦復如是。又同姓不婚之制，亦爲夷夏混界一要具。據左傳所記，周襄王有狄后，晉文公及其異母弟夷吾、奚齊皆諸戎所出，文公自娶狄女季隗，以叔隗妻趙衰，生盾。當時民間夷夏雜婚情況何如，雖不可知。然貴族中則既有顯證，此亦同化力猛進之一原因也。

第六章 階級制度興替狀況

階級制度，實人類文化初開時代所不能免。其成立之早晚與消滅之遲速，雖半由環境所決，盪而民族思想根柢亦與有力焉。春秋前奴隸制度之痕跡，見於諸經者甚少。詩經似一無可考，易經書經有「童僕」「臣妾」等字，玩文當爲奴隸。此外最奇異者，爲春秋時楚芊尹無字之言曰：「天有十日，人有十等……王臣公，公臣大夫，大夫臣士，士臣阜，阜臣與，與臣隸，隸臣僚，僚臣僕，僕臣臺。」左昭其言若可信，則古代階級可謂極複雜。雖然，其界限並不嚴，其地位移易似甚易。「斐豹，隸也，著在丹書。」左襄焚書即可儕於齊民。二十三鮑文子，齊之執政也，嘗爲隸於魯施氏。左定晉貴族「欒卻胥原狐續慶伯，降在阜隸。」左昭由此觀之，所謂臣僕阜隸者，其性質與古代希臘諸國之奴隸及近代美之黑奴俄之農隸等似有別，蓋身分並不如彼等之固定也。

易旅卦「喪其童僕」「得童僕」小畜卦「畜臣妾吉」書微子「我罔爲臣僕」我誓「臣妾通逃」吾所記二經中近於奴隸意義之文字僅此。

周官有蠻隸閩隸夷隸貉隸等名，似是以敵國俘虜充奴隸，然春秋時似無此惡習，古代有否未敢斷。

我國古代奴隸制度何故不發達耶。其根本蓋緣人類平等的理想入人甚深。固無待言。然亦事實上有自然的裁制焉。我國文化發生於大平原。而生計託命於農業。無論在部落時代封建時代。各國皆以地廣人稀為病。競思徠他國之民以自實。觀孟子梁惠王篇。商君書徠民篇等。便知其概。戰國且然。況在前此。民如見虐。則『逝將去汝。適彼樂國。』詩碩鼠文此當時為政者所甚恐也。噢咻其民。勿使生心。實各國政府保持勢力之第一義。政治所以常顧慮人民利益。蓋由於此。而民皆以農為業。受一廬為氓。自耕而自食之。此種經濟組織之下。自然不適於奴隸之發育。與歐洲古代國家發源於地狹人稠之市府者。本異其撰也。

梁惠王篇『鄰國之民不加少。寡人之民不加多何也。』又『耕者皆欲耕於王之野。商賈皆欲藏於王之市。』徠民篇『吾欲徠三晉之民為之有道乎。』此戰國時各國競欲以人為的政策增加人口之實例。

若夫貴族平民兩階級。在春秋初期以前。蓋割然不相踰。百姓與民對舉。大夫士與庶人對舉。君子與小人對舉。經傳中更僕難數。乃至有『禮不下庶人。刑不上大夫。』禮曲禮等語。似並法律上身分亦不平等。關於此方面真相如何。雖未敢確答。要之政權恆在少數貴族之手。則徵之左傳中所記諸國情事。甚為明白。蓋封建與宗法兩制度實行之結果。必至如是也。雖然。此局至孔子出生前後。已次第動搖。『陪臣執國命。』論語文各國所在多有。如齊之陳氏。本羈旅之臣。卒專齊政。而有齊國。即以孔子論。彼明言『吾少也賤。』嘗為委吏乘田。蓋『庶人在官者。』之流亞耳。然其後固又為魯司寇參大政。然則政權並非由某種固定階級永遠壟斷。在春秋中葉已

始終未行貴族政治者。惟一秦國耳。

然。

貴族政治之完全消滅。在春秋以後。其促成之者。孔墨諸哲學說與有力焉。說詳次篇。茲不先述。然而環境之孕育此變化。實匪伊朝夕。其主要原因。則在智識之散布下逮。封建初期。政治教育與政治經驗。皆少數貴族所專有。一般平民。既無了解政治之能力。復無參加政治之欲望。及其末期。則平民之量日增。而其質亦漸變。第一。小宗五世則遷。遷後便與平民等。故平民中含有公族血統者日益加多。第二。當時貴族平民互相通婚。故實際上兩階級界限頗難嚴辨。第三。各國因政變之結果。貴族降為平民者甚多。例如前文所舉

『欒郤胥原降在阜隸』第四。外國移住民。多貴族之裔。例如孔子之祖孔父。在宋為貴族。而孔子在魯為平民。此等新平民。其數量加增之速率。遠過於貴族。而其智識亦不在貴族之下。此貴族政治不能永久維持之最大原因也。

貴平兩級之混合。在用語變遷上最能表明之。古者貴族稱百姓。賤族稱民。兩語區別甚嚴。其後則漸用於同一意義。而大率以民字為其代表。古者君子小人。為身

周襄王以陽樊賜晉文公。陽樊人不服。晉國之。倉葛呼曰。『此誰非王之親姻。其俘之也。』（左傳二十六）此外互婚之跡。傳中可考尚多。

周語富辰曰。『百姓兆民。』韋注。『百姓。百官也。官有世功。受氏姓也。』書堯典。『平章百姓。』鄭注。『百姓。羣臣之父子兄弟。』此百姓之正訓。指貴族也。書呂刑。『苗民勿用靈。』鄭注。『苗族。三生凶惡。故謂之民。民者冥也。言未見仁道。』此民字之正訓。指異族或卑族也。左傳十五。『小人感謂之不免。君子恕以為必歸。』

分上對待語。君子指貴族，含有「少主人」的意味。小人蓋謂人中之低微者，其後意義全變，兩語區別，不以階級的身分爲標準，而以道德的品格爲標準。凡此皆平民階級擴大且向上之結果，致固有之階級觀念，漸次漸滅，而萬人平等的民本觀念乃起而代之也。

「傳二十六」小人恐矣，君子則否。」君子指士大夫，小人指一般平民，經傳中類此者甚多。

第七章 法律之起原及觀念

在氏族及封建的組織之下，所以維繫團體者，全恃情誼及習慣，無取規規焉以法律條章相約束，以法治國的觀念，至戰國而始成立。古無有也。古代所謂法，殆與刑罰同一意義。法本字作灋，說文云：

「灋，刑也。平之如水。从水。廌，所以觸不直者去之，从廌去。」

易象傳云：

「利用刑人，以正法也。」卦蒙

蓋初民社會之政治，除祭祀鬪爭以外，最要者便是訟獄。而古代所有權制度未確立，婚姻從其習慣，故所謂民事訴訟者，殆甚稀。有訟皆刑事也。對於破壞社會秩序者，用威力加以制裁，即法之所由起也。最初時並無律文，以定曲直標準，惟取決於無意識之事物。「廌觸不直」一類之折獄法，至今澳非等洲之蠻人猶用之。我國古代，殆亦如是。

我國刑法之最初起原，不可深考。據書呂刑云：

「苗民弗用靈制以刑，惟作五虐之刑，曰法。」

似刑法實苗族所自創，而我族襲用之。我族之用此刑，其初亦專以待異族，所謂「報虐以威」也。呂刑刑官最古者推皋陶，而舜命皋陶則云：

「蠻夷猾夏，寇賊姦宄，汝作士，五刑有服……」書舜典

是刑官全為對蠻夷而設，故春秋時倉葛猶曰：

「德以柔中國，刑以威四夷。」左傳二十五

然則刑不施之於本國住民矣，其後亦以施諸住民中之特種

階級，所謂

「禮不下庶人，刑不上大夫。」禮曲禮

以今世思想繩之，凡曾任顯宦者，即不受刑律制裁，寧非異事，殊不知部落時代之刑律，專為所謂「庶人」之一階級而設。

而「庶人」大率皆異族也，故刑不上大夫，與刑以威四夷，其義實一貫。

然則古代對於貴族，更無制裁之法乎？曰有之，放逐是已。凡認其人為妨害本社秩序者，則屏諸社會以外，舜典稱：「流共工放驩兜……而天下咸服。」所謂「投諸四裔以禦魑魅」。左傳文「屏諸四夷不與同中國」大學文也。此與希臘之貝殼投票制頗相類，直至春秋時，此制猶留痕跡，魯滅孫乾得罪，魯人將盟，臧氏季孫召外史掌惡臣而問盟首，歷述盟東門氏盟叔孫氏先例如何如何。左襄二此種「盟」法，即聲其罪而放流之，蓋古代

前所舉舜典舜命皋陶云云，其上文尚有命契一段云：「百姓不親，五品不遜，汝作司徒，敬敷五教。」百姓即貴族大夫，五教施諸百姓與五刑施諸蠻夷正相對。

遺影也。

古代兵刑不分。作士之皋陶。其職在防蠻夷猾夏。蓋含有以武禦暴之意。故後世刑官之掌。猶名曰「司寇」。國語記臧文仲之言曰。

「大刑用甲兵。中刑用刀鋸。薄刑用鞭扑。」魯語上

以用甲兵爲刑罰之一種。卽『刑威四夷』之確證也。易爻辭云。

『師出以律。』師卦

「律」字含有法律的意義。自此文始。而其物實首用之於師旅。蓋刑也。法也。律也。其初本以對異族或特種階級而已。在團體中之基本團體員（所謂貴族）以情誼相結合者。良無需乎此。及至用兵之際。專恃情誼。不足以帥衆。不能不爲律以肅之。史記律志。漢書刑法志。其發端皆極言兵事之不可以已。驟讀之若與本題渺不相屬。而不知此兩事之在古代。其觀念本同一也。

降及後世。一面種族及階級之界限漸混。前此制裁特種人所用之工具。次第適用於一般人。一面團體內事故日繁。前此偶然一用之手段。寢假而時時用之。此則法律之應用所由日廣也。

法律條文之制定。自何時始耶。舜典雖有五刑之文。不過就施罰方法分類。法文無徵也。晉叔向云。

「夏有亂政而作禹刑。商有亂政而作湯刑。周有亂政而作九刑。三辟之作。皆叔世也。」左昭六

據此則夏商周皆有制定刑律之事。逸周書云。

「維四年孟夏……王命大正正刑書……大史筴刑書九篇。以升授大正。」魯大史克云。

「先君周公作誓命曰：『毀則法調爲賊，掩賊爲藏，竊賄爲盜，竊器爲姦。』……有常無赦，在九刑而不忘。」左文

八十

綜此諸文，似周確有刑書其物者。成於周公時代，其書篇數爲九，且原書至春秋猶存，士大夫多能誦習之。後此儒家盛言文武周公以禮治國，衡諸往古，殆未必然。觀逸周書世俘篇，則周初之果於殺戮，實可驚。卽云其言難盡信，然書經中康誥酒誥等篇言刑事綦詳，可見其視之甚重。酒誥云：「厥或告曰：『羣飲，』汝勿佚，盡執拘以歸於周，予其殺。」飲酒細故而科死罪，倘所謂「刑亂國用重典」耶？費誓爲周公子伯禽所作，全篇百七十餘字，而「汝則有常刑，有大刑，有無餘刑」之文凡五見，是魯開國時刑律抑甚嚴矣。雖然，周公對於刑罰固以教化主義爲其精神，其言曰：

「人有小罪，非眚，乃惟終，自作不典，式爾，有厥罪小，乃不可不殺，乃有大罪，非終，乃惟眚災，適爾，既道極厥辜，時乃不可殺。」康誥

又曰：

「……勿庸殺之，姑惟教之，有斯明享，乃不用我教辭，惟我一人弗恤，弗罰，乃事，時同于殺。」酒誥

釋此諸文，可知當時所謂「義刑義殺」者，康誥文意不在償懲而在感革，故積極的倫理觀念視消極的保安觀念爲尤重，故又云：

「元惡大憝，矧惟不孝不友，子弗祗服厥父事，大傷厥考心，于父不能字厥子，乃疾厥子，于弟弗念天顯，乃弗克恭厥兄，兄亦不念鞠子哀，大不友于弟，惟弔茲，不于我政人得罪，天惟與我民彝大泯亂，曰：『乃其速由文王』」

似此吾名之曰禮刑一致的觀念。刑罰以助成倫理的義務之實踐爲目的。其動機在教化。此實法律觀念之一大進步也。尤當注意者。其所謂倫理。乃對等的而非片面的。父兄之於子弟。其道德責任。一如子弟之於父兄。此又法律平等之見端矣。此後刑律之見於經傳者。如周穆王有呂刑。其中

一部分殆近於條文。齊有軌里連鄉之法。晉有被廬之法。楚有茅門之法。僕區之法。今皆傳其名。其餘各國類此者當甚多。至春秋末葉。始漸有成文法公布之舉。而疑議亦遽起。鄭子產鑄刑書。叔向規之。左昭六晉趙鞅賦民一鼓鐵以鑄刑鼎。孔子歎焉。左昭十九且亦有以私人而製刑法草案者。故鄭駟欲殺鄧析而用其竹刑。左定九自茲以往。禮治法治之爭囂然矣。

第八章 經濟狀況之部分的推想

自虞夏至春秋。閱時千六七百年。其間社會物質上之嬗變。不知凡幾。三代各異其都。至春秋而文物分化發展。所被幅員。比今十省。各地民俗物宜不齊。欲將千餘年時間萬餘里空間之一切經濟狀況概括敘述。談何容易。

周官司教云：「掌萬民之表惡過失而誅讀之。以禮防禁而救之……凡民之有表惡者。三讀而三罰……凡諸嘉石。役諸司空。」大司寇云：「凡萬民之有罪過而未屬于法者……桎梏而坐諸嘉石。役于司空。」周官雖非周公書。然此所言感化主義的刑罰。其精神恐當傳自周初。

周官稱「懸法象魏」之文甚多。蓋戰國以後理想的制度耳。

本論所云不敢云徧一部分而已不敢云真推想而已。

吾儕所最欲知者古代田制——或關於應用土地之習慣——變遷之跡何如。凡社會在獵牧時代其土地必爲全部落人所公有如現在蒙古青海皆以「某盟某旗牧地」爲區域名稱即其遺影也。蓋獵牧非廣場不可故地只能公用而無所謂私有及初進爲農耕時則亦因其舊以可耕之地爲全族共同產業。詩周頌云：

『貽我來牟帝命率育無此疆爾界。』文思

此詩歌頌后稷功德言上帝所賜之麥種普徧播殖無彼我疆界之分最古之土地制度蓋如是其後部落漸進爲國家則將此觀念擴大認土地爲國有故曰『普天之下莫非王土。』詩北山此種國有土地人民以何種形式使用之耶據孟子云：

『夏后氏五十而貢殷人七十而助周人百畝而徹。』滕文公上

孟子所說是否爲歷史上之事實雖未敢盡信但吾儕所能以

情理揣度者一農耕既興以後農民對於土地所下之勞力恆希望其繼續報酬故不能如獵牧時代土地之純屬公用必須劃出某處面積屬於某人或某家之使用權二當時地廣人稀有能耕之人則必有可耕之田故每人或每家有專用之田五七十畝乃至百畝其事爲可能三古代部落各因其俗宜以自然發展制度斷不能劃一夏殷周三國各千年世長其土自應有其各異之田制以此三事故吾認孟子之說爲比較的可信即根據之以研究此三種田制之內容何如。

詩云：「無此疆爾界」是則作詩時必已有彼我疆界故追念古蹟而重言其特色也此詩假定爲周成康時作則其時土地私有權當已成立。

一貢。貢者，人民使用此土地而將土地所產之利益輸納其一部分於公家也。據孟子所說，則其特色在「校數歲之中以爲常」而立一定額焉。據禹貢所記，則其所納農產品之種類亦因地而殊。所謂「百里賦納總，二百里納銍，三百里納秸服，四百里粟，五百里米」是也。禹貢又將「田」與「賦」各分爲九等，而規定其稅率高下。孟子所謂「貢制」殆兼指此。但此種課稅法似須土地所有權確立以後始能發生，是否爲夏禹時代所曾行，吾不敢言。所敢言者，孟子以前必已有某時代某國家曾用此制耳。

二助。孟子釋助字之義云：「助者藉也。」其述助制云：「方里而井，井九百畝，其中爲公田，八家皆私百畝，同養公田。」此或是孟子理想的制度。古代未必能如此整齊畫一，且其制度是否確爲殷代所曾行，是否確爲殷代所專有，皆不可知。要之古代各種複雜紛歧之土地習慣中，必曾有一種焉，在各區耕地面積內劃出一部分爲「公田」，而藉借人民之力以耕之。此種組織名之爲助，有公田則助之特色也。公田對私田而言。夏小正云：「初服于公田。」詩云：「雨我公田，遂及我私。」

大據此則公田之制爲商周間人所習見而共曉矣。土

地一部分充公家使用，一部分充私家使用，私人即以助耕公田之勞力代租稅，則助之義也。

三徹。詩「徹田爲糧」，劉公所詠爲公劉時事，似周人當夏商時已行徹制。徹法如何？孟子無說，但彼又言「文王治岐，耕者九一」，意謂耕者之所入九分而取其一，殆即所謂徹也。孟子此言當非杜撰，蓋徵諸論語所記：「哀公問有若曰：『年饑用不足，如之何？』有若對曰：『盍徹乎？』公曰：『二吾猶不足，如之何其徹也？』」

夏小正所記天體現象，經學者考定爲西紀前一千年中國北方所見者，故其書當爲商周之際之著作。

「……」可見徹確爲九分或十分而取其一。魯哀公時已倍取之。故曰「二吾猶不足。」二對一言也。觀哀公有若問答之直捷。可知徹制之內容。在春秋時尚人人能了。今則書闕有間。其與貢助不同之點安在。竟無從知之。國語記「季康子欲以田賦。使冉有訪諸仲尼。仲尼不對。私於冉有曰。……先王制土。藉田以力。而砥其遠近。……若子季孫欲其法也。則有周公之籍矣。」……」魯語藉田以力則似助。砥其遠近則似貢。此所說若即徹法。則似貢助混合之制也。此法周人在邢岐時。蓋習行之。其克商有天下之後。是否繼續。吾未敢言。

據此種極貧乏且蒙混之史料以從事推論。大抵三代之時。原則上土地所有權屬於國家。而使用權則耕者享之。國家對於耕者。徵輸其地力所產什之一或九之一。此所徵者。純屬公法上之義務。而非私法上之酬償。除國家外。無論何人。對於土地。只能使用。不能「所有」也。然而使用權享之既久。則其性質亦漸與所有權逼近矣。故謂古代凡能耕之民。卽能「所有」。其土地使用權。亦無不可。換言之。則謂土地私有制在事實上已成立。亦無不可。惟使用權是否可以買賣。史籍中無明文可考。在此事未得確證以前。未可遽認私有制爲完全存在也。

曲禮言「田里不鬻。」似土地不能買賣。然又言「獻田宅者操書致。」則是有地契矣。要之戴記所述多秦漢時之事實。或其時學者之理想。未可遽據以論定古制。

其後土地私有制又換一方向以發展焉。夫所謂「普天之下莫非王土」者。本屬公權的意味。質言之。則土地國有而已。雖然。事實上既以君主代表國家。君與國易混爲一談。寢假而公權私權之觀念亦混。於是發生一種

畸形的思想。認土地爲天子所有。天子既「所有」此土地，即可以自由賜予與人。故用封建的形式。「錫土姓」書禹貢文「錫之山川，土田附庸」詩國宮文是即天子將其土地所有權移轉於諸侯也。諸侯既「所有」此土地，又得自由以轉賜其所親暱。故卿大夫有「采地」有「食邑」——此種事實，左傳國語及其他古籍中記載極詳。今不枚舉——是即土地所有權移轉於諸國之臣下也。於此有極當注意者一事焉。即此所謂移轉者，實爲所有權而非使用權。蓋所有此土地之人，並非耕用此土地之人也。以吾所推度，土地私有制蓋與封建制駢進。最遲到西周末春秋初，蓋已承認私有爲原則。詩曰：「人有土田，女反有之。」中「人有」者，謂吾本有此土田之使用權也。「女反有之」者，謂奪吾之使用權變爲汝之所有權也。至是既無復「王土」之可言矣。

漢後儒者喜談封建井田，輒謂此兩制同時並行，不知井田爲土地國有制，而此制與封建制下之食邑采地實不相容也。

在此種狀態之下，吾儕所亟欲研究者，則前此享有「土地使用權」之農民，其地位今復何如？前此所耕爲「王土」，以公法上之義務輸地力所產之一部分以供國用，於情理爲甚平。今所耕者，什九皆貴族采地也。彼貴族者皆不耕而仰食於農。故詩人譏之曰：「不稼不穡，胡取禾三百廩兮？」伐農民使用此土地，除國家正供外，尚須出其一大部分以奉田主。於是民殆不堪命。晏嬰述當時齊國人之生活狀況曰：「民參其力，二入於公，而衣食其一。」三左昭他國如何，雖史無明文，度亦不相遠。夫農業國家唯一之生產機關在土地，土地利益之分配，偏宕至於此極，此則貴族政治所以不能不崩壞，而社會問題所以日繁於當時學者之腦，而汲汲謀解決也。

附錄四 春秋『作稅畝』『用田賦』釋義

春秋宣十五年『初稅畝』左傳云『初稅畝非禮也穀出不過藉以豐財也』公羊傳云『……譏始履畝而稅也何譏乎始履畝而稅古者什一而藉……』後儒多解初稅畝爲初墾井田似是而實非也古代之課於田者皆以其地力所產比例而課之無論田之井不井皆如是除此外別無課也稅畝者除課地力所產外又增一稅目以課地之本身——卽英語所謂 *Land Tax* 不管有無所產專以畝爲計算單位有一畝稅一畝故曰履畝而稅魯國當時何故行此制以吾度之蓋前此所課地力產品以供國用者今地既變爲私人食邑此部分之收入已爲『食』之者所得食邑愈多國家收入愈蝕乃別立履畝而稅之一稅源以補之自『稅畝』以後農民乃由一重負擔而變爲兩重負擔是以春秋譏之也。

春秋哀十二年『用田賦』後儒或又以爲破壞井田之始井田有無且勿論藉如彼輩說宣十五年已破壞矣又何物再供數十年後之破壞今置是說專言『稅畝』與『田賦』之區別賦者『出車徒供繇役』卽孟子所謂『力役之征』也初時爲本屬人的課稅其性質略如漢之『口算』唐宋以來之『丁役』哀公時之用田賦殆將此項課稅加徵於田畝中略如清初『一條鞭』之制此制行而田乃有三重負擔矣此民之所以日困也。

復次吾儕所甚欲知者古代商業狀況何如皋陶謨有『懋遷有無化居』語似商業在唐虞時已發達雖然吾

前已屢言，虞夏書爲春秋前後人追述，未可遽據爲史實，以情理度之，夏禹以前，當爲部落共產時代，未必有商業之可言。酒誥云：『肇牽車牛遠服賈，用孝養厥父母。』羣經中明言商業者，似以此爲最古。據此則商周間已頗盛矣。詩經：『氓之蚩蚩，抱布貿絲。』氓『如賈三倍。』中皆足爲春秋前商業漸展之證。春秋中葉以後，鄭商人弦高，出其貨品以紓國難。左傳三：鄭子產又言其國君與商人世有盟誓。左昭則商人地位似甚高。孔子稱子貢『不受命而貨殖焉。』論語史記稱：『子貢廢著鬻財於曹魯之間。』『范蠡治產積居與時逐……三致千金。』貨殖傳皆春秋末年事，因此吾輩可以大概推定，春秋時商業蓋與農業駢進，但各地狀況不同，彼地狹人稠之鄉國，發達當最早，其餘或仍有甚微微者。

於此最當注意者，則貨幣起原及變遷之跡何如。詳言之，則商業何時始由實物交易進爲貨幣交易耶？貨幣何時始用金屬鑄造且有一定重量耶？此問題甚重要，因資本制度之發生，其基礎在此也。

繫辭傳稱：『日中爲市，致天下之民，聚天下之貨，交易而退，各得其所。』孟子稱：『古之爲市者，以其所有易其所無，有司者治之耳。』此所記未知爲確指何時之制度，但實物交易之習慣，直至漢時猶甚盛行，則古代更可想。古代最初之貨幣爲貝殼，故凡關於財貨之字皆从貝。五貝排貫，名之曰『朋』。易爻辭言『喪貝』，言『十朋之龜』，詩言『錫我百朋』，鐘鼎文中記『王賜貝』者頗多，間有記所賜之數者，大率五朋十朋，可見貝在

昭十六傳記晉韓起市環於鄭商，子產曰：『昔我先君桓公與商人皆出自周……世有盟誓以相信也。』曰：『爾無我叛，我無強買……恃此質誓，故能相保，以至於今……』據此可推想當時政府對於商人之態度何如。

古代極爲貴重。貝產水濱。可想見最初之貨幣交易。起於黃河下游入海各地。其後應用漸廣。而貨貝不給。則有用他物仿製者。近頃在彰德附近之古殷墟發見骨製之貝。人造貨幣現存者。當以此爲最古。其後漸以銅仿製。俗所稱蟻鼻錢。卽銅貝也。

是爲金屬貨幣之始。再進則以銅仿製爲刀形爲農器形。爲刀形者。今錢譜家所謂刀幣也。爲農器形者。彼輩所稱「方足布」「尖足布」等皆是。此物在古代謂之「錢」。不謂之「布」。錢譜家陋耳。詩「庠乃錢鎛」。

「錢」爲小農器。如今之鋤或鍬。方尖足布卽仿其式。此類之貨幣。皆由實物交易一轉手。當人類發明用銅之後。社會最貴重者。卽爲銅製之刀及農具。常以他種實物如牲畜穀米布帛之類與之交換。其後漸用之爲價值公準。於是仿其形而縮小之。以爲代表。則一定重量之金屬貨幣所由起也。刀及錢皆仿縮原物。而上加一環。穿孔以便貫串。用之既久。其工準爲社會所公認。則並其刀與錢（農器）之原形而去之。僅留一圓環。其後更將環之內孔易圓爲方。使與「外國內方」之道德觀念結合。則後世「制錢」之所由成立也。

後世言圖法者。盛稱太公管子。錢幣之興。濫觴齊境。或不失爲一種史實。雖然。吾細讀左傳。覺其時用金屬貨幣之痕跡甚少。間有一二。亦末葉（昭定哀時）事耳。因此吾欲假定春秋中葉以前之商業狀況。仍以實物交易爲原

吾舊著「春秋時貨幣種類及流通狀況考」。曾登載新民叢報。今意見變遷甚多。然所蒐資料。尙有一部分可用。

錢譜家動稱某種古錢爲少昊時代物。爲虞夏贖刑所用物。爲太公圖法。爲周景王大錢。其實皆以意附會耳。古錢流傳至今者。恐無戰國以前物。茲事吾當著專篇考之。本書非經濟史。不能詳及也。

則吾所以斷斷考證此事者，因貨幣未通用以前，資本儲藏之量，勢不能爲無制限的擴張，此於經濟社會組織之變遷，其所關最鉅也。

貸資取息之行爲，在春秋時當然已有，但此種行爲，似仍以實物借貸行之。齊晏嬰述陳氏專齊之政策，謂「以家量貸而以公量收之」。左昭三謂貸民以粟，而貸出時與收回時所用之斗量異也。使貨幣已盛行，借貸者必不復爲此笨滯之舉。晏子與孔子同時，齊又爲用幣最早之國，而當時狀況猶如是，故可假定爲終春秋之世，資本制度未能成立也。

本論

第一章 時代背景及思潮淵源

我國大思想家之出現，實在西紀前五三〇至二三〇之三百年間。吾命之曰全盛時代。前論所紀之種種斷片的思想與制度，不過爲本時代之先驅而已。本時代爲文化發育最高之時，距後此正史成立年代亦較近。宜若有更完備翔實之史料可供攷索。然而不然。前乎此者，尙有國語左傳兩書。吾儕得據之以察見春秋時國勢民情之大概。自魯哀十八年（前四七七）至周威烈王二十三年（前四〇三）七十餘年間，史籍殆無片紙。後此約二百年間，雖有戰國策一書，然年月不具，且詞多夸誕，難可憑信。此蓋由秦始皇盡燔諸侯史記，致史家資糧，穀薄至此。此時代全社會之變化，至迅且劇，所以能孕育種種瑰偉思想者，半由於此。吾深感有詳寫背景之必要。爲資料及本書篇幅所限，僅略分前後兩半期，從政治社會學問三方簡述崖略云爾。（前半期指本時代之前一百年後半期指後二百年）

甲 政治方面

- 一、封建制度在前半期已屆末運，並霸政亦衰熄，兼并盛行，存者殆不及二十國，至後半期遂僅七國並立，最後以至混一。
- 二、貴族政治與封建同其命運，強族篡國，摧殘餘宗，內中惟秦國自春秋以來，始終未用貴族，卒以此致

盛強故各國爭效之。入後半期而特種階級完全消滅。所謂「世卿」者已無復痕跡。純爲布衣卿相之局。

三、經前此數百年之休養交通。境內諸民族同化已熟。曠昔所謂夷狄——如秦楚吳越等。悉混成於諸夏。其境上之異族——即後此之匈奴東胡等。悉攘逐於徼外。

四、各國境宇日恢。民衆日雜。前此之禮文習慣。不足以維繫。故競務修明法度。以整齊畫一其民。

五、既無貴族。則權集於一。成爲君主獨裁政體。而權威之濫用。勢所難免。

六、後半期約二百年間爲長期戰爭。各方面交起。因兵數增加兵器及戰術進步之故。戰禍直接間接所被極烈。

乙、社會經濟方面。

一、各國幅員既廣。又統於一尊。於是大都會發生。如秦咸陽。齊臨淄。趙邯鄲。魏大梁……之類。爲政治商業文化一切之中心。其氣象之博大。爲前此所無。亦因人民競趨都市生活之故。前此宗法組織。農村組織等益不能維持。

齊策蘇秦言：「臨淄七萬戶。車數擊。人肩摩。連衽成帷。舉袂成幕。揮汗成雨。」雖無鋪張。要可見都市浮興繁盛之概。

二、交通大開。貨幣盛行。經濟重心由農業趨於工商業。如猗頓之以鹽鹽。郭縱之以冶鐵。烏氏倮之以畜牧。寡婦清之以穴礦。皆起氓庶與王者埒富。史記貨殖傳而呂不韋以陽翟大賈。乃能運陰謀廢置國王。執持

國柄。史記本傳蓋貴族仆而富閥代興其勢力乃至侵入政治實開前史未有之局。

三、前此農業時代奴隸甚少即有之其待遇殆與家族之一員無異及工商的資本階級發生其力足以廣畜奴僕而資其勞作以自封殖而當時征斂煩苛農業荒廢之結果農夫失業迫而自鬻於是新奴隸階級起史稱白圭（孟子同時人）「與用事僮僕同苦樂」以為美談。史記貨殖傳則僮僕苦樂不與齊民同者久矣。

丙、學術方面

一、前此貴族階級即為智識階級自貴族消滅後如前篇所說平民之量與質同時增上於是智識下逮普及純帶朝氣以瀾漫於社會。

二、前此教育為學官掌之舍官府外無學問至孔子開私人講學之風墨子繼之其宗旨又在「有教無類」故智識平均發展之速率益增。

三、列國並立互競務延攬人才以自佐如秦孝公齊威王宣王梁惠王燕昭王乃至孟嘗平原春申信陵之四公子咸以「禮賢下士」相尚而「處士」聲價日益重而士之爭自濯磨者亦日衆。

四、大師之門「從者恆數百」。孟子文而大都會尤為人文所萃如「齊稷下常聚數萬人或賜列第為大

孔子日常用事如「冉有僕」「樊遲御」「闕黨童子將命」「使門人為臣」等皆見於論語並不見有用奴僕痕跡此殆當時士大夫通習非必孔子特倡此平等制也。

子張驅僮顏淵聚大盜學於孔子禽滑釐亦大盜學於墨子皆成名賢。

夫不治而議論。『史記田完世家文』他國殆亦稱是。智識交換之機會多。思想當然猛進。

五、當時書籍傳寫方法似甚發達。故『蘇秦發書。陳德數十。』『秦策文』『墨子南遊。載書甚多。』『墨子貴義篇文』可

見書籍已甚流行。私人藏儲頗便且富。既罕究有資。且相觀而善。足以促成學術勃興之機運。

以上五事。就物的基件說。更有心的基件。

六、社會變遷太劇。刺戟人類心理之驚詫及疑問。而亟求所以解決慰藉之方。故賢智之士。自能畫出種種方案。以應當世之要求。

七、自周初以來。文化經數百年之蓄積醞釀。根柢本極深厚。加以當時政治上社會上以前述之種種關係。思想完全解放。兩者機緣湊泊。故學術光華。超軼前後。

綜以上三方面十六事觀之。則當時社會狀況及政治思想所以全盛之故。大略可觀矣。今將此時代三百年間政況之變遷。及政治思想界主要人物出生年代。列表如左。

(大 事)

(大思想家及大政治家)

三百年間政況及政治思想界主要人物年代表

先秦政治思想史

六三

前 532 敬王三十四至前 482 至敬王三十九前 432 安王二十至前 382 顯王三十一至前 332 顯王三十八至前 282 秦始皇十四至前 232

魯三家專政齊田氏專政晉六卿專政
楚滅陳蔡 鄭滅許 宋滅曹
吳楚吳越交兵
春秋告終

越滅吳 楚滅蔡滅杞
周分東西
韓趙魏滅智氏 晉政歸三家
戰國開始

韓趙魏分晉
田氏篡齊
楚滅莒 韓滅鄭
齊屢伐魯殆滅之
天下分爲秦楚燕齊韓趙魏七國
秦魏屢交兵

秦孝公用商鞅變法驟強
魏屢敗於秦徙都大梁
齊威王驟強招天下遊士集稷下
楚滅越益強
七國相王
韓趙魏屢相攻

蘇秦張儀等合縱連橫
燕齊相攻
秦滅蜀屢伐楚蹙其國之半屢伐韓魏
滅之
趙武靈王略取胡地

韓魏服於秦
秦趙交兵 燕趙交兵 燕齊交兵

秦滅六國

子產
鄆析

孔子(前五五二生四七九卒)
計然
老子(?)
關尹(?)

墨子(前四七〇至三八〇?)
李悝(前四二四至三八七?)
楊朱(?)

尸佼
申不害(前三三七卒)
商鞅(前三三八卒)

孟子(前三七二至二八九?)
宋鉞 尹文
彭蒙 田駢 慎到
許行 陳仲
白圭
鄒衍

莊子(前三三五至二七五?)
肅施
公孫龍

荀子(前三一〇至二三〇?)

韓非(前二三三卒)
李斯(前二〇八卒)

第二章 政治思想四大潮流及研究資料

春秋戰國間學派繁茁，秦漢後，或概括稱為百家語，或從學說內容分析區為六家為九流，其實卓然自樹壁壘者，儒墨道法四家而已。其餘異軍特起，略可就其偏近之處，附庸四家。四家末流，雖亦交光互影，然自各有其立腳點所在，故今惟以四家為一期思想之主幹。

四家思想之內容，當於次章以下分別詳述。惟欲令學者先得一概念，以為研究之準備，故先以極簡單之辭句敘說如下。

一、道家。信自然力萬能而且至善，以為一涉人工，便損自然之樸，故其政治論，建設於絕對的自由理想之上，極力排斥干涉，結果謂並政府而不必要。吾名之曰「無治主義」。

二、儒家。謂社會由人類同情心所結合，而同情心以各人本身最近之環境為出發點，順等差以漸推及遠，故欲建設倫理的政治，以各人分內的互讓及協作，使同情心於可能的範圍內盡量發展，求相對的自由與相對的平等之實現及調和。又以為良好的政治，須建設於良好的民衆基礎之上，而民衆之本質，要從物質精神兩方面不斷的保育，方能向上，故結果殆將政治與教育同視，而於經濟上之分配亦甚注意。吾名之曰「人治主義」或「德治主義」或「禮治主義」。

三、墨家。其注重同情心與儒家同，惟不認遠近差等，其意欲使人人各撤去自身的立腳點，同歸依於一超越的最高主宰者（天），其政治論建設於絕對的平等理想之上，而自由則絕不承認，結果成為教會政

治。吾名之曰「新天治主義」。（對三代前之舊天治主義而言）

四、法家。其思想以「唯物觀」爲出發點。常注意當時此地之環境。又深信政府萬能。而不承認人類個性之神聖。其政治論主張嚴格的干涉。但干涉須以客觀的「物準」爲工具。而不容主治者以心爲高下。人民惟於法律容許之範圍內。得有自由與平等。吾名之曰「物治主義」或「法治主義」。

右四段以思想性質爲序。試取譬於歐陸各國國會席次。則道家其極左黨。法家其極右黨。儒家則中央黨。而墨家則中央偏右者也。至其發生及成立年代。則儒家爲傳統的學派。成立最早。道家成立年代大有疑問。然最早亦當在儒家後。遲或竟在墨家後。墨家成立。確在儒家後。法家發生甚早。或竟在儒家前。而成立則在彼三家後。此其大較也。今次論四家之代表人物及其年代與著作。

儒家宗孔子人所共知。孔子生春秋之末。當西紀前五五二至四七九年。世傳其刪詩書定禮樂贊易修春秋。但詩書禮皆舊文。樂無文字。易傳是否全出孔子尙有問題。確經孔子手定者惟春秋耳。吾儕研究孔子。不能剋求諸其著述。惟當求諸其弟子及後學所記。所記最醇粹可信者。首推論語。次則易傳。次則公羊氏所傳春秋傳。其二載禮記各篇。成立年代早晚不同。最晚者實出漢儒手。且純駁亦互見。當分別觀之。要之論語以外各書。若確指爲孔子學說。則尙容商榷。若認爲儒家學說。蓋無大過也。儒家至戰國末有二大師。一爲孟子。一爲荀卿。年代具如前表所推定。孟子書有孟子七篇。蓋其門人手記。而大半曾經孟子閱定者。荀卿書有荀子三十二篇。其中或有一小部分爲後人竄亂附益。要亦無踰越畔岸之處。故以此二書及前舉各書貫通研究。便可見儒家思想之全部及其派分變遷之跡。

道家言宗老莊人所共知。但老子五千言之著者果爲誰氏？莊子三十三篇之著者果爲何時人？今尙爲學界懸案未決之問題。舊說大率認五千言之著者爲孔子所從問禮之老聃。果爾則其人爲孔子先輩。道家當在儒家前成立。雖然問老聃著書之說從何出？不外據史記本傳。然史記卽以與太史儋老萊子三人並舉。不能確指爲誰。墨子孟子皆好譏評而未嘗一及老聃。其書中有『失道而後德失德而後仁失仁而後義失義而後禮』等文。似是難儒家。有『不尙賢使民不爭』等文。似是難墨家。有『民不畏死奈何以死懼之』等文。似是難法家。以此推之。其書或頗晚出。要之最早不能在孔子以前。最晚不能在莊子以後也。莊子年代亦難確考。惟知其與惠施同時。約當孔子百年後。其書真僞參半。要皆道家言也。楊朱爲道家重要人物。僞列子中曾詳述其學說。雖未敢盡信。然舍此亦更無所資。別有許行一派。蓋道家別出之附庸。其緒論見孟子中。

關於老子之疑問。可看汪中述學。崔述洙泗考信錄。及拙著學術講演集中評胡適之中國哲學史大綱。

墨家由墨翟開宗。翟蓋孔子卒後十餘年生。孟子生前十餘年卒。其學說具見墨子五十三篇中。雖間有後人附益。然面目大致可見。其後學有惠施一派。專言名學。與政治較爲緣遠。有宋鉞一派。專弘「非攻」義。爲宣傳墨宗政論一健將。兩派著述皆無傳。其緒論時見於莊孟荀諸家書中。

法家成爲一學派。時代頗晚。然所謂「法治思想」者。其淵源抑甚古。蓋自「宗法政治」破壞以後。爲政者不能不恃法度以整齊其民。於是大政治家競以此爲務。其在春秋則管仲子產范蠡。其在戰國則李悝吳起申不害商鞅之流。皆以法治卓著成績。其事業與言論。往往影響於社會人心。其在野學者如鄧析計然之徒。時復

「仁者人也。」中庸

此言「仁」之概念與「人」之概念相函。再以今語釋之。則仁者人格之表徵也。故欲知「仁」之爲何。當先知「人」之爲何。「人」何以名。吾儕因知有我。故比知有人。我圓顙而方趾。橫目而睿心。因此凡見有顙趾目心同於我者。知其與我同類。凡屬此一類者。錫予以一「大共名」。謂之「人」。人也者。通彼我而始得名者也。彼我通。斯爲仁。故「仁」之字。从二人。鄭玄曰：「仁。相人偶也。」禮記注非人與人相偶。則「人」之概念不能成立。申言之。若世界上只有一個人。則所謂「人格」者。決無從看出。人格者。以二人以上相互間之「同類意識」。而始表現者也。既爾。則亦必二人以上交相依賴。然後人格始能完成。

智的方面所表現者爲同類意識。情的方面所表現者爲同情心。荀子所謂「有知之屬莫不知愛其類也。」愛類觀念。以消極的形式發動者。則謂之恕。以積極的形式發動者。則謂之仁。子貢問一言可以終身行。孔子曰：

「其恕乎。己所不欲。勿施於人。」

於文。如心爲恕。推己度人之謂也。惟有同類意識。故可以相推度。吾所不欲者。以施諸犬馬。或適爲彼所大欲焉。未可知也。我既爲人。彼亦爲人。我感受此而覺苦痛。則知彼感受焉而苦痛。必同於我。如吾心以度彼。而「勿施」焉。卽同情心之消極的發動也。故孟子曰：

「強恕而行。求仁莫近焉。」

消極的恕。近仁而已。積極的仁。則更有進。孔子曰：

「夫仁者。己欲立而立人。己欲達而達人。能近取譬。可謂仁之方也已。」

譬者比也。以有我比知有彼。以我所欲比知彼所欲。是謂『能近取譬』。近取譬即『如心』之恕也。然恕與仁復異名者。恕主於推其所不欲。仁主於推其所欲。我現在所欲立之地位。必與我之同類相倚而並立。我將來所欲到達之地位。必與我之同類駢進而共達。何也。人類生活方式。皆以聯帶關係（即相人例）行之。非人人共立此地位。則我決無從獨立。非人人共達此地位。則我決無從獨達。『立人達人』者。非立達別人之謂。乃立達人類之謂。彼我合組成人類。故立達彼即立達人類。立達人類即立達我也。用『近譬』的方法體驗此理。徹底明了。是謂『仁之方』。手足麻痺。稱爲『不仁』。爲其同在一體之中。而彼我痛癢不相省也。二人以上相偶。始能形成人格之統一體。同在此統一體之中。而彼我痛癢不相省。斯謂之不仁。反是斯謂仁。是故仁不仁之概念可得而言也。曰。不仁者。同類意識麻木而已矣。仁者。同類意識覺醒而已矣。

儒家曷爲對於仁之一字如此其重視耶。儒家一切學問。專以『研究人之所以爲人者』爲其範圍。故孟子曰『仁也者。人也。合而言之道也。』

荀子曰。

『道。仁之隆也。……非天之道。非地之道。人之所以道也。』儒教

吾儕若離卻人之立腳點。以高談宇宙原理物質公例。則何所不可。顧儒家所確信者。以爲『人能弘道。非道弘人。』故天之道。地之道。等等悉以置諸第二位。而惟以『人之所以道』爲第一位。質言之。則儒家舍人生哲學外。無學問。舍人格主義外。無人生哲學也。

吾爲政治思想史。曷爲先縷縷數千言論人生哲學耶。則以政治爲人生之一部門。而儒家政論之全部。皆以其

人生哲學爲出發點，不明乎彼，則此不得而索解也。今當入本題矣。孔子下「政」字之定義，與其所下仁字定義同一形式曰：

「政者正也。」

然則如何始謂之正，且何由以得其正耶？彼有「平天下絜矩之道」在，所謂

「所惡於上，毋以使下；所惡於下，毋以事上；所惡於前，毋以先後；所惡於後，毋以從前；所惡於右，毋以交於左；所惡於左，毋以交於右；此之謂絜矩之道。」大學

儒家政治對象在「天下」，然其於天下不言治而言平。又曰：「天下國家可均。」平也，均也，皆正之結果也。何以正之道在絜矩？矩者以我爲標準，絜者以我量彼。荀子曰：

「聖人者以己度者也，故以人度人，以情度情，以類度類。」非相

故絜矩者，即所謂能近取譬也，即所謂同類意識之表現也。吾儕讀此章，有當注意者兩點：

- 第一，所謂絜矩者，純以平等對待的關係而始成立，故政治決無片面的權利義務。
- 第二，所謂絜矩者，須人人共絜此矩，各絜此矩，故政治乃天下人之政治，非一人之政治。

此文絜矩之道，專就消極的「恕」而言，即荀子所謂「除怨而無妨害人」也。

欲社會能爲健全的結合，最少非相互間各承認此矩之神聖爲不可。然「矩」之作用，不以此爲止，更須進而爲積極的發動，夫然後謂之「仁」。孟子曰：

「仁者以其所愛及其所不愛。」

又曰

『人皆有所不忍，達之於其所忍，仁也。』

人類莫不有同類意識，然此「意識圈」以吾身爲中心點，隨其環距之近遠以爲強弱濃淡，故愛類觀念必先發生於其所最親習，吾家族則愛之，非吾家族則不愛，同國之人則不忍，異國人則忍焉，由所愛以「及其所不愛」，由所不忍以「達於其所忍」，是謂同類意識之擴大。孟子曰：『古之人所以大過人者，無他焉，善推其所爲而已矣。』推者何？擴大之謂也。然則所以推之道奈何？彼之言曰：

『老吾老，以及人之老；幼吾幼，以及人之幼，天下可運諸掌。』詩云：「刑于寡妻，至於兄弟，以御於家邦。」言舉斯心加諸彼而已。」

『舉斯心加諸彼』，卽『能近取譬』。『老吾老以及人之老……』卽『欲立立人，欲達達人』。循此塗徑，使同類意識圈日擴日大，此則所謂「仁之方」也。

明乎此義，則知儒家之政治思想，與今世歐美最流行之數種思想，乃全異其出發點。彼輩獎厲人情之析類而相嫉，吾儕利導人性之合類而相親。彼輩所謂國家主義者，以極褊狹的愛國心爲神聖，異國則視爲異類，雖竭吾力以蹙之於死亡，無所謂「不忍」者存。結果則糜爛其民而戰以爲光榮。正孟子所謂「不仁者以其所不愛及其所愛」也。彼中所謂資本階級者，以不能絜矩，故恆以己所不欲者施諸勞工，其罪誠無可恕。然左袒勞工之人——如馬克斯主義者流，則亦日日鼓吹以己所不欲還施諸彼而已。詩曰：『人之無良，相怨一方。』以此爲教，而謂可以改革社會使之向上，吾未之聞。孟子曰：

「離則不祥莫大焉」上離其

荀子曰：

「彼將厲厲焉日日相離嫉也。我今將頓頓焉日日相親愛也。」制王

以吾儕誦法孔子之中國人觀之。所謂社會道德者。最少亦當以不相離嫉爲原則。同類意識。只有日求擴大。而斷不容獎厲此意識之隔斷及縮小以爲吉祥善事。是故所謂「國民意識」「階級意識」者。在吾儕腦中殊不明瞭。或竟可謂始終未嘗存在。然必以此點爲吾儕不如人處。則吾之不敏。殊未敢承。

且置此事。復歸本文。儒家之理想的政治。則欲人人將其同類意識擴充到極量。以完成所謂「仁」的世界。此世界名之曰「大同」。大同政治之內容。則如禮記禮運篇所說：

「大道之行也。天下爲公。選賢與能。講信脩睦。故人不獨親其親。不獨子其子。使老有所終。壯有所用。幼有所長。鰥寡孤獨廢疾者皆有所養。男有分。女有歸。貨惡其棄於地也。不必藏諸己。力惡其不出於身也。不必爲己。是故謀閉而不興。盜竊亂賊而不作。故外戶而不閉。是謂大同。」

此章所包含意義。當分三段解剖之。

一、「天下爲公。選賢與能。講信脩睦。」此就純政治的組織言。所言「天下。」與下文之「城郭溝池以爲固。」相對。蓋主張「超國家」的組織。以全世界爲政治對象。所言「爲公。」及「選賢與能。」與下文之「本人世及以爲禮。」相對。蓋不承認任何階級之世襲政權。主張政府當由人民選舉。所言講信脩睦。指地域團體（近於今世所謂「國際的」而性質不同）相互間關係。主張以同情心爲結合基本。

二、『故人不獨親其親……女有歸』此就一般社會組織言，主張以家族為基礎，而參以「超家族」的精神，除老壯幼男女廢疾……等生理差別外，認人類一切平等，在此生理差別上，充分利用之以行互助，其主要在『壯有所用』一語，老幼皆受社會公養，社會所以能舉此者，則由壯者當以三四十年的服務於社會也。

大戴記云：『六十以上，上所養也；十五以下，上所長也。』「上」即國家或社會之代詞。

三、『貨惡其棄於地，也不必藏諸己；力惡其不出於身，也不必為己』此專就社會組織中關於經濟條件者而言，貨惡棄地，則凡可以增加生產者皆所獎勵，然不必藏諸己，則資本私有甚非所重，不惟不肯掠取剩餘價值而已，力惡不出，故常認勞作為神聖，然不必為己，不以物質享樂目的，讀此神聖也，此其義蘊，與今世社會主義家豔稱之『各盡所能，各取所需』兩格言正相函，但其背影中別有一種極溫柔敦厚之人生觀在，有一種『無所謂而為』的精神在，與所謂『唯物史論』者流乃適得其反也。

儒家懸此以為政治最高理想之鵠，明知其不能驟幾也，而務向此鵠以進行。

故孔子自言曰：『丘未之逮也，而有志焉。』禮運此文之冠語進行之道奈何，亦曰以同類意識為之樞而已，故曰：

『聖人耐即能以天下為一家，中國為一人，非意之也。』意即臆字言必知其情，辟字即譬於義明於其利，達於其

患，然後能為之。』禮運末段文

不仁之極，則感覺麻木，而四肢痛癢互不相知，仁之極，則感覺銳敏，而全人類情義利害之於我躬，若電之相傳也，信乎『以天下為一家，中國為一人，非意之也。』

第四章 儒家思想（其二）

大同者，宇宙間一大人格完全實現時之圓滿相也。然宇宙固永無圓滿之時，圓滿則不復成爲宇宙。儒家深信此理，故易卦六十四，始「乾」而以「未濟」終焉。然則在此不圓滿之宇宙中，吾人所當進行者何事耶？曰：吾人常以吾心力所能逮者向上一步，使吾儕所嚮往之人格實現，宇宙圓滿的理想稍進一著，稍增一分而已。其道奈何？曰：吾儕固以同類意識擴大到極量爲職志，然多數人此意識方在麻木狀態中，遑言擴大，故未談擴大以前，當先求同類意識之覺醒。覺醒之第一步，則就其最逼近最簡單之「相人偶」以啓發之。與父偶則爲子，與子偶則爲父，與夫偶則爲婦，與婦偶則爲夫……先從此等處看出人格相互關係，然後有擴充之可言。此則倫理之所由立也。論語記

「齊景公問政於孔子，孔子對曰：『君君，臣臣，父父，子子。』」公曰：「善哉！信如君不君，臣不臣，父不父，子不子，雖有粟，吾得而食諸。」

大學稱「止於至善」，其條理則

「爲人君，止於仁；爲人臣，止於敬；爲人子，止於孝；爲人父，止於慈；與國人交，止於信。」
中庸述孔子言亦云：

「所求乎子，以事父；所求乎臣，以事君；所求乎弟，以事兄；所求乎朋友，先施之。」

此卽絜矩之道應用於最切實者。凡人非爲人君卽爲人臣，非爲人父卽爲人子，而且爲人君者同時亦爲人臣。

或嘗爲人臣，爲人父者同時亦爲人子，或嘗爲人子，此外更有不在君臣父子……等關係範圍中者，則所謂「朋友」所謂「與國人交」，君如何始得爲君，以其履行對臣的道德責任，故謂之君，反是則君不君，臣如何始得爲臣，以其履行對君的道德責任，故謂之臣，反是則臣不臣，父子兄弟夫婦朋友莫不皆然，若是者謂之五倫，後世動謂儒家言三綱五倫，非也，儒家只有五倫，並無三綱，五倫全成立於相互對等關係之上，實即「相人偶」的五種方式，故禮運從五之偶言之，亦謂之「十義」，父慈子孝，兄良弟悌，夫義婦聽，長惠幼順，君仁臣忠。人格先從直接交涉者體驗起，同情心先從最親近者發動起，是之謂倫理。

凡倫理必有差等，『於所厚者薄，無所不薄也。』子孟故先務厚其所不得不厚者焉，於是乎有所謂「親親之殺，尊賢之等」，庸中即吾前文所謂意識圈以吾身爲中心點，隨其環距之近遠以爲強弱濃淡也，此環距之差別相實，即所以表現同類意識覺醒之次第及其程度，墨家不承認之，儒家則承認之，且利用之，此兩宗之最大異點也。

儒家欲使各人將最切近之同類意識由麻木而覺醒，有一方法焉，曰「正名」，此方法即以應用於政治，論語記

君字不能專作王侯解，凡社會組織，總不能無長屬關係，長即君，屬即臣，例如學校，師長即君，生徒即臣，工廠經理即君，廠員即臣，師長對生徒，經理對廠員，宜止於仁，生徒對師長，所授學業，廠員對經理，所派職守，宜止於敬，不特此也，凡社會皆以一人兼君臣二役，師長對生徒爲君，對學校爲臣，乃至天子對天下爲君，對天爲臣，儒家所謂君臣，應作如是解。

「子路曰：『衛君待子而爲政，子將奚先？』」子曰：『必也正名乎。』子路曰：『有是哉？子之迂也。奚其正？』子曰：『野哉由也！君子於其所不知，蓋闕如也。名不正則言不順，言不順則事不成，事不成則禮樂不興，禮樂不興則刑罰不中，刑罰不中則民無所措手足。故君子名之必可言也，言之必可行也。君子於其言，無所苟而已矣。』」

吾儕幼讀此章，亦與子路同一感想。覺孔子之迂實甚，繼讀後儒之解釋，而始知其深意之所存。董仲舒春秋繁露云：

「名者，大理之首章也。錄其首章之意，以窺其中之事，則是非可知。逆順自著……」深察名號篇

「名生於真，非其真弗以爲名。名者，聖人之所以真物也。故凡百議原作議，有黜黜者，各反其真，則黜黜者還昭昭耳。欲審曲直，莫如引繩；欲審是非，莫如引名。名之審於是非也，猶繩之審於曲直也。詰其名實，觀其離合，則是非之情，不可以相闕已。」同上

荀子云：

「王者之制名，名定而實辨，道行而志通，則慎率民而一焉。……今聖王沒，名守慢，奇辭起，名實亂，是非之形不明，則雖守法之吏，誦數之儒，亦皆亂也。……異形離心，交喻異物，名實互紐，貴賤不明，同異不別，如是則志必有不喻之患，而事

君君臣臣父父子子，則名實相應，斯可貴。君不君臣不臣……則名不副實，斯可賤。此文「明貴賤」當作如是解，非指地位之尊卑言。

必有困廢之禍……

正名篇

荀董書中此兩篇，皆論語正名章注脚。欲知儒家對於「正名」之義，曷爲如此其重視？當先略言名與實之關係。實者事物之自性相也，名者人之所命也。每一事物抽出其屬性而命以一名，視其名而其「實」之全屬性具攝焉。所謂「錄其首章之意以窺其中之事」也。由是循名以責實，則有同異離合是非順逆貴賤之可言。第一步名與實相應謂之同謂之合，不相

應謂之異，謂之離。第二步同焉合焉者謂之是，謂之順，異焉離焉者謂之非，謂之逆。第三步是焉順焉者則可貴，非焉逆焉者則可賤。持此以裁量天下事理，則猶引繩以審曲直也。此正名之指也。

正名何故可以爲政治之本耶？其作用在使人「顧名思義」。則麻木之意識可以覺醒焉。卽如子路所假設「待子爲政」之衛君，其人卽拒父之出公輒也。其父蒯瞶，名爲人父，實則父不父，輒名爲人子，實則子不子。持名以衡其是非貴賤，則俱非也，俱賤也。使各能因其名以自警覺，則父子相人偶之意識可以回復矣。又如今中華民國號稱共和，「共和」一名所含屬性何如？未或能正也。從而正之，使人人能「錄其首章之意以窺其中之事」，以力求實際之足以副此名者，則可以使共和之名「如其真」矣。此正名之用也。

孔子正名之業在作春秋。莊子曰：「春秋以道名分。」天下篇董子曰：「春秋辨物之理以正其名，名物如其真，不失秋毫之末。」繁露深察名號篇司馬遷曰：「春秋文成數萬，其指數千萬物聚散皆在春秋。」太史公自序董孔子手著之

繁露深察名號篇舉命名之一例云：「合五科以一言謂之君。君者元也，君者原也，君者權也，君者溫也，君者羣也。」此言君之一名，含有此五種屬性，必具此五乃副君名，缺一則君不君矣。

書惟有一種，其書實專言政治，即春秋也。故孟子曰：「春秋天子之事也。」其書義例繁賾，非本文所能具詳。舉要言之，則儒家倫理之結晶體，從正名所得的條理，將舉而措之以易天下者也。故春秋有三世之義，始據亂，次升平，終太平，謂以此為教，則人類意識漸次覺醒，可以循政治上所懸理想之鵠而日以向上也。

「仁」之適用於各人之名分者，謂之義。「義者宜也。」中其析為條理者，謂之禮。「禮者所以履也。」禮孔子言政以義禮為仁之輔，而孟子特好言義，荀子尤善言禮，當別於第六七兩章詳解之。

第五章 儒家思想（其三）

儒家此種政治，自然是希望有聖君賢相在上，方能實行，故吾儕可以名之曰「人治主義」。人治主義之理論，何由成立耶？儒家以為聖賢在上位，可以移易天下，所謂

「君子……脩己以敬……脩己以安人……脩己以安百姓。」論語

「君子篤恭而天下平。」中庸

「君子之守，脩其身而天下平。」孟子

問其何以能如此，則曰在上者以心力為表率，自然能如此，故曰：

「政者正也，子帥以正，孰敢不正？」論語

「子欲善而民善矣，君子之德風也，小人之德草也，草上之風，必偃。」同上

「上好禮，則民莫敢不敬；上好義，則民莫敢不服；上好信，則民莫敢不用情。」同上

「上老老而民興孝，上長長而民興弟，上恤孤而民不悖。」大學

此類語句，見於儒家書中者，不可枚舉。既已如此，則政治命脈，殆專繫君主一人之身故曰：

「君仁莫不仁，君義莫不義，君正莫不正，一正君而國定矣。」孟子

惟其如此，則所謂善政者，必

「待其人而後行。」中庸

惟其如此，故

「惟仁者宜在高位，不仁者而在高位，是播其惡於衆也。」孟子

雖然，仁者不出世，而不仁者接踵皆是，如何能使在高位者必皆仁者耶？儒家對此問題，遂不能作圓滿解答，故其結論落到：

「其人存則其政舉，其人亡則其政息。」中庸

儒家之人治主義，所以被法家者流抨擊而幾至於廢滅者，即在此點。敵派之論調，至敘述彼派時更定其評價，今不先贅。

吾儕今所欲討論者，儒家之人治主義，果如此其脆弱而易破耶？果真如世俗所謂「賢人政治」者，專以一聖君賢相之存沒爲興替耶？以吾觀之，蓋大不然。吾儕既不滿於此種賢人政治，宜思所以易之，易之之術，不出二途。其一，以「物治」，易「人治」，如法家所主張，使人民常爲機械的受治者。法家所以爲物治爲機械的之其理由俟於敘彼派時更詳論其二，以「多數人治」，易「少數人治」，如近世所謂「德謨克拉西」，以民衆爲政治之骨幹。此二途者，不待辨

而知其應採第二途矣。而儒家政治論精神之全部，正向此途以進行者也。

儒家深信非有健全之人民，則不能有健全之政治。故其言政治也，惟務養成多數人之政治道德政治能力及政治習慣，謂此爲其政治目的也可。謂此爲其政治手段也可。然則挾持何具以養成之耶？則亦彼宗之老生常譚——仁義德禮等而已。就中尤以禮爲主要之工具，故亦名之曰「禮治主義」。孔子嘗論禮與法功用之比較曰：

「凡人之知，能見已然，不能見將然。禮者禁於將然之前，而法者禁於已然之後……禮云禮云，貴絕惡於未萌，而起敬於微眇，使民日徙善遠罪而不自知也。」大戴禮記禮察篇 小戴禮記經解篇

此言禮之大用，可謂博深切明。法禁已然，譬則事後治病之醫藥。禮防未然，譬則事前防病之衛生術。儒家之以禮導民，專使之在平日，不知不覺間從細微地方起養成良好習慣，自然成爲一健全之人民也。孔子又曰：

「禮義以爲紀……示民有常，如有不由此者，在勢者去，衆以爲殃。」禮記

法是恃政治制裁力發生功用。在此政府之下，即不能不守此政府之法。禮則不然，專恃社會制裁力發生功用。願守此禮與否，儘可隨人自由。但此禮既爲社會所公認時，有不守者則視同怪物（衆以爲殃）。雖現在有勢位之人，亦終被擯棄（在勢者去）。此種制裁力雖不能謂全無流弊，第七章 別論之然最少亦比法治的流弊較輕，則可斷言。孔子於是下一決論曰：

「道之以政，齊之以刑，民免而無恥。道之以德，齊之以禮，有恥且格。」論語

此章在中外古今政治論中，實可謂爲最徹底的見解。試以學校論，道之以政，齊之以刑，則如立無數規條罰則，

如何如何警學生之頑，如何如何防學生之情，爲師長者則自居警察，以監視之，動干涉之，周爲盡職，其最良之結果，不過令學生兢兢焉期免於受罰，然以期免受罰之故，必至用種種方法以逃監察之耳目，或於條文拘束所不及之範圍內故意怠恣，皆所難免，養成此種卑劣心理，人格便日漸墮落而不自覺，故曰免而無恥，道之以德齊之以禮者，則專務以身作則，爲人格的感化，專務提醒學生之自覺，養成良好之校風，校風成後，有干犯破壞者，不期而爲同輩所指目，其人即亦羞媿無以自容，不待強迫，自能洗其心而革其面也，故曰有恥且格，此二術者，利害比較，昭然甚明，學校且然，國家尤甚，且如英國人者，以最善運用憲政聞於今世者也，問彼有憲法乎，無有也，有選舉法議院法乎，無有也，藉曰有之，則其物固非如所謂『憲令著於官府』，不過一種無文字的信條深入人心而已，然而舉天下有成文憲法之國民，未聞有一焉能如英人之善於爲政者，此其故可深長思也，無文字的信條，謂之習慣，習慣之合理者，儒家命之曰『禮』，故曰『禮也者，理之不可易者也』，（樂記）儒家確信非養成全國人之合理的習慣，則無政治可言，不此之務，而鰥鰥然朝制一法律暮頒一條告，不惟無益而徒增其害，此禮治主義根本精神所在也。

儒家固希望聖君賢相，然所希望者，非在其治民莅事也，而在其『化民成俗』，（學所謂）

『勞之來之，匡之直之，輔之翼之，使自得之』，（子孟）

政治家惟立於扶翼匡助的地位，而最終之目的，乃在使民『自得』，以『自得』之民組織社會，則何施而不可者，如此則政治家性質，恰與教育家性質同，故曰『天相下民，作之君，作之師』，（孟子引）吾得名之曰『君師合一主義』，抑所謂扶翼匡助，又非必人人而撫摩之也，儒家深信同類意識之感召力至偉且速，謂欲造成何

種風俗。惟在上者以身先之而已。前文所引「上好禮則民莫敢不敬……」「上老老而民興孝……」「諸義其所重全在此一點。即以上者之人格與一般人民人格相接觸。使全人類之普遍人格循所期之目的以向上。是故

「民日遷善而不知爲之者。」孟子

此種感召力。又不徒上下之交而已。一般人相互關係。莫不有然。故曰。

「一家仁。一國興仁。一家讓。一國興讓。一人貪暴。一國作亂。其機如此。」大學

一人一家之在一國。如一血輪之在一體也。或良或惡。其影響皆立徧於全部。所謂「正己而物正」者。非獨居上位之人爲然也。凡人皆當有事焉。故大學言脩身齊家治國平天下之事。而云。

「自天子以至於庶人。壹是皆以修身爲本。」

由此言之。修其身以平天下。匪直天子也。庶人亦然。故

「或謂孔子曰。『子奚不爲政。』子曰。『書云。『孝乎。惟孝友于兄弟。施於有政。』是亦爲政。奚其爲爲政。』」

「語論

由孔子之言。則亦可謂全國人無論在朝在野。皆「爲政」之人。吾人之行動無論爲公爲私。皆政治的行動也。此其義雖若太玄渺而無畔岸。雖然。吾儕苟深察「普遍人格」中各箇體之相互的關係。當知其言之不可易。嗚呼。此真未易爲「機械人生觀者流」道也。

明乎此義。則知儒家所謂人治主義者。絕非僅恃一二聖賢在位以爲治。而實欲將政治植基於「全民」之上。

荀子所謂『有治人無治法』其義並不謬。實即孔子『人能弘道非道弘人』之旨耳。如曰法不待人而可以爲治也。則今歐美諸法之見採於中華民國者多矣。今之政曷爲而日亂耶。

要而論之。儒家之言政治。其唯一目的與唯一手段。不外將國民人格提高。以目的言。則政治即道德。道德即政治。以手段言。則政治即教育。教育即政治。道德之歸宿。在以同情心組成社會。教育之次第。則就各人同情心之最切近最易發動者而潛啓之。『孩提之童無不知愛其親及其長也。無不知敬其兄。』孟子人苟非甚不仁。則未有於其所最宜同情之人（父母兄弟）而不致其情者。既有此同情。即可藉之爲擴充之出發點。故曰。

『君子篤於親。則民興於仁。故舊不遺。則民不偷。』論語

又曰。

『慎終追遠。民德歸厚矣。』論語

全社會分子。人人皆厚而不偷。以共趨嚮於仁。則天下國家之治平。舉而措之而已矣。何以能如是。則『施由親始。』孟子『殺人之父者。人亦殺其父。殺人之兄者。人亦殺其兄。』孟子故『愛親者不敢惡於人。敬親者不敢慢於人。』孝經儒家利用人類同情心之最低限度爲人人所同有者。而灌植之擴充之。使達於最高限度。以完成其理想之『仁的社會。』故曰。

『人人親其親長其長而天下平。』孟子

儒家此種理想。自然非旦夕可致。故孔子曰。

『如有王者。必世而後仁。』論語

又曰。

「善人爲邦百年，亦可以勝殘去殺矣。」語

後儒謂「王道無近功」信然。蓋儒家政治之目的，誠非可以一時一地之效率程也。宇宙本爲未完成之物，創造進化會靡窮期。安有令吾儕滿足之一日。滿足則乾坤息矣。或評孔子曰：

「是知其不可而爲之者與。」

夫「不可」固宇宙之常態也。而「爲之」則人之所以爲人道也。孔子曰：

「鳥獸不可與同羣，吾非斯人之徒與而誰與？天下有道，丘不與易也。」語

同類意識與同情心發達到極量而行之，以「自強不息」斯則孔子之所以爲孔子而已。

第六章 儒家思想（其四）（孟子）

儒家政治思想，其根本始終一貫。惟自孔子以後，經二百餘年之發揮光大，自宜應時代之要求，爲分化的發展。其末流則孟子荀卿兩大家，皆承孔子之緒，而持論時有異同。蓋緣兩家對於人性之觀察異其出發點。孔子但言「性相近，習相遠」，所注重者在養成良「習」而止。而性之本質如何，未嘗剖論。至孟子主張性善，荀卿主張性惡，所認之性既異，則所以成「習」之具亦自異。故同一儒家言，而間有出入焉。然亦因此而於本宗之本義益能爲局部細密的發明。故今於兩家特點更分別論之。

儒家政治論，本有唯心主義的傾向。而孟子爲尤甚。「生於其心，害於其政；發於其政，害於其事。」公孫丑上此

語最爲孟子樂道『正人心』『格君心』等文句。書中屢見不一見。孟子所以認心力如此其偉大者，皆從其性善論出來。故曰：

『人皆有不忍人之心。先王有不忍人之心，斯有不忍人之政矣。以不忍人之心，行不忍人之政，治天下可運諸掌。』公孫丑上

何故不忍人之心，效力如此其偉大耶？孟子以爲人類心理有共通之點。此點即爲全人類溝通之祕鑰。其言曰：『故凡同類者舉相似也。何獨至於人而疑之？……口之於味也，有同嗜焉；耳之於聲也，有同聽焉；目之於色也，有同美焉。至於心獨無所同然乎？』告子上

何謂心之所同然？

『惻隱之心，人皆有之；羞惡之心，人皆有之；辭讓之心，人皆有之；是非之心，人皆有之。……惻隱之心，仁之端也；羞惡之心，義之端也；辭讓之心，禮之端也；是非之心，智之端也。……凡有四端於我者，知皆擴而充之矣。若火之始然，泉之始達，苟能充之，足以保四海。……』公孫丑上

人皆有同類的心，而心皆有善端。人人各將此心擴大而充滿其量，則彼我人格相接觸，遂形成普遍圓滿的人格。故曰『苟能充之，足以保四海』也。此爲孟子人生哲學政治哲學之總出發點。其要義已散見前數章中，可勿再述。

孟子之最大特色，在排斥功利主義。孔子雖有『君子喻義，小人喻利』之言，然易傳言『利者義之和』，言『以美利利天下』。大學言『樂其樂而利其利』，並未嘗絕對的以『利』字爲含有惡屬性。至孟子乃公然排

斥之。全書發端記與梁惠王問答，即昌言。

「何必曰利，亦有仁義而已矣。」王曰：「何以利吾國？」大夫曰：「何以利吾家？」士庶人曰：「何以利吾身？」上下交征利而國危矣。萬乘之國，弑其君者，必千乘之家；千乘之國，弑其君者，必百乘之家。萬取千焉，千取百焉，不爲不多矣。苟爲後義而先利，不奪不蹙。」（梁惠上）

宋牼將以利不利之說說秦楚罷兵，孟子謂「其號不可。」其言曰：

「先生以利說秦楚之王，秦楚之王悅於利，以罷三軍之師，是三軍之士樂罷而悅於利也。爲人臣者，懷利以事其君；爲人子者，懷利以事其父；爲人弟者，懷利以事其兄；是君臣父子兄弟終去仁義，懷利以相接，然而不亡者，未之有也。」……何必曰利？」（告子下）

書中此一類語句甚多，不必枚舉。要之此爲孟子學說中極主要的精神，可以斷言。後此董仲舒所謂「正其誼，不謀其利，明其道不計其功」，即從此出。此種學說在二千年社會中，雖保有相當勢力，然真能實踐者已不多。及近十餘年泰西功利主義派哲學輸入，浮薄者或曲解其說以自便，於是孟董此學，幾成爲嘲侮之鵠。今不能不重新徹底評定其價值。

營私罔利之當排斥，此常識所同認，無俟多辨也。儒家——就中孟子所以大聲疾呼以言利爲不可者，並非專指一件具體的牟利之事而言，乃是言人類行爲不可以利爲動機。申言之，則凡計較利害——打算盤的意思，都根本反對，認爲是「懷利以相接」。認爲可以招社會之滅亡。此種見解，與近世（就中美國人尤甚）實用哲學者流專重「效率」之觀念正相反。究竟此兩極端的兩派見解孰爲正當耶？吾儕毫不遲疑的贊成儒家言，吾儕

生與通彼我之「仁」的觀念絕對不相容。而權利之爲物，其本質含有無限的膨脹性，從無自認爲滿足之一日。誠有如孟子所謂「萬取千千取百而不饜」者，彼此擴張權利之結果，只有「爭奪相殺謂之人患」（禮之一途而已。置社會組織於此觀念之上而能久安，未之前聞。歐洲戰者，或痛論彼都現代文明之將即滅亡，殆以此也。我儒家之言則曰：

「能以禮讓爲國，夫何有？」（論語

此語入歐洲人腦中，其不能了解也，或正與我之不了解權利同。彼欲以交爭的精神建設彼之社會，我欲以交讓的精神建設我之社會，彼笑我懦，我憐彼獷，既不相喻，亦各行其是而已。

孟子既絕對的排斥權利思想，故不獨對個人爲然，對國家亦然。其言曰：

「我能爲君辟土地，充府庫，今之所謂良臣，古之所謂民賊也……我能爲君約與國，戰必克，今之所謂良臣，

古之所謂民賊也……」（孟子

又曰：

「爭地以戰，殺人盈野；爭城以戰，殺人盈城，此所謂率土地而食人肉，罪不容於死，故善戰者服上刑，連諸侯

者次之，辟草萊任土地者次之。」（離婁

由孟子觀之，則今世國家所謂軍政財政外交與夫富國的經濟政策等等，皆罪惡而已。何也？孟子以爲凡從權利觀念出發者，皆罪惡之源泉也。惟其如是，故孟子所認定之政治事項，其範圍甚狹。

「滕文公問爲國，孟子曰：『民事不可緩也。』」（滕文

民事奈何，從消極的方面說，先要不擾民，所謂

「不違農時，穀不可勝食也；數罟不入洿池，魚鼈不可勝食也；斧斤以時入山林，材木不可勝用也。穀與魚鼈不可勝食，材木不可勝用，是使民養生送死無憾也。養生送死無憾，王道之始也。」梁惠王上

從積極的方面說，更要保民，保民奈何？孟子以爲

「無恆產而有恆心者，惟士爲能。若民則無恆產，因無恆心，苟無恆心，放辟邪侈，無不爲矣。及陷乎罪，然後從而刑之，是罔民也。是故明君制民之產，必使仰足以事父母，俯足以畜妻子，樂歲終身飽，凶年免於死亡，然後驅而之善，故民之從之也輕。」梁惠王上

政治目的，在提高國民人格，此儒家之最上信條也。孟子卻看定人格之提高，不能離卻物質的條件，最少亦要人人對於一身及家族之生活得確實保障，然後有道德可言。當時唯一之生產機關，自然是土地。孟子於是提出其生平最得意之土地公有的主張——即井田制度，其說則

「方里而井，井九百畝，其中爲公田，八家皆私百畝，同養公田。」滕文公上

「五畝之宅，樹之以桑，五十者可以衣帛矣；雞豚狗彘之畜，無失其時，七十者可以食肉矣；百畝之田，勿奪其時，八口之家，可以無飢矣。」梁惠王上

既已人人有田可耕，有宅可住，無憂飢寒，雖然，

「飽食煖衣，逸居而無教，則近於禽獸。」滕文公上

於是

「設爲庠序學校以教之。」滕文公上

使

「壯者以暇日脩其孝弟忠信。」滕文公上

在此種保育政策之下其人民

「死徙無出鄉，鄉田同井，出入相友，守望相助，疾病相扶持，則百姓親睦。」滕文公上

孟子所言井田之制大略如是。此制孟子雖云三代所有，然吾儕未敢具信。或遠古習慣有近於此者，而儒家推演以完成之云爾。後儒解釋此制之長處，謂「井田之義，一曰無泄地氣，二曰無費一家，三曰同風俗，四曰合巧拙，五曰通財貨。」公羊傳宜十五何注此種農村互助的生活，實爲儒家理想中最完善之社會組織。所謂「王者之民皞皞如也。」上盡心雖始終未能全部實行，然其精神深入人心，影響於我國國民性者實非細也。

由是觀之，孟子言政治，殆不出國民生計國民教育兩者之範圍。質言之，則舍民事外無國事也。故曰：

「民爲貴，社稷次之，君爲輕。」盡心下

政府施政，壹以順從民意爲標準。

「所欲與之聚之，所惡勿施爾也。」離婁上

順從民意奈何？曰：當局者以民意爲進退。

「左右皆曰賢，未可也；諸大夫皆曰賢，未可也；國人皆曰賢，然後察之，見賢焉，然後用之。左右皆曰不可，勿聽；諸大夫皆曰不可，勿聽；國人皆曰不可，然後察之，見不可焉，然後去之。」梁惠王下

其施政有反於人民利益者，則責備之不稍容赦。其言曰：

「殺人以梃與刃，有以異乎？」曰：「無以異也。」以刃與政，有以異乎？」曰：「無以異也。」曰：「庖有肥肉，廄有肥馬，民有饑色，野有餓殍，此率獸而食人也。」獸相食，且人惡之；爲民父母，行政不免於率獸而食人，惡在其爲民父母也。」惠

上王

此等語調，不惟責備君主專制之政而已。今世歐美之中產階級專制，勞農階級專制，由孟子視之，皆所謂「殺人以政，不免於率獸而食人」者也。

儒家之教，雖主交讓，然亦重正名。「欲爲君，盡君道。」下「既不盡君道，則不能復謂之君，故

「齊宣王問曰：『湯放桀，武王伐紂，有諸？』」孟子對曰：「於傳有之。」曰：「臣弑其君可乎？」曰：「賊仁者謂之賊，賊義者謂之殘，殘賊之人謂之一夫，聞誅一夫紂矣，未聞弑君也。」」梁惠王下

儒家認革命爲正當行爲，故易傳曰：「湯武革命，順乎天而應乎人。」傳孟子此言，即述彼意而暢發之耳。雖然，儒家所主張之革命，在爲正義而革命，若夫爲擴張一個人或一階級之權利而革命，殊非儒家所許。何也？儒家固以權利觀念爲一切罪惡之源泉也。

孟子言仁政，言保民。今世學者汲歐美政論之流，或疑其獎勵國民依賴根性，非知治本。吾以爲此苛論也。孟子應時主之問，自當因其地位而責之以善，所謂「與父言慈，與子言孝」，不主張仁政，將主張虐政耶？不主張保民，將主張殘民耶？且無政府則已有政府，則其政府無論以何種分子何種形式組織，未有不以仁政保民爲職志者也。然則孟子之言，何流弊之有？孟子言政，其所予政府權限並不大消極的保護人民生計之安全，積極

的導引人民道德之向上，曷嘗於民政有所障耶。

第七章 儒家思想（其五）（荀子）

荀子與孟子同爲儒家大師，其政治論之歸宿點全同而出發點則小異。孟子信性善，故注重精神上之擴充；荀子信性惡，故注重物質上之調劑。荀子論社會起原，最爲精審，其言曰：

「水火有氣而無生，草木有生而無知，禽獸有知而無義。人有生有氣有知，亦且有義，故最爲天下貴也。力不若牛，走不若馬，而牛馬爲用何也？曰：人能羣，彼不能羣也。人何以能羣？曰：分。分何以能行？曰：義。故義以分則和，和則一，一則多力，多力則強，強則勝物。」（王制）

此言人之所以貴於萬物者，以其能組織社會，社會成立，則和而一，故能強有力以制服自然。社會何以能成立，在有分際，分際何以如此，其重要，荀子曰：

「萬物同宇而異體，無宜而有用爲人，（王念孫曰：爲讀曰于，古同聲通用。言萬物於人雖無一定之宜，而皆有用於人數也。）人倫並處，同求而異道，同欲而異知，（王念孫曰：生讀爲性。）皆有可也，知愚同，所可異也，知愚分，勢同而知異，行私而無禍，縱欲而不窮，則民心奮而不可說也……天下害生縱欲，欲惡同物，欲多而物寡，寡則必爭矣……離居不相待則窮，羣而無分則爭，窮者患也，爭者禍也，救患除禍，莫若明分使羣矣。」（富國）

又曰：

「禮起於何也？曰：人生而有欲，欲而不得，則不能無求，求而無度量分界，則不能不爭，爭則亂，亂則窮。先王惡

其亂也。故制禮義以分之。以養人之欲。給人之求。使欲必不窮乎物。物必不屈於欲。兩者相持而長。是禮之所起也。」論禮

又曰。

「分均則不偏。案當作偏勢齊則不壹。衆齊則不使。……夫兩貴之不能相事。兩賤之不能相使。是天數也。勢位齊

而欲惡同。物不能澹。楊注云澹讀爲贍則必爭。爭則必亂。亂則窮矣。先王惡其亂也。故制禮義以分之。使有貧富貴賤

之等。足以相兼臨者。是養天下之本也。書曰：「維齊非齊。」此之謂也。」王制

此數章之文極重要。蓋荀子政論全部之出發點。今分數層研究之。第一層從純物質方面說。人類不能離物質而生活。而物質不能爲無限量的增加。故常不足以充壓人類之欲望。（欲多物寡物不能贍）第二層從人性方面說。孟子言「辭讓之心人皆有之。」荀子正與相反。謂爭奪之心人皆有之。（縱欲而不窮不能不爭）第三層從社會組織動機說。既不能不爲社會的生活。（離居不相待則窮）然生活自由的相接觸。爭端必起。（羣而無分則爭）第四層從社會組織理法說。惟有使各人在某種限度內爲相當的享用。庶物質分配不至竭蹶。（以度量分界養人之欲給人之求）第五層從社會組織實際說。承認社會不平等。（有貧富貴賤之等維齊非齊）謂只能於不平等中求秩序。

生活不能離物質。理甚易明。孔子說「富之教之。」孟子說「恆產恆心。」未嘗不見及此點。荀子從人性不能無欲說起。由欲有求。由求有爭。因此不能不有度量分界以濟其窮。剖析極爲精審。而頗與唯物史觀派之論調相近。蓋彼生戰國末受法家者流影響不少也。荀子不承認「欲望」是人類惡德。但以爲要有一種「度量分界。」方不至以我個人過度的欲望。侵害別人分內的欲望。此種度量分界。名之曰禮。儒家之禮治主義。得荀

子然後大成，亦至荀子而漸滋流弊。今更當一評罵之。坊記云：

「禮者，因人之情而爲之節文，以爲民坊者也。」

「人之情」固不可拂，然漫無節制，流弊斯滋。故子游曰：

「有直道而徑行者，夷狄之道也。禮道則不然，人喜則斯陶，斯陶咏；咏斯猶，猶斯舞；舞斯戚，戚斯

歎，歎斯辟。鄭注：辟，附心也。辟斯踊矣。品節斯斯之謂禮。」禮

禮者，因人之情欲而加以品節，使不至一縱而無極，實爲陶養人格之一妙用。故孔子曰：「禮之用，和爲貴。」又曰：「恭而無禮則勞，慎而無禮則怨，勇而無禮則亂，直而無禮則絞。」通觀論語所言禮，大率皆從精神修養方面立言，未嘗以之爲量度物質工具。荀子有感於人類物質欲望之不能無限制也，於是應用孔門所謂禮者，以立其度量分界。（此蓋孔門弟子早有一派，非創自荀子，特荀子集其大成耳。）其下禮之定義曰：

「禮者，斷長續短，損有餘益不足，達愛敬之文，而滋成行義之美者也。」禮

斷長續短，損有餘益不足云者，明明從物質方面說。故曰：

「人之情，食欲有芻豢，衣欲有文繡，行欲有輿馬，又欲夫餘財蓄積之富也。然而窮年累世，不知不足，楊注：云當爲不足。是人之情也。今人之生也，方知蓄雞狗豬彘，又畜牛羊，然而食不敢有酒肉，餘刀布有困窮，然而衣不敢有絲帛，約者有筐篋之藏，然而行不敢有輿馬，是何也？非不欲也，幾不王念孫謂此二字涉下文而衍。長慮顧後而恐無以繼之故也。……今夫偷生淺知之屬，曾此而不知也，糧食大修，不顧其後，俄則屈安窮矣。楊注：云安語助也。對言屈然窮案，荀子書中安字或

案字多作是其所以不免於凍餓操瓢囊爲溝壑中瘠者也。況案夫先王之道，仁義之統，詩書禮樂之分

乎。彼固天下之大慮也。將爲天下生民之屬長慮順後而保萬世也……」（榮）

荀子以爲人類總不容縱物質上無壑之欲。個人有然。社會亦有然。政治家之責任。在將全社會物質之量。通盤籌算。使人人不至以目前「太侈」之享用。招將來之「屈窮」。所謂「欲必不窮乎物。物必不屈於欲」也。其事從分配問題言。生計正與孟子同。而所論比孟子尤切實而縝密。然則其分配之法如何。荀子曰：

「夫貴爲天子。富有天下。是人情之所同欲也。然則從人之欲。則教不能容。物不能贍也。故先王案爲之制禮義以分之。使有貴賤之等。長幼之差。知愚能不能之分。皆使人載其事而各得其宜。然後使慤俞樾曰：慤當作慤。慤之誤也。祿多少厚薄之稱……故或祿天下而不自以爲多。或監門御旅。抱關擊柝。而不自以爲寡。故曰：斬斬。劉台拱曰：斬。斬讀如僦。

說文：僦。僦。而齊。枉而順。不同而一。」（榮）

荀子所謂度量分界：（一）貴賤。（二）貧富。王制篇所說（三）長幼。（四）知愚。（五）能不能。以爲人類身分

境遇年齡材質上萬有不齊。各應於其不齊者。以爲物質上享用之差等。是謂「各得其宜」。是謂義。將此義演爲公認共循之制度。是謂禮。荀子以爲持此禮義以治天下。則

「以治情則利。以爲名則榮。以羣則和。以獨則足。」（榮）

是故孔子言禮專主「節」。（論語所謂不以禮節之亦不可行）荀子言禮專主「分」。荀子以爲只須將禮制定。教人「各安本分」。則在社會上相處。不至起爭奪。（以羣則和）爲個人計。亦可以知足少愒。（以獨則足）彼承認人類天然不平等。而謂各還其不平等之分際。斯爲真平等。故曰：「維齊非齊。」然則荀子此說之價值何如。曰：長幼知愚能不能之差別。吾儕絕對承認之。至於貴賤貧富之差別。非先天所宜有。其理甚明。此差別從何而來。惜荀子

未有以告吾儕。推荀子之意，自然謂以知愚能不能作貴賤貧富之標準。此說吾儕固認為合理。然此合理之標準何以能實現？惜荀子未能予吾儕以滿意之保障也。以吾觀之，孔子固亦主張差等。然其所謂差等者與後儒異。孔子注重「親親之殺」，即同情心隨其環距之遠近而有濃淡強弱。此為不可爭之事實。故孔子因而利導之。若夫身分上之差等，此為封建制度下相沿之舊。孔子雖未嘗竭力排斥，然固非以之為重。孔門中子夏一派，始專從此方面言差等，而荀子更揚其波。禮論篇中歷陳天子應如何，諸侯應如何，大夫應如何，士應如何，庶人應如何，戴記中禮器郊特牲玉藻……等篇，皆同此論調，斷斷於貴賤之禮數。其書出荀子前，抑出其後，雖未能具斷要之皆荀子一派之所謂禮，與孔子蓋有間矣。

荀子生戰國末，時法家已成立，思想之互為影響者不少。故荀子所謂禮，與當時法家所謂法者，其性質實極相逼近。荀子曰：

「禮豈不至矣哉！立隆以為極，而天下莫之能損益也……故繩墨誠陳矣，則不可欺以曲直；衡誠縣矣，則不可欺以輕重；規矩誠設矣，則不可欺以方圓；諸子審於禮，則不可欺以詐偽。故繩者直之至，衡者平之至，規

矩者方圓之至，禮者人道之極也。」論禮

法家之言曰：「有權衡者不可欺以輕重，有尺寸者不可差以長短，有法度者不可誣以詐偽。」馬總意林 兩文引慎子 語意若合符節，不過其功用一歸諸禮，一歸諸法而已。究竟兩說誰是耶？吾甯取法家何也？如荀子說，純以計較效率為出發點，既計效率，則用禮之效率不如用法。吾敢昌言也。法度嚴明，詐偽不售，吾能信之。謂「審禮則不可欺以詐」，則禮之名義為人所盜用，飾貌而無實者，吾儕可以觸目而舉證矣。故荀子之言，不徹底之言也。慎

子又曰：『一兔走，百人追之，積兔於市，過而不顧，非不欲兔，分定不可爭也。』荀子之以分言禮，其立腳點正與此同。質言之，則將權力之爭奪，變為權利之認定而已。認定權利以立度量分界，洵為法治根本精神。揆諸孔子所謂『道之以德，齊之以禮』者，恐未必然也。

復次，禮為合理的習慣。前既言之矣。欲使習慣常為合理的，非保持其彈力性不可。欲保持其彈力性，則不容有固定之條文。蓋必使社會能外之順應環境內之潛發時代心理，而隨時產出『活的良習慣』。夫然後能合理。其機括在簡性與簡性相摩，而常有偉大人物，出其人格以為羣衆表率。羣衆相與風而習焉，反是則『衆以為殃』。斯則所謂禮矣。易傳曰：『通其變，使民不倦，神而化之，使民宜之。』惟『不倦』故『宜』。此禮之所以可尊也。荀派之言禮也，不然。其說在『立隆以為極，而天下莫之能損益』。吾聞之孔子矣。『殷因於夏禮，所損益可知也。周因於殷禮，所損益可知也。』

論語未聞以莫能損益為禮之屬性也。荀派所以以此言禮者，

蓋山當時法家者流，主張立固定之成文法以齊壹其民。其說壁壘甚堅。治儒術者不得不提出一物焉與之對抗。於是以己宗夙所崇尚之禮充之。於是所謂『禮儀三百，威儀三千』者，遂成為小儒占畢墨守之寶典，相與致謹於繁文縟節。兩戴記所討論之禮文，什九皆此類也。他宗非之曰：『累壽不能盡其學，當年不能究其禮。』豈不以是耶？吾儕所以不滿於法治主義者，以其建設政治於『機械的人生觀』之上也。如荀派之所言禮，則其機械性與法家之法何擇？以大清通禮比大清律例，大清會典，吾未見通禮之彈力性能強於彼兩書

孔子常言君子，君子即指有偉大人格可以為羣衆表率者。如『君子篤於親則民興於仁』，『君子之德風，小人之德草』等，皆當如是解。

也。等是機械也。法恃國家制裁，其機械力能貫徹，禮恃社會制裁，其機械力不貫徹，故以荀派之禮與法家之法對抗。吾見其進退失據而已。要而論之，無論若何高度之文化，一成為結晶體，久之必腐爛而蘊毒，儒家所以不免有流弊為後世詬病者，則由荀派以「活的禮」變為「死的禮」使然也。雖然，凡荀子之言禮，仍壹歸於化民成俗，與孔子提高人格之旨不戾，此其所以為儒也。

儒家言禮與樂相輔，二者皆陶養人格之主要工具焉。荀子言樂，精論最多，善推本於人情而通之於治道。其言曰：

『夫樂者樂也，人情之所必不免也，故人不能無樂，樂則必發於聲音，形於動靜……形而不為道，則不能無亂，先王惡其亂也，故制雅頌之聲以道之，使其聲足以樂而不流，使其文足以辨而不詘，使其曲直繁省廉肉節奏足以感動人之善心，使夫邪汙之氣無由得接焉……』

凡姦聲感人而逆氣應之，逆氣成象而亂生焉；正聲感人而順氣應之，順氣成象而治生焉……故樂行而志清……耳目聰明，血氣和平，移風易俗，天下皆寧，美善相樂，故曰樂者樂也，君子樂得其道，小人樂得其欲……

……故樂者所以道樂也……樂行而民鄉方矣。」論樂

此言音樂與政治之關係，可謂博深切明。『美善相樂』一語，實為儒家心目中最高的社會人格，社會能如是，則天下之平，其真猶運諸掌也。故儒家恆以教育與政治併為一談，蓋以為非教育則政治無從建立，既教

荀子樂論篇與小戴記中之樂記，文義相同者甚多，擬樂記本諸荀子也。

孔子謂韶盡美矣，又盡善也，謂武盡美矣，未盡善也，美善合一，是孔子理想的人格。

育則政治自行所無事也。

第八章 道家思想（其一）

道家哲學有與儒家根本不同之處。儒家以人爲中心。道家以自然界爲中心。儒家道家皆言「道」。然儒家以人類心力爲萬能。以道爲人類不斷努力所創造。故曰「人能弘道。非道弘人」。道家以自然界理法爲萬能。以道爲先天的存在。且一成不變。故曰：

「人法地。地法天。天法道。道法自然。」老子
道何自來耶。彼宗以爲：

「有物混成。先天地生。寂兮寥兮。獨立不改。周行而不殆。可以爲天下母。吾不知其名。字之曰道。」老子
道不惟在未有人類以前。而且在未有天地以前早已自然而然的混成。其性質乃離吾儕而獨立。且不可改。因此之故。彼宗以爲以人類比諸道所從出之「自然」。則人實極麼且脆弱。故曰：

「吾在天地之間。猶小石小木之在大山也。」莊子秋水篇

此天地間麼脆弱之人類。只能順著自然界——最多不過補助一二。而不能有所創造。故老子曰：

「以輔萬物之自然而莫敢爲。」

韓非子引喻以釋之曰：

「宋人有爲其君以象爲楮葉者。三年而成。豐殺莖柯。毫芒繁澤。亂諸楮葉之中而不可別也。此人遂以功食

祿於宋邦。列子聞之曰：「使天地三年而成一葉，則物之有葉者寡矣。」故不乘天地之資，而載一人之身，不隨道理之數，而學一人之智，此皆一葉之行也。故冬耕之稼，后稷不能羨也；豐年大禾，臧獲不能惡也。以一人力，后稷不足；隨自然則臧獲有餘。故曰：「恃萬物之自然而不敢爲」也。老喻

此論正否認人類之創造能力，以爲吾人所自詫爲創造者，其在自然界中實眇小不足齒數。以吾觀之，人類誠不能對於自然界有所創造，其所創造者乃在人與自然界之關係及人與人之關係。雖然，彼宗不承認此旨，蓋儒家以宇宙爲「未濟」的，刻刻正在進行途中，故加以人工，正所以「弘道」。道家以宇宙爲已「混成」的，再加人工，便是毀壞他。故老子曰：

「爲者敗之，執者失之。」

莊子設喻曰：

「南海之帝爲儵，北海之帝爲忽，中央之帝爲渾沌。儵與忽時相與遇於渾沌之地，渾沌待之甚善。儵與忽謀報渾沌之德，曰：人皆有七竅以視聽食息，此獨无有，嘗試鑿之。」日鑿一竅，七月而渾沌死。王應帝

彼宗認「自然」爲絕對的美，絕對的善，故其持論正如歐洲十九世紀末盧梭一派所絕叫的「復歸於自然」。其哲學上根本觀念既如此，故其論人生也，謂「含德之厚，比於赤子……骨弱筋柔而握固……精之至也，終日號而不嗔，和之至也。」老比言箇人之「復歸於自然」的狀態也，其論政治也，謂：

「民莫之令而自正。」老

此與儒家所言「子率以正，孰敢不正」正相對，又謂

「我無爲而民自化，我好靜而民自正，我無事而民自富，我無欲而民自樸。」老子

此與儒家所言「上好禮則民莫敢不敬……」「君子篤於親則民興於仁……」等語，其承認心理感召之效雖同，然彼爲有目的的選擇，此爲無成心的放任。兩者精神乃大殊致。道家以爲必在絕對放任之下，社會乃能復歸於自然，故其對於政治極力的排斥干涉主義。其言曰：

「馬蹄可以踐霜雪，毛可以禦風寒，駝草飲水，翹足而陸。」司馬彪云：此馬之真性也。雖有義臺路寢，無所用之。

及至伯樂曰：「我善治馬。」燒之、剔之、刻之、雜之，連之以羈轡，編之以阜棧。馬之死者十二三矣。飢之、渴之、馳之、驟之、整之、齊之，前有櫟飾之患，而後有便筴之威，而馬之死者已過半矣。陶者曰：「我善治埴，圓者中規，方者中矩。」匠人曰：「我善治木，曲者中鉤，直者應繩。」夫埴木之性，豈欲中規矩鉤繩哉？然且世世稱之曰：「伯樂善治馬，而陶匠善治埴木。」此亦治天下者之過也。」莊子馬蹄篇

「駝草飲水，翹足而陸。」此爲馬之自然狀態。伯樂治馬，則爲反於自然。陶匠之於埴木也亦然。道家以人類與馬及埴木同視，以爲只要無他力以撓之，則其原始的自然狀態，便能永遠保存。其理想的人類自然社會如下：「小國寡民，使有什伯之器而不用，使民重死而不遠徙。雖有舟輿，無所乘之；雖有甲兵，無所陳之；使人復結繩而用之，甘其食，美其服，安其居，樂其俗，鄰國相望，雞犬之聲相聞，民至老死不相往來。」老子

然則現社會何故不能如此耶？道家以爲：

「罪莫大於可欲，禍莫大於不知足，咎莫大於欲得。」老子
救之之法，惟有：

「見素抱朴，少私寡欲。」老子

惟有。

「常使民無知無欲。」老子

然則人性究以「不知足」「欲得」爲自然耶？抑以「知足」「不欲得」爲自然耶？換言之，人類自然狀態究竟有私有知有欲耶？抑本來無知少私寡欲耶？道家之指，乃大反於常識之所云。彼蓋以未鑿鑿之渾沌爲人類自然狀態，則無知無私無欲，其本來矣。然則本來無知無私無欲之人，何故忽然有知有私欲且多私欲耶？彼宗分兩層答此問題。第一層，謂由自然界之物質的刺戟，所謂

「五色令人目盲，五音令人耳聾，五味令人口爽。」老子

曷由使之復歸於自然耶？曰：

「不見可欲，使民心不亂。」老子

第二層，謂由人事界之政治的或社會的誘惑及干涉，所謂

「天下多忌諱而民彌貧，民多利器，國家滋昏，人多伎巧，奇物滋起，法令滋彰，盜賊多有。」老子

曷由使之復歸於自然耶？曰：

「絕聖棄知，大盜乃止；擯玉毀珠，小盜不起；焚符破璽，民乃朴鄙；摺斗折衡，而民不爭。」莊子胠篋篇

質言之，吾儕所謂文明或文化者，道家一切悉認爲罪惡之源泉。故文字，罪惡也；智識，罪惡也；藝術，罪惡也；禮俗，罪惡也；法律，罪惡也；政府，罪惡也；乃至道德條件，皆罪惡也。然則彼宗對於政治究作何觀念耶？彼之言曰：

「常有司殺者殺。夫代司殺者殺，是謂代大匠斲。夫代大匠斲者，希有不傷其手者矣。」老子

彼宗蓋深信「自然法」萬能。儒家亦尊自然法，但儒家言「天工人其代之」，謂自然法必藉「人」而後能體現也。而彼宗則以自然爲不容人代也。故又曰：

「聞在宥天下，未聞治天下也。在之也者，恐天下之淫其性也；宥之也者，恐天下之遷其德也。天下不淫其性，不遷其德，有治天下者哉？」莊子在宥篇

「在宥」云者，使民絕對自由之謂也。曷爲能使民絕對自由？釋以俗語則曰：「別要管他。」文言之則曰：「無爲。」故曰：

「滌除玄覽，能無疵乎？愛民治國，能無知乎？天門開闔，能無雌乎？明白四達，能無爲乎？」老子

彼宗於是分治術爲數等，曰：

「上德，案上同無爲而爲以爲，案據韓非子解老篇「以」字當爲「不」字之誤上仁，爲之而無以爲，上義，爲之而有以爲，上禮，爲之而

莫之應，則攘臂而扔之。故失道而後德，失德而後仁，失仁而後義，失義而後禮。」老子

其意謂上德者以無爲爲爲也，上仁者無所爲而爲，上義者有所爲而爲，上禮者則爲其所不能爲也。彼又將人民對於此四種治術所起之反應列爲等第，曰：

「太上，下不知有之；其次，親而譽之；其次，畏之；其次，侮之。」老子

所云太上，蓋指尙德者；其次其次，則尙仁尙義尙禮者；而尙德之治，結果則

「功成事遂，百姓皆謂我自然。」老子

此即政治上之復歸於自然也。百姓各自謂此我之自然而然而不知有其上。此爲道家之理想的政治。質言之。即「無治主義」也。道家以彼宗之哲學爲出發點。以至政治上得此種結論。今請評其得失。

道家之大惑。在以人與物同視。「乾草飲水。翹足而陸。」誠爲馬之自然的狀態。世苟無治馬之伯樂。則馬必能長保此狀態。而馬即常得其所。此吾儕所絕對承認也。顧所當注意者。馬中無伯樂。而伯樂非馬。伯樂乃立乎「馬的全體」之外。而傷害馬的「自然之樸」。人類何如耶。處此自然狀態中（指道家所謂自然狀態言耳）者固「人」。厭此自然狀態。壞此自然狀態者亦「人」也。且人究以何者爲其自然狀態耶。彼宗之說。以「填木之性不欲中規矩鈎繩。」喻「人之性不欲中……」然填與木固確然無知無欲也。中規矩鈎繩。乃「陶者匠者」之欲。人類何如耶。人性確欲「中……」「中……」而非有立乎其外如「陶者匠者」者。強之使「中」。他勿具論。即彼老子莊子。豈非自欲「中」。其「無欲無爲之規矩鈎繩」。且欲人人皆中此規矩鈎繩者哉。誰歟。爲陶匠以矯揉老莊之自然而使之「中」。此者。故知「不欲中規矩鈎繩」者。爲填木之性之自然（？）欲如何欲如何者。正乃人性之自然也。而彼宗必欲反此自然。滅此自然。則虐馬之伯樂。矯揉填木之陶匠。非他宗而彼宗也。質言之。則戕賊自然者莫彼宗若也。彼宗謂有欲爲非自然的。然「欲」之從何來。則第一層指爲受自然界之刺激。如所謂「五色令人目盲……」云云者。夫自然界之有五色聲味。自然界之自然狀態也。人類之有耳目舌。又人類之自然狀態也。今謂色聲味戕賊耳目舌。豈非自然戕賊自然耶。欲使彼自然勿戕賊此自然。其術乃在「不見可欲使民心不亂」。殊不知能見可欲者乃目之自然。能見而使之不見。孰自然。孰不自然耶。荀子曰。

一今使人生而未嘗睹芻豢稻粱也。惟菽藿糟糠之爲睹，則以至足爲在此也。俄而粲然有秉芻豢稻粱而至者，則瞠然視之曰：「此何怪也！」彼臭之而無嫌於鼻，嘗之而甘於口，食之而安於體，則莫不棄彼而取此矣。

「榮辱」篇

此卽見可欲而心亂之說也。夫此正乃人類自然狀態之所不能避者也。而「明自然」之彼宗乃欲杜滅之何也。彼宗論「欲」之第二來源，歸諸人爲的誘惑，謂假使無「芻豢稻粱」，則終無以奪「糠糟菽藿」。斯或然也。殊不知「芻豢稻粱」非由天降，非由地出，非彼自出，人實好之。質言之，凡「人爲」云者，皆「人」所爲也。人能有所爲，且不能不有所爲，卽人之自然狀態也。彼言「絕聖棄智，民利百倍」，「法令滋彰，盜賊多有」，夫人之能爲聖智法令也，猶其能爲芻豢稻粱也，皆其自然。彼言「剖斗折衡而民不爭」，夫人能爭，人能爲斗衡以求免爭，人又能爭於斗衡之中，皆其自然。而「明自然」之彼宗乃欲杜滅之何也。

要而論之，彼宗不體驗人生以求自然，乃以物理界或生物界之自然例人生之自然，於是欲以人所能弘之道弘人，結果處處矛盾而言之不復能成理。此真莊子所謂「其所謂道者非道，而所言之遽不免於非」天下也。孟子曰：「生於其心，害於其政，發於其政，害於其事。」道家既否定人類有創造性能，且認人爲的文化皆爲罪惡，然而事實上人類終不能以彼宗所謂「無爲」者爲常態也。則如之何？曰：吾姑爲消極受動的「爲」，不爲積極自動的「爲」，其秘訣在

「不敢爲天下先」老子

在

「以天下之至柔馳騁乎天下之至剛。」老子

莊子嘗總述老子學說之要點曰：

「知其雄，守其雌，爲天下谿，知其白，守其黑，爲天下谷。人皆取先，己獨取後。曰：受天下之垢，人皆取實，己獨取虛。無藏也，故有餘，靡然而有餘，其行身也，徐而不費，無爲也而笑巧。人皆求福，己獨曲全。曰：苟免於咎……曰：

堅則毀矣，銳則挫矣……」天下篇

莊子書中言此意者亦最多如：

「今之大冶鑄金，金踊躍曰：『我且必爲鑊錡。』大冶必以爲不祥之金……」大宗師篇

「……是不材之木也，無所可用，故能若是之壽。」人間世篇

此等論調，其病仍在混人物爲一談。吾儕爲金耶？爲木耶？誠宜如此。雖然，吾儕人也，使人性果能爲莊子所謂「祥金」與「不材之木」，亦曷嘗非善事，然而不能——以反於自然狀態故不能，不能而以此導之，結果徒教取巧者以藏身之固耳。『子路問政，子曰：先之……』此與彼宗「不敢爲天下先」之義最相反者也。易傳言：「君子以自強不息。」中庸言：「不變塞焉，強哉矯。」孟子言：「浩然之氣，至大至剛。」此與彼宗「柔弱勝剛強」之義最相反者也。欲以人弘道耶？非有爲之先者不可，非剛強不可，而道家以爲是

不爲天下先，與儒家所謂體讓若相近，而實大異。體讓由同情心發出，其性質屬於社會的，不爲先之目的，在以不材保天年，其性質純爲箇人的。

不「毀」則「挫」而惟當「不爲先」以「曲全」而「苟免於咎」吾儕誠不解「曲全免咎」在人生中有何意義有何價值而宇宙間從何處有不毀不挫之事物又豈直堅與銳而已故彼宗之說徒獎厲箇人之怯懦巧滑的劣根性而於道無當也嗚呼此種學說實形成我國民性之主要部分其影響於過去及將來之政治者非細也。

然則道家思想竟無價值耶是又不然其一彼宗將人類缺點無容赦的盡情揭破使人得反省以別求新生命彼宗之言曰。

「大道廢有仁義慧智出有大偽六親不和有孝慈國家昏亂有忠臣。」老子
又曰。

「爲之斗斛以量之則並與斗斛而竊之爲之權衡以稱之則並與權衡而竊之……爲之仁義以矯之則並與仁義而竊之……彼竊鈎者誅竊國者爲諸侯諸侯之門而仁義存焉是非竊仁義聖知耶。」莊子胠篋篇

彼宗固極力詛咒文明者也然文明之本質孰敢謂其中不含有宜詛咒者存古今來人類所謂文明大部分皆

爲擁護強者利益之工具此其宜詛咒者一也即不爾而文明成爲結晶

體之後流弊必滋故曰「水積則生相食之魚土積則生自穴之獸禮義

飾則生僞匿之本」淮南子齊俗訓凡爛熟之文明必流爲形式的以相率於僞此

其宜詛咒者二也道家對於此等毒害之文明揭破其假面目高叫赤裸裸的「自然」一語以逼之使如湯沃雪實刷新人心之一良劑也夫自然主義之爲物能使人懷疑煩悶乃至洩懼而失其所守或益招社會之混亂

羅素最心醉道家言蓋彼正詛咒現代文明之一人也。

此徵諸近代之歐洲而最易見者也。雖然，此如藥經瞑眩，乃可以瘳疾，故刷新人心以求第二期之創造，必以此爲驅除難焉。此卽道家學說之價值也。

其二，道家最大特色，在撇卻卑下的物質文化，去追尋高尙的精神文化。在教人離開外生活以完成其內生活。此種見解，當時最流行之儒墨兩家皆不如此說，而實爲道家所獨有。精神文化與內生活究是何物？道家所言是否得其真？此屬別問題，但此爲人生最高目的。吾人決當向此路進行。此吾所絕對承認毫不遲疑者也。離卻外生活有內生活，在常識上幾無從索解。吾儕亦深信此種生活不能適用於一般人——不能作爲社會教育或政治的一種標幟，但吾儕不謂此事爲不可能。蓋人類之自由意志，吾儕雖不敢指爲萬能，然確信其力之偉大實不可思議。自己欲作何種生活，最少可以憑自己意力作一大半主，故將物質生活減殺至最低限度，而將精神生活發育到最高限度，人類實有此可能性。道家觀察人生之出發點，謂

『其耆欲深者其天機淺。』莊子大宗師篇

救治之法在

『去甚，去奢，去泰。』老子

『爲道日損，損之又損，以至於無爲，無爲而無不爲。』老子

其理想的人生，則

『生而不有，爲而不恃，長而不宰。』老子

謂信能如此，則

「既以爲人已愈有，既以與人已愈多。」老子

此種生活，不以生活爲達任何目的之手段，生活便是目的。換言之，則爲生活而生活——爲學問而學問，爲勞作而勞作，再換言之，則一切皆「無所爲而爲」。再換言之，則將生活成爲藝術化，夫生活成爲藝術化，則真所謂「既以爲人已愈有，既以與人已愈多」矣。此種生活，雖非盡人而能，然智慧愈多者，其可能性愈大，則甚章章也。天下之大患，在有智慧之人，耽溺於私欲，日出其智慧以擴張其慾壑無厭的物質生活，於是所產生劣等文化愈豐，而毒害社會亦愈甚。道家欲救此病，故以『見素抱樸，少私寡欲』爲教。其哲學基礎在此，其政治思想基礎亦在此。此果爲復歸於自然耶？吾不敢承。吾以爲老子莊子所活動之遺跡，與其主義矛盾，彼輩實努力爲「反自然的創造」，而所創造者則人類極有價值的作品也。

第九章 道家思想（其二）

老子輩所倡此種自然主義，其本質固含有「箇人的」、「非社會的」、「非人治的」傾向，故其末流乃生四派。

- | | | | |
|---|---------|-----|----|
| 一 | 順世的箇人主義 | 代表者 | 楊朱 |
| 二 | 遁世的箇人主義 | 代表者 | 陳仲 |
| 三 | 無政府主義 | 代表者 | 許行 |
| 四 | 物治主義 | 代表者 | 慎到 |

第一。楊朱與墨翟齊名。其言盈天下。孟子莊子書中屢稱之。而著述言論無傳焉。其學說有一最鮮明之旗幟。曰「爲我」。即孟子所稱

「楊子取爲我。拔一毛而利天下。不爲也。」

此外則東晉晚出之僞列子八篇。其第七篇題曰「楊朱」。述朱說頗詳。吾儕雖不敢具信爲真。但其中一部分。容或出自古籍而爲作僞者所采入。今姑據之以觀此一派的面目。如僞列子之說。則楊朱哲學根本觀念。在感人生之無常。而務當時之適意。其言曰。

「太古之人。知生之暫來。死之暫往。故從心而動。不違自然。……從性而遊。不逆萬物。……

然則所謂從心而動者何如。彼以爲

「肆之而已。勿壅勿闕。……恣耳之所欲聽。恣目之所欲視。恣鼻之所欲向。恣口之所欲言。恣體之所欲安。恣意之所欲行。」

此其爲道。若與老子「去奢去泰。少私寡欲」之旨相反。但以言自然主義耶。必如楊朱。乃真爲赤裸裸的徹底的自然。若老莊乃正吾所謂「反自然」者也。然則此派對於政治之爲物。作何感想耶。論理。此種極端的箇人主義。其性質是純然「非政治的」。雖然。吾國哲學家。從未有肯拋棄政治問題不談者。楊朱篇有託爲子產之兄弟與子產談治道之一段曰。

「夫善治外者。物未必治。而身交苦。善治內者。物未必亂。而性交逸。以若之治外。其法可暫行於一國。未合於人心。以我之治內。可推之於天下。君臣之道息矣。」

其意不外排斥干涉主義，以爲只要人人絕對的自由，天下自然太平，故曰：

「損一毫利天下，不與也。悉天下奉一身，不取也。人人不損一毫，人人不利天下，天下治矣。」

此說從何處得哲學上根據耶？彼之言曰：

「智之所貴，存我爲貴，力之所賤，侵物爲賤。然身非我有也，既生不得不全之；物非我有也，既有不得不去之。」

下文當衍

去之……雖全生身不可有其身，雖不去物不可有其物，有其物，有其身，是橫私天下之

物……公天下之身，公天下之物，其唯至人矣。」

其意以爲人類乃自然界之一物，以自然界其他之物養此物，以終其天年，實際上並無所謂自私焉。此派論調純屬所謂「頹廢思想」，誠無深辨之價值。然極端的自然主義結果必產此種思想，且在彼必能言之有故，持之成理，故克與儒墨三分天下也。

第二，陳仲子亦稱田仲，孟子同時人，荀子以之與史鰌並稱，列於「十二子」之一，蓋亦當時一有力之學者。據孟子所說：

「仲子，齊之世家也。兄戴，蓋祿萬鍾，以兄之祿爲不義之祿而不食也；以兄之室爲不義之室而不居也。避兄離母，處於於陵。」

「居於陵，三日不食，耳無聞，目無見也。井上有李，蟾食實者過半矣，匍匐往將食之，三咽然後耳有聞，目有見。」

「仲子所居之室，所食之粟，彼身織屨妻辟纘以易之。」滕文公下

陳仲之學，固不必純出道家。然彼與齊王同姓，實當時一煊赫之貴族，而其生活如此，必有極深刻之人生觀存焉。彼蓋將物質生活剋減至最低限度以求有所養也。其生活方式，與楊朱一派正相反。然其為極端的箇人主義則一也。故荀子非之曰：

「忍情性，綦谿利跂，苟以分異人為高，不足以合大衆，明大分。」非子

言其為非社會的生活，不足以合羣也。韓非子亦言：「田仲不恃仰人而食。」可知彼蓋以「各人只許享用自己勞作之結果」為教。就他宗觀之，正所謂「離居不相待則窮」矣。故趙威后問齊使亦云：

「於陵仲子尚存乎？是其為人也，上不臣於王，下不治其家，中不索交諸侯，此率民而出於無用者，何為至今不殺耶？」戰國策 趙策

可見此派學說在當時頗有勢力，故能動異國之君之問，而亦以非社會的生活故，故以「無用」為時流所惡也。

第三、當時有明目張膽主張無政府主義者，其代表人物曰許行。許行與孟子同時，其學說略見孟子書中。

「有為神農之言者許行，自楚至滕，踵門而告文公曰：『遠方之人，聞君行仁政，願受一廛而為氓。』」文公與之處，其徒數十人，皆衣褐，捆屨織席以爲食。陳良之徒陳相……見許行而大悅，盡棄其學而學焉。陳相見孟子，道許行之言曰：「滕君則誠賢君也，雖然，未聞道也。賢者與民並耕而食，饔飧而治，今也滕有倉廩府庫，則是厲民而以自養也，惡得賢！」」滕文公下

漢書藝文志將此派列於九流之一，號為「農家」，且評之曰：

「以爲無所事聖王，欲使君臣並耕，諄上下之序。」

此派蓋兼受道墨兩家之影響，其主張箇人刻苦似墨家，然墨家認強有力之政府爲必要，此派不然，其所理想之社會，正如老子所稱「小國寡民……」云云也，其宗旨在絕對的平等，人人自食其力——各以享用自己勞作之結果爲限，無上下貴賤之分。老子曰：「民之饑，以其上食稅之多，是以饑。」許子宗此義，故以有倉廩府庫爲厲民自養，結論要歸諸無政府。

許子不惟要人平等也，並物亦要平等，其言曰：

「從許子之道，則市買不二，國中無僞，雖使五尺之童適市，莫之或欺，布帛長短同，則價相若，麻縷絲絮輕重同，則價相若，五穀多寡同，則價相若，屨大小同，則價相若。」

此其說甚奇特，彼蓋專計量而不計質，布與帛本不同價也，彼但問長短同不同而不問其爲布爲帛，稻粱與芋菽本不同價也，彼但問多寡同不同而不問其爲稻爲菽，若此者，吾得名之曰「齊物主義」，其理論出發於老子所謂「不貴難得之貨，使人不爲盜」，欲以物觀的準則，改變人類貴帛賤布……之心理，彼以爲物之價值有貴賤，非物自性，由人命之耳，^彼滅人類所謂貴賤之觀念，則物固夷然平等也。孟子斥之曰：「夫物之不齊，物之情也，或相倍蓰，或相什伯，或相千萬，子比而同之，是亂天下也。」孟子所駁，固合於常識，然離卻人類之主觀，而云「物之不齊爲物之情」，其能否遂使許行折服，又爲別問題矣。

第四，史記以老莊申韓同傳，後人往往疑其不倫，其實不然，韓非子世共認爲法家之集大成者也，而其書有解老喻老等篇，淮南子道家言之淵府也，而書中主張法治者最多，蓋道法二家，末流合一，事實昭然也，夫以尊

自由宗虛無之道家與主干涉綜覈名實之法家其精神若絕不相容何故能結合以治諸一爐耶此研究古代學術最重要且最有趣之一問題也以吾觀之兩宗有一共同之立腳點焉曰「機械的人生觀」道家認宇宙爲現成的宇宙之自然法當然亦爲現成的人類則與萬物等夷同受治於此種一定的因果律之下其結果必與法家所謂法治思想相契合而治爲一有固然也就中有一人焉其學說最可以顯出兩宗轉捩關鍵者曰慎到慎子四十二篇漢書藝文志列諸法家今其書已佚由後人集成五篇此人爲法家開宗之人殆學者所同認也然而莊子天下篇述其學說概略則云

『彭蒙田駢慎到……齊萬物以爲首……知萬物皆有所可有所不可故曰選則不偏教則不至道則無遺者矣……是故慎到棄知去己而緣不得已冷汰郭注冷汰猶聽放也於物以爲道理……椎拍輓斷與物宛轉舍是非苟可以免不師知慮不知前後魏然而已矣推而後行曳而後往若飄風之還若羽之旋若磨石之隧全而無非動靜無過未嘗有罪是何故夫無知之物無建己之患無用知之累動靜不離於理是以終身無譽故曰至於若無知之物而已無用賢聖夫塊不失道豪桀相與笑之曰慎到之道非生人之行而至死人之理適得怪焉』

觀此則慎到哲學根本觀念全出道家甚明老子教人如嬰兒莊子教人『支離其形支離其德』如祥金如山木慎子更徹底一番教人如土塊『非生人之行而至死人之理』其意蓋謂必撤銷所謂人格者以合乎『無知之物』然後乃與自然相肖換言之則不爲人的生活而爲物的生活更進一步則不爲生活的而爲非生活的而已彼以爲「建己用知」者恃人類主觀的智能其勢必有所窮而且決不能正確故必「棄知去己」尊尙

客觀的「無知之物」，然後其用不匱。此義云何？慎子曰：

「措鈞石，使禹察之，弗能識也。懸於權衡，則釐髮識矣。」

鈞石權衡，皆「無知之物」，而其效力能比聖智之禹尤強，此即「物治主義」之根本精神也。其應用於政治，自然是舍人取法，故慎子又曰：

「有權衡者不可欺以輕重，有尺寸者不可差以長短，有法度者不可巧以詐僞。」

蓋機械觀的論理，勢不能不歸宿到此點也。此與儒家「以己度」之仁恕主義，正成兩極端。而於道家精神則一貫，明乎此義，然後乃知老子所謂「無爲而無不爲」者作何解。夫權衡尺寸固常無爲也，而常無不爲也，如其「人」也，既無爲何以能無不爲？既無不爲何以復謂之無爲耶？吾以爲道法兩家溝通之脈絡全在此，其詳當於記述法家時更言之。

第十章 墨家思想（其一）

墨家唯一之主義曰「兼愛」。孟子曰：「墨子兼愛，摩頂放踵利天下爲之。」此語最能道出墨家全部精神。兼愛之理論奈何？墨子曰：

「聖人以治天下爲事者也，不可不察亂之所自起。當通察亂何自起，起不相愛……子自愛不愛父，故虧父而自利；弟自愛不愛兄，故虧兄而自利；臣自愛不愛君，故虧君而自利……雖父之不慈子，兄之不慈弟，君之不慈臣……皆起不相愛……盜愛其室不愛其異室，故竊異室以利其室；賊愛其身不愛人，故賊人以利其

身……大夫各愛其家，不愛異家，故亂異家以利其家。諸侯各愛其國，不愛異國，故攻異國以利其國。」上兼愛
此言人類種種罪惡，皆起於自私自利，能改易其自私自利之心，則罪惡自滅，改易之道奈何？墨子曰：

「非人者必有以易之，若非人而無以易之……其說將必無可焉，是故子墨子曰：『兼以易別。』……吾本原兼之所生，天下之大利者也；吾本原別之所生，天下之大害者也。以兼爲正，是以聰耳明目，相與視聽乎？是以股肱畢強，相爲動宰乎？而有道肆相教誨，是以老而無妻子者，有所持養以終其壽；幼弱孤童之無父母者，有所放依以長其身……」兼愛下

此種論調，驟視若與儒家無甚異同，其實不然。墨子以「別」與「兼」對，若儒家正彼所斥爲「別士」者也。兼與別之異奈何？儒家專主「以己度」，因愛己身，推而愛他人，因愛己家，推而愛他家，因愛己國，推而愛他國，有「己」則必有「他」，以相對待，己與他之間，總不能不生差別，故有所謂「親親之殺尊賢之等」，有所謂「度量分界」。墨家以此種差別觀念爲罪惡根原，以爲既有己以示「別」於他，一到彼我利害衝突時，則以彼供我犧牲，行將不恤。墨家謂以此言愛，其愛爲不徹底，彼宗之言愛也曰：

「愛人，待周愛人，然後爲愛，不愛人，不待周不愛人，不周愛，因爲不愛人矣。」取小

彼所云愛，以平等周徧爲鵠，差別主義，結果必至有愛有不愛，彼宗以爲此卽「兼相愛」的反面。對於一部分人類，成爲「別相惡」。故曰：「本原別之所生，天下之大害。」然則彼所理想之兼相愛的社會如何？彼之言曰：

「視人之室若其室，誰竊？視人之身若其身，誰賊？視人之家若其家，誰亂？視人之國若其國，誰攻？」兼愛上

兼愛主義之內容大略如此，其陳義不可謂不高，然此遂足以駕儒家而上耶？吾恐不能。彼宗若能將吾身與人

身吾室與人室……相對待之事實根本剷除。則彼所持義當然成立。但果爾爾者。又無待彼之陳義矣。事實上既已有其室且有人之室。有其身且有人之身。而猥曰「視若視若」云云。人類觀念之變易。果若是其易易乎。或難墨子曰：「即善矣。雖然。豈可用哉？」墨子毅然答曰：「用而不可。雖我亦將非之。焉有善而不可用者？」兼愛下墨家論善惡。向來皆以有用無用爲標準。以爲善的範圍與有用的範圍。定相脗合。故其答案堅決如此。然則墨子究以何種理論證明此種兼愛社會之決能實現耶。彼答案甚奇。乃以人類利己心爲前提。其言曰：

『吾不識孝子之爲親度者。亦欲人愛利其親與。意欲人之惡賊其親與。以說觀之。』則同欲人之愛利其親也。然則同吾惡何先從事即乃得此。若我先從事乎愛利人之親。然後人報我以愛利吾親乎。意我先從事乎惡賊人之親。然後人報我以愛利吾親也……大雅之所道曰：「無言而不讎。無德而不報。投我以桃。報之以李。

「此言愛人者必見愛也。而惡人者必見惡也。」兼愛下

此論甚平正。與儒家所言「恕度」殆無異。所異者。儒家專從無所爲而爲的同情心出發。（如孟子言見孺子將入於井一段）墨家專從計較利害心出發耳。此當於次節別論之。今所欲質墨子者。似彼所言之心理狀態。兼耶別耶。假令愛利有實際不能兼施之時——例如凶歲。二老飢欲死。其一吾父。其一一人之父也。墨子得飯一孟。不能「兼」救二老之死。以奉其父耶。以奉一人之父耶。吾意「爲親度」之墨子。亦必先奉其父矣。信如是也。則墨子亦「別士」也。如其不然。而曰吾父與人父等愛耳。無所擇則吾以爲孟子「兼愛無父」之斷案。不爲虐矣。是故吾濟終以墨氏兼愛之言爲「雖善而不可用」。不如儒家「老吾老以及人之老。幼吾幼以及人之幼」之說之能切理而鑒心也。荀子曰：「墨子有見於齊。無見於畸。」天論篇可謂確評。蓋墨家僅見人類平等的一面。而忘

卻其實有差等的一面爲事實上所不能抹殺也。雖然，可用與否，別爲一問題，而兼愛爲人類最高理想，則吾儕固樂與承認也。

墨子以「非攻」爲教義之一種，其義從兼愛直接演出，其時軍國主義漸昌，說者或以爲國際道德與箇人道德不同，爲國家利益起見，用任何惡辣手段皆無所不可。墨子根本反對此說，其言曰：

「今有一人，入人園圃，竊其桃李，衆聞則非之，上爲爲政者得則罰之，此何也？以虧人自利也。至攘人犬豕鷄豚，其不義又甚入人園圃竊桃李，是何故也？以虧人愈多，其不義茲益同益也。甚，罪益厚。至入人闔廄，取人馬牛者，其不仁義又甚攘人犬豕鷄豚，此何故也？以其虧人愈多，苟虧人愈多，其不仁茲甚，罪益厚。至殺不辜人也，拖其衣裘，取戈劍者，其不義又甚入闔廄取人馬牛，此何故也？以其虧人愈多，苟虧人愈多，其不仁茲甚矣。罪益厚。當此天下之君子，皆知而非之，謂之不義，今至大爲攻國，則弗知非，從而譽之，謂之義，此可謂知義與不義之別乎？殺一人者，謂之不義，必有一死罪矣。若以此說往，殺十人，十重不義，必有十死罪矣；殺百人，百重不義，必有百死罪矣。……今有人於此，少見黑曰黑，多見黑曰白，則以此人不知白黑之辯矣。……今小爲非則知而非之，大爲非——攻國，則不知非，從而譽之，此可謂知義與不義之辯乎？」上非攻

此論真足爲近代褊狹的愛國主義當頭一棒，其用嚴密論理層層剖釋，益足以證明此種「畸形愛國論」爲非理性的產物也。

第十一章 墨家思想（其二）

墨家更有一特色焉曰「交利主義」儒家（就中孟子尤甚）以義與利爲極端不相容的兩箇概念。墨家正相反。認兩者爲一。墨經云：

「義利也。」上經

又云：「忠以爲利而強君也。」「孝利親也。」其意謂道德與實利不能相離。利不利卽善不善的標準。若此。吾得名之曰「義利一致觀念」。墨子書中恆以愛利並舉。如「兼相愛交相利」兼愛中下「愛利萬民」兼愛中下「兼而愛之從而利之」兼愛中「衆利之所生從愛人利人生」兼愛中下「愛人者人亦從而愛之利人者人亦從而利之」兼愛中「天必欲人之相愛相利」兼愛中若見愛利國者必以告亦猶愛利國者也」兼愛中下諸如此類。不可枚舉。然則彼所謂利者究作何解耶。吾儕不妨以互訓明之。曰「利義也」。兼相愛卽仁。交相利卽義。義者宜也。宜於人也。曷爲宜於人。以其合於人用也。墨家以爲凡善未有不可用者。故義卽利。惟可用故謂之善。故利卽義。其所謂利者。決非箇人私利之謂。墨子常言：

「中國家百姓萬民之利。」非命上中下

「反中民之利。」非樂上非攻下

可見彼所謂利。實指一社會或人類全體之利益而言。然則彼曷爲不曰「中義」而曰「中利」耶。彼殆以爲非以利定義之範圍。則觀念不能明確。儒家無義戰。墨家非攻。其致一也。然宋輕欲以不利說秦楚罷兵。孟子以爲不可。宋輕固墨者也。墨家以不利故非攻。其言曰：

「所攻者不利。而攻者亦不利。是兩不利也。」義貴

更更爲少喻以明之曰。

「大國之攻小國，譬猶童子之爲馬，童子之爲馬，足用而勞。今大國之攻小國，攻者即所農夫不得耕，婦人不得織以守爲事，攻人者亦農夫不得耕，婦人不得織以攻爲事。」耕柱

以谷語釋之，則「彼此不上算」而已。彼固屢言「大爲攻國」者之「不義」也。何以明其不義？彼以不上算之故，明其不義。大抵凡墨家所謂利，皆含有「兩利」的意思。故曰「交相利」。社會人人交相利，即社會總體之利也。彼曷爲常以利爲教耶？墨子曰：

「忠言相連，又示之以利，是以終身不厭。」節用中

墨經又云：「利，所得而喜也；害，所得而惡也。」彼蓋深察夫人情欲惡之微，而思以此爲之導。質言之，則利用人類「有所爲而爲」之本能，而與儒道兩家之「無所爲而爲」主義，恰相反也。

墨家所謂利之觀念，自然不限於物質的，然不能蔑棄物質以言利，抑甚章章矣。故墨家之政治論，極注重生計問題。其論生計也，以勞力爲唯一之生產要素。其言曰：

「人司其食，獸食其食，鳥食其食，蟲食其食。今之禽獸麋鹿蜚鳥貞蟲，因其羽毛以爲衣裳，因其蹄蚤以爲絢履，因其水草以爲飲食，故唯同使雄不耕稼樹藝，雌亦不紡績織紝，衣食之財固已具矣。今人與此異者也，賴其力者生，不賴其力者不生。君子不强聽治，即刑政亂；賤人不强從事，即財用不足……」非樂上

墨家以爲人類既非勞作不能生存，則人人皆必須以勞作之義務償其生存之權利，而且勞作要極其量。莊子解述之曰：

「墨子稱道曰：昔者禹之湮洪水……通……九州也……禹親自操耒耜……腓無胈，脰無毛，沐甚雨，櫛疾風，置萬國，禹大聖也，而形勞天下如此，使後世之墨者，多以裘褐爲衣，以跣躋爲服，日夜不休，以自苦爲極，曰：『不能如此，非禹之道也，不足謂墨。』」莊子天
下篇

其獎厲勞作之程度，至於『日夜不休，以自苦爲極』，真可謂過量的承當矣。然而墨家並非如許行之流，專重筋肉勞力而屏其他。（現俄國勞農政府之見解即如此）彼承認分業之原則，以爲當

『各從事其所能』節用中 『各因其力所能至而從事焉』孟公

墨子設喻曰：

「譬若築牆然，能築者築，能實壤者實壤，能欣者欣，同然後牆成也。爲義猶是也。能談辯者談辯，能說書者說

書，能從事者從事，然後義事成也。」耕

故彼常言「竭股肱之力，夏同殫其思慮之智」，此與孟子言「或勞心或勞力」正同。不問筋力勞作腦力

勞作，要之凡勞作皆神聖也。只要能喫苦能爲社會服務，皆是禹之道，皆可謂「墨」。惟「貪於飲食惰於從事

」之人，則爲「罷」同不肖，非命墨家所決不容許也。

墨家常計算勞力所生結果之多寡，以審勞力之價值，而判其宜用不宜用，彼有一極要之公例，曰：

「諸加費不加利於民者，聖王弗爲。」節用中

「凡費財勞力不加利者，不爲也。」辭

此義云何，彼舉其例曰：

『衣服適身體和肌膚而足矣。……錦繡文采靡曼之衣。此非云益煖之情也。單同殫盡也。勞力畢歸之於無用也。

『辭過』

其意以爲衣服之用。取煖而已。帛視布不加煖。故製帛事業。卽「加費不加利於民。」其勞力爲枉耗也。就此點論。墨家亦可謂爲「效率主義」或「能率主義」。只要能「加利」。則勞費非所惜。下而機器。上而社會組織等。但使有用於人生。則雖出極重之代價。亦所不辭。反之。若不加利。則雖小勞小費。亦所反對。最不加利者。維何。則箇人或特別階級所用之奢侈品是也。墨家以爲無論何人。其物質的享用。只以能維持生命爲最高限度。（以最低限度爲最高限度）踰此限者。謂之奢侈。奢侈者則爲

『虧奪民衣食之財。』上非樂

彼宗所以特標節用節葬。非樂。非攻。諸教條者。其精神皆根本於此。然則各人勞力所出。除足以維持自己生命外。卽可自逸。耶。墨家於此有最精要之一道德公例焉。曰。

『有餘力以相勞。有餘財以相分。』上何同

此二語。墨子書中屢見不一見。（天志辭過兼愛諸篇皆有）彼所謂「交相利」者。其內容蓋如是。餘力相勞。卽「力惡其不出於身也。不必爲己。」餘財相分。卽「貨惡其棄於地也。不必藏諸己。」就此點論。可謂儒墨一致。墨家此種交利主義。名義上頗易與英美流（就中邊沁一派）之功利主義相混。然有大不同者。彼輩以「一箇人」利益爲立腳點。更進則爲「各箇人」利益之相加而已。（所謂最大多數之最大幸福）墨家全不從一箇人或各箇人著想。其所謂利。屬於人類總體。必各箇人犧牲其私利。然後總體之利乃得見。墨經云。

「任士損己而益所爲也。」上經

「任爲身之所惡以成人之所急。」上經說

「害所得而惡也。」

上見

爲身之所惡，即是對於己身取害不取利，故曰「損己」。何故損己？蓋有所爲，讀去聲何

爲爲人，非爲一人，爲全人也。墨家交利主義，所以能在人生哲學中有重大意義者在此。

墨家與儒家最相反之一點曰「非樂」。非樂者，質言之，則反對娛樂而已。孔子言「智者樂」，言「好之者不

如樂之者」。言「樂以忘憂」。言「不改其樂」。大學言「樂其樂而利其利」。孟子言「君子有三樂」。言「

尊德樂道」。荀子言「美善相樂」。諸如此類，更僕難數。彼宗蓋以爲娛樂之在人生有莫大價值，故禮樂並重。

樂卽所以爲娛樂。戴記中樂記及荀子樂論言之詳矣。墨家宗旨「以自苦爲極」。其非樂論排斥音樂固矣。實

則凡百快樂之具，悉皆「非」之。觀非樂篇發端歷舉「鍾鼓琴瑟竽笙之聲，刻鏤文章之色，芻豢煎炙之味，高

臺厚榭邃野之居」，可見也。然則其「非樂」之理由安在？彼之言曰：

「古者聖王亦嘗厚措斂乎萬民以爲舟車。」

同成矣。

曰：吾將惡許用之？惡許猶言何許言曰：舟用之水，車

用之陸。君子息其足焉，小人休其肩背焉。故萬民出財賄而予之，不敢以爲憾恨者，何也？以其反中去聲民之利

也。然則樂器反中民之利亦若此，卽我弗敢非也。」

上非樂

此言樂器之爲物，「加費不加利於民」，所以可「非」。全篇之意，或言聽樂廢時曠事，或言奏樂勞民耗財，其

大旨皆同歸於此一點。質言之，仍是「上算不上算」之問題而已。吾儕於此發見墨家學說一大缺點焉。彼似

只見人生之一面而不見其他一面，故立義不免矛盾。謂彼賤精神尊物質耶？是決不然。彼固明明爲有最有精

神生活之人，而且常以此導人者也。雖然，其以計算效率法語生活之實際也，則專以物質爲其計算之範圍，如

何而「農夫蚤出暮入耕稼樹藝」以供食。如何而「婦人夙興夜寐紡績織紝」以給衣。非樂如何而「丈夫年二十毋敢不處家女子年十五毋敢不事人」以繁生殖。節用上凡有妨害此等事者舉皆「非」之一。若人所以能生活僅恃此者然。墨子殆萬不得已姑承認人類之有睡眠耳。苟有一線之路可以不承認。恐彼行將「非」之。何也。二十四小時中睡去八小時。則全人類勞作之產品已減其三分之一。「不上算」莫甚焉。彼之非樂論其出發點。正類此也。「勞作能率」之說。在現代已爲科學的證明。故即就上算不上算論。謂廢娛樂可以增加勞作。亦既言之不能成理。老子曰。

「三十輻共一轂。當其無有車之用。埴埴以爲器。當其無有器之用。鑿戶牖以爲室。當其無有室之用。故有之以爲利。無之以爲用。」

墨子之非樂（反對娛樂）是僅見有之之利。而不見無之之用也。是猶築室者以室中空虛之地爲可惜。而必欲更輦飯甕以實之也。故荀子評之曰。

「墨子蔽於實而不知文。」正論篇

蓋極端的實用主義。其蔽必至如是也。程繁亦難墨子曰。

「昔者諸侯倦於聽治。息於鐘鼓之樂。……農夫春耕夏耘秋收冬藏。息於飯缶之樂。今夫子曰。『聖王不爲樂。』此譬之猶馬駕而不稅。弓張而不弛。無乃非有血氣者之所能至耶。」三辯

莊子亦痛論之曰。

「……雖然。歌而非歌。哭而非哭。樂而非樂。是果類乎。其生也勤。其死也薄。其道大觳。使人憂。使人悲。其行難

爲也。恐其不可以爲聖人之道。反天下之心。天下不堪。墨子雖能獨任。奈天下何。離於天下。其去王也遠矣。」

天下篇

莊子此論。可謂最公平最透徹。蓋欲以此爲社會教育上或政治上之軌則。其不可行正與道家「小國寡民」：「云云者同。何也。皆「反天下之心。天下不堪」也。

抑吾儕所不嫌於墨家者。猶不止此。吾儕以爲墨家計算效用之觀念。根本已自不了解人生之爲何。墨家嘗難儒家曰：

「子墨子問於需者曰：『何故爲樂？』曰：『樂以爲樂也。』子墨子曰：『子未我應也。』今我問曰：『何故爲室？』曰：『冬避寒焉。夏避暑焉。室以爲男女之別也。』則子告我爲室之故矣。今我問曰：『何故爲樂？』曰：『樂以爲樂也。』是猶曰：『何故爲室？』曰：『室以爲室也。』」孟公

尊實利主義者。或引此以爲墨優於需之證。謂儒家只會說箇「什麼」。墨家凡事總要問箇「爲什麼」。吾疇昔亦頗喜其說。細而思之。實乃不然。人類生活事項中。固有一小部分可以回答出箇「爲什麼」。者。卻有一大部分回答不出箇「爲什麼」。者。「什麼都不爲」。正人生妙味之所存也。爲娛樂而娛樂。爲勞作而勞作。爲學問而學問。爲慈善而慈善……凡此皆「樂以爲樂」之說也。大抵物質生活——如爲得飽而食。爲得煖而衣。皆可以回答箇「爲什麼」。一若精神生活。則全部皆「不爲什麼」。者也。試還用墨子之例以詰之曰：『何故爲生活？』墨家如用彼「所以爲室」一類之答案。吾敢斷其無一而可。最善之答案。則亦曰：『生以爲生』而已矣。墨家惟無見於此。此其所以「不足爲聖王之道」也。

雖然，墨子固自有其最高之精神生活存，彼固以彼之自由意志力過其物質生活幾至於零度以求完成其精神生活者也。古今中外哲人中，同情心之厚，義務觀念之強，犧牲精神之富，基督而外，墨子而已。善夫莊子之言曰：

「雖然，墨子真天下之好也，將求之不得也，雖枯槁不舍也，才士也夫。」天下篇

第十一章 墨家思想（其三）

墨家政治哲學之根本觀念，略已說明，今當進觀其對於政治組織之見解何如。墨家論社會起原，有極精到之處，而與儒家（荀子）所論微有不同，其言曰：

「古者民始生，未有刑政之時，蓋其語人異義，是以一人則一義，二人則二義，十人則十義，其人茲益，同滋也衆，其所謂義者亦茲衆，是以人是其義，以非人之義，故交相非也。是以內者父子兄弟作怨惡，離散不能相和合，天下之百姓，皆以水火毒藥相虧害，至有餘力不能相勞，腐朽餘財不以相分，隱匿良道不以相教，天下之亂，若禽獸焉。」尚同上

「明乎民之無正長，以一同天下之義，而天下亂也，是故選擇天下賢良聖智辯慧之人，立以為天子，使從事乎一同天下之義。天子既以已立矣，以為唯其耳目之請，畢沅云：請當為情。不能獨一同天下之義，是故選擇贊閱賢良聖知辯慧之人，置以為三公，與從事乎一同天下之義……」尚同中

「三公又以其知力為未足，獨左右天子也，是以分國建諸侯，諸侯又以其知力為未足，獨治其四境之內也。」

是以選擇其次立爲卿之宰，卿之宰又以其知力爲未足，獨左右其君也。是以選擇其次立而爲鄉長家君。」
下同

此與荀子禮論王制諸篇所言略同，而有異者，荀子從物的方面觀察，以爲非組織社會無以劑物之不贍，墨子從心的方面觀察，以爲非組織社會無以齊義之不同。墨子所說與歐洲初期之「民約論」酷相類。民約論雖大成於法之盧梭，實發源於英之霍布士及陸克。彼輩之意，皆以爲人類未建國以前，人人的野蠻自由，漫無限制，不得已乃相聚胥謀，立一首長，此即國家產生之動機也。其說是否正當，自屬別問題，而中國二千年前之墨子，正與彼輩同一見解。墨子言：「明乎天下之亂生於無正長，故選擇賢聖立爲天子，使從事乎一同。」孰明之，自然是人民明，孰選擇之，自然是人民選擇，孰立之孰使之，自然是人民立，人民使，此其義與主張「天生民而立之君」的一派神權起原說，及主張「國之本在家」的一派家族起原說，皆不同。彼以爲國家由人民同意所造成，正與民約論同一立腳點。墨經云：

「君臣萌，通約也。」上經

即是此意。

國家成立後又如何？墨家所主張，殊不能令吾儕滿意。蓋其結果乃流於專制。彼之言曰：

「正長已具，天子發政於天下之百姓，言曰：聞善不善，皆以告其上。上之所是，必皆是之；上之所非，必皆非之。」

上同

「凡國之萬民，上同乎天子而不敢下比，天子之所是，必亦是之；天子之所非，必亦非之。」中同

篇名尙同，尙卽上字。凡以發明「上同於天子」之一義而已。以俗語釋之，則「叫人民都跟著皇帝走」也。就此點論，與霍布士輩所說，真乃不謀而合。霍氏能發明民約原理，卻以爲既成國以後，人人便將固有之自由權拋卻，全聽君主指揮。後此盧梭派之新民約論，所批評修正者，卽在此點。墨家卻純屬霍氏一流論調，而意態之橫厲又過之。彼蓋主張絕對的干涉政治，非惟不許人民行動言論之自由，乃並其意念之自由而干涉之。夫至人人皆以上之所是非爲是非，則人類之個性，雖有存焉者，亦寡矣。此墨家最奇特之結論也。墨家何故信任天子至如此程度耶？彼之言曰：

「天子之視聽也神……非神也。夫唯能使人之耳目助己視聽，使人之心助己思慮，使人之股肱助己動作。」尙同下

然則天子又何故能如此耶？彼宗蓋更有「尙賢」之義在。道家主張「不尙賢使民不爭」，墨家正相反。其言曰：「何以知尙賢爲政之本也？曰：自貴且智者爲政乎？愚且賤者則治。自愚且賤者爲政乎？貴且智者則亂……」尙賢中

「……且夫王公大人……不察其知而以其愛是故不能治百人者，使處乎千人之官，不能治千人者，使處乎萬人之官……夫不能治千人者，使處乎萬人之官，則此官什倍也。夫治之法，將以日治者也。日以治之，日不什修，知以治之，知不什益，而予官什倍，此則治其一而棄其九也……」尙賢中

此論蓋針對當時貴族政治及私律政治而言。其陳義確含真理。若今之中國，真所謂「以愚者爲政於智者」，「不能治千人而使處乎萬人之官」也。墨家以尙賢尙同兩義相結合，其所形成之理想的賢人政治則如下：

「是故里長者里之仁人也。里長發政里之百姓言曰：聞善而同如訓不善，必以告其鄉長。鄉長之所是，必皆是之；鄉長之所非，必皆非之。去若也汝不善言，學鄉長之善言，去若不善行，學鄉長之善行……鄉長惟能壹同鄉之義，是以鄉治也。鄉長者鄉之仁人也。鄉長發政鄉之百姓言曰：聞善而不善，必以告國君。國君之所是，必皆是之；國君之所非，必皆非之……國君惟能壹同國之義，是以國治也。國君者國之仁人也。國君發政國之百姓言曰……天子之所是，必皆是之；天子之所非，必皆非之……天子唯能壹同天下之義，是以天下治也。……」
『上同』

墨家以國君卽一國之仁人，鄉長卽一鄉之仁人，里長卽一里之仁人爲前提，則里人效法里長，乃至國人效法國君，誠爲最宜。問何以能得一國之仁人爲國君，乃至得一里之仁人爲里長，則又以天子卽天下之仁人爲前提。國君以下，皆由此天下之仁人所選擇，而此天下之仁人固能尙賢者也。然則最後之問題，是要問如何方能使天子必爲天下之仁人，以堯舜爲父而有丹朱商均，則『大人世及以爲禮』，必不能常得仁人，至易見矣。故墨子書中絕無主張天子世襲之痕跡。彼言『選擇賢能聖智辯慧者立以爲天子』，則其主張選舉甚明。然由誰選耶？以何法選耶？惜墨子未有以語吾儕。吾儕欲觀其究竟，須更從別方面研究之。

吾儕須知墨子非哲學家，非政治家，而宗教家也。墨子有其極崇高極深刻之信仰焉。曰『天』。其言曰：

「殺一不辜者，必有一不祥；殺不辜者，誰也？則人也。予之不祥者，誰也？則天也。」上同

「順天意者，兼相愛，交相利，必得賞；反天意者，別相惡，交相賊，則得禍。」上同

之所不欲矣。人之所不欲者何也？曰：疾病禍祟是也。」中天志

篇中此類語極多。要而論之，墨家所謂天，與孔老所謂天完全不同。墨家之天，純爲一「人格神」，有意識，有感覺，有情操，有行爲，故名之曰「天志」。其言曰：

「我有天志，譬若輪人之有規，匠人之有矩，以度天下之方圓，曰：中者是也，不中者非也。」上天志

墨家既以天的意志爲衡量一切事物之標準，而極敬虔以事之，因此創爲一種宗教，其性質與基督教最相逼近。其所以能有絕大之犧牲精神者，全恃此。

明乎此義，則其政治上最高組織之從何出，可得而推也。墨家既爲一箇宗教，則所謂「賢良聖智辯慧」之人，惟教主足以當之。教主死後，承襲教主道統者，亦卽天下最仁賢之人。墨家有一極奇異之制度焉。墨子既卒，全國「墨者」中，蓋公立一墨教總統，名曰「鉅子」。莊子天下篇云：

「以鉅子爲聖人，皆願爲之尸，冀得爲其後世，至於今不絕。」

吾儕從先秦著述中，墨家鉅子之名可考見者尙三人（孟勝、田襄子、腹䵍）。蓋其制度與基督教之羅馬法王極相類。所異者，羅馬法王由教會公舉，墨家鉅子則由前任鉅子指定傳授於後任者，又頗似禪宗之傳衣鉢也。春秋去

私由此推之，鉅子卽墨家所公認爲天下最賢能聖智辯慧之人，所謂「立以爲天子」者，宜非此莫屬矣。故墨教若行，其勢且成爲歐洲中世之教會政治，此足爲理想的政治組織耶？是殆不煩言而決矣。

墨家思想之俊偉而深摯，吾儕誠無間然。但對於箇人生活方面，所謂「其道大毅，天下不堪」，此其所短也。對於社會組織方面，必使人以上所是非爲是非，亦其所短也。要而論之，墨家只承認社會，不承認箇人，據彼宗所

見則箇人惟以「組成社會一分子」之資格而存在耳。離卻社會，則其存在更無何等意義。此義也。不能不謂含有一部真理。然彼宗太趨極端，誠有如莊子所謂「爲之太過已之太順」者。天下篇評結果能令箇人全爲社會所吞沒，箇性消盡，千人萬人同鑄一型。此又得爲社會之福矣乎？荀子譏其「有見於齊無見於畸」。上見蓋謂此也。

最後於墨家後學當附論數言。戰國中葉以後，儒墨並稱，其學派傳播之廣可想。其最著者，則有惠施、公孫龍一派。世稱之曰「別墨」。蓋專從知識論方面發展，與政治較爲緣遠。然惠施言「汜愛萬物，天地一體」。見莊子天下篇公孫龍曾與趙惠王、燕昭王論偃兵，是皆能忠於其教者。

次則有宋鉞、尹文一派。宋鉞卽孟子之宋牼。（或亦卽莊子之宋榮子）其欲以「非攻」「不利」之說說秦楚罷兵。孟子嘗與之上下其議論。尹文子有著書，今存。漢書藝文志列諸名家。莊子天下篇以二人合論，則其學派相同可想。蓋皆墨家之流裔也。天下篇云：

「不累於俗，不飾於物，不苟於人，不忮於衆，願天下之安寧以活民命，人我之養，畢足而止……古之道術有在於是者。宋鉞、尹文聞其風而說之……語心之容，命之曰心之行……見侮不辱，救民之鬪，禁攻寢兵，救世之戰，以此周行天下，上說下教，雖天下不取，強聒而不舍者也……雖然，其爲人太多，其自爲太少。曰：請欲固置五升之飯足矣。先生恐不得飽，弟子雖飢，不忘天下……不以身假物，以爲無益於天下者，明之不如已也，以禁攻寢兵爲外，以情欲寡淺爲內……」

觀此則兩人學風及其人格的活動，殆全與墨子同。「非攻寢兵」「雖飢不忘天下」此其最顯著者矣。「無

益於天下者，則以爲明之不如已。『此亦實用主義之一徵也。內中宋鉞之特別功績，則在其能使墨家學說得有主觀的新生命。荀子嘗記其言曰：

『子宋子曰：明見侮之不辱，使人不鬪。人皆以見侮爲辱，故鬪也。知見侮之爲不辱，則不鬪矣。』

子宋子曰：人之情欲寡，而皆以己之情爲欲多，是過也。故率其羣徒，辨其談說，明其譬稱，將使人知情之欲寡也。』正論篇

墨家固常勸人勿鬪，然大率言鬪之兩不利，是屬客觀計較之論也。宋子推原人何以有鬪，皆因以見侮爲辱而起。故極力陳說見侮之並不足爲辱，使之釋然。此以理性的解剖改變人之心理作用，以塞鬪之源也。墨家教人以自苦爲極，是純以義務觀念相繩而已。宋子則以爲人之性本來不欲多得而欲寡得，然則『五升之飯不得飽』，『適如我所欲，非苦也而樂矣』。此又以理性的解剖改變人之心理作用，使共安於『人我之養畢足而止』也。莊子稱之曰：『語心之容，命之曰心之行。』謂其專就人之心理狀態立論，而一切實踐道德，皆指爲內心所表現之行爲也。蓋墨家唯物論色彩太重，宋子宗其說而加以唯心論的修正。墨家以社會吞滅箇性，宋子則將被吞之箇性，從新提掇出來，作社會基礎。故天下篇以彼爲崛起於墨翟禽滑釐之外，而別樹一宗也。尹文子則墨法兩家溝通之樞紐，其詳當於次節論之。

第十三章 法家思想（其一）

法家成爲一有系統之學派，爲時甚晚。蓋自慎到尹文韓非以後，然法治主義，則起原甚早。管仲子產時確已萌

其學理上之根據。則儒道墨三家皆各有一部分爲之先導。今欲知其概要。當先述「法」字之意義。說文云。

「灋。刑也。平之如水。从水。廌所以觸不直者去之。从廌去。」

刑卽型字。謂模型也。故於「型」字下云。「鑄器之法也。」「式」字「范」字「模」字下皆云。「法也。」型爲鑄器模範。法爲行爲模範。灋含有平直兩意。卽其模範之標準也。儒家之言曰。

「是以明於天之道而察於民之故。遂興神物以前民用。一闔一闢謂之變。往來不窮謂之通。見乃謂之象。形乃謂之器。制而用之謂之法。」易繫辭傳

所謂法者。純屬「自然法則」的意義。法之本源。在「天之道與民之故」。此道與故表見出來者謂之象。象成爲具體的則謂之器。模倣此象此器制出一種應用法則來謂之法。實卽「有物有則」之義也。道家之言曰。

「人法地。地法天。天法道。道法自然。」老子

亦謂以自然爲人之模範也。墨家之言曰。

「法。所若而然也。」墨子經上

若。如也。順也。所若而然。以俗語釋之。則「順著如此做便對」也。彼宗又云。

「效也者。爲之法也。所效者。所以爲之法也。故中效。則是也。不中效。則非也。」墨子小取

此卽釋「所若而然」之義。凡此所述。皆爲廣義的法。質言之。卽以自然法爲標準。以示人行爲之模範也。法家所謂法。當然以此爲根本觀念。自不待言。故曰。

刑與刑爲兩字。說文云「刑到也」。以刎頸爲訓。與法字殊義。

「根天地之氣，寒暑之和，水土之性，人民鳥獸草木之生，物雖不甚多，皆均有焉而未嘗變也，謂之則，義也，名也，時也，似也，類也，比也，狀也，謂之象，尺寸也，繩墨也，規矩也，衡石也，斗斛也，角量也，謂之法，漸也，順也，靡也，久也，服也，習也，謂之化。」管子七法篇

亦有從「法」之一觀念而更析其類者，如尹文子云：

「法有四呈：一曰不變之法，君臣上下是也；二曰齊俗之法，能鄙同異是也；三曰治衆之法，慶賞刑罰是也；四曰平準之法，律度權衡是也。」

法家所謂法，以此文之第一二四種爲體，而以其第三種爲用，是爲狹義的法。彼宗下其定義曰：

「法者，憲令著於官府，刑罰必於民心，賞存乎慎法，而罰加乎姦令者也。」韓非子定法篇

「法者，編著之圖籍，設之於官府，而布之於百姓者也。」韓非子難三篇

由此觀之，此種狹義的法，須用成文的公布出來，而以國家制裁力盾乎其後。法家所謂法之概念蓋如此。法家者，儒道墨三家之末流嬗變匯合而成者也。其所受於儒家者何耶？儒家言正名定分，欲使名分爲具體的表現，勢必以禮數區別之。故荀子曰：

「禮，法之大分也。」不苟篇

又曰：

「禮者，人主之所以爲羣臣寸尺尋丈檢式也。」儒效篇

以此言禮，實幾與狹義之法無甚差別。彼又言：「法後王者，法其法。」夫彼固以法後王爲教者也。故荀子之學，

尹文與宋鉞同學風。據莊子天下篇所說，則其人殆一「墨者」也。而其論治術亦歸本於任法。蓋尙同論之結果，必至如是也。

漢書藝文志別名家於法家，而以尹文列焉。實則名與法蓋不可離。故李悝法經、蕭何漢律，皆著名篇。而後世言法者亦號「刑名」。尹文子論名與法之關係，最爲深至。其言曰：

「名者，名形者也。形者，應名者也。……萬物具存，不以名正之，則亂。萬名具列，不以形應之，則乖。……善名命善，惡名命惡。……聖賢仁智，命善者也。頑闇凶愚，命惡者也。……使善惡畫然有分，雖未能盡物之實，猶不患其差也。……名稱者何？彼此而檢虛實者也。自古及今，莫不用此而得用彼而失。失者由名分混，得者由名分察。今親賢而疏不肖，賞善而罰惡，賢不肖善惡之名宜在彼，親疏賞罰之稱宜屬我。……名宜屬彼，分宜屬我。我愛白而憎黑，韻商而舍徵，好臠而惡焦，嗜甘而逆苦，白黑商徵臠焦甘苦，彼之名也。愛憎韻舍好惡嗜逆，我之分也。定此名分，則萬事不亂也。故人以度審長短，以量受少多，以衡平輕重，以律均清濁，以名稱虛實，以法定治亂，以簡治煩惑，以易御險難，萬事皆歸於一，百度皆準於法，歸一者簡之至，準法者易之極。如此，頑闇聾瞽可與察慧聰智同其治也。」

此蓋合儒家所謂「名正則言順，言順則事成」，墨家所謂「中效則是不中效則非」之義，而歸宿於以與律度量衡同性質之「法」，整齊之而使歸簡易，則聾瞽可以與聰察同治，而道家「無爲」之理想乃實現。此卽法家應用儒道墨之哲理以成其學也。

第十四章 法家思想(其二)

當時所謂法家者流中，尚有兩派與法治主義極易相混而實大不同者。一曰「術治主義」，二曰「勢治主義」。

「法」與「術」在當時蓋為相反之兩名詞。故韓非子定法篇云：「申不害言術，而公孫鞅為法。」然則法與術之別奈何？韓非子曰：

「術也者，主之所以執也。法也者，官之所以師也。」說疑篇

尹文子謂「法不足以治，則用術」。其下「術」之定義謂：

「術者，人君之所密用，羣下不可妄窺。」

然則術治主義者，其作用全在祕密，與「編著諸圖籍布之於百姓」之公開而畫一的「法」，其性質極不相容。定法篇語其概曰：「申不害，韓昭侯之佐也。韓者，晉之別國也。晉之故法未息，而韓之新法又生。先君之令未收，而後君之令又下。申不害不擅其法，不一其憲令……雖用術於上，法不勤飾於官……」由此觀之，申子一派，殆如歐洲中世米奇維里輩，主張用陰謀以為操縱，戰國時縱橫家所最樂道，亦時主所最樂聞也。而其說實為法家正面之敵。法家所主張者在：

米奇維里 Michiavelli 1469 生 1527 死 意大利人，著有「君主政治論」一書。歐洲人以爲近世初期一名著也。其書言內治外交皆須用權術。十八九世紀之政治家多視爲枕中鴻秘。

『奉公法廢私術』

韓非子
有度篇

『任法而不任智』

管子
法篇

故曰

『有道之君善明設法而不以私防者也。而無道之君既已設法則舍法而行其私者也……爲人君者棄法

而好行私謂之亂』

管子
臣篇

由是觀之術蓋爲法家所最惡而法家所倡道者實於好作聰明之君主最不便此所以商鞅吳起雖能致國於盛強而身終爲僇也

術治主義者亦人治主義之一種也勢治主義其反對人治之點與法治派同而所以易之者有異慎子蓋兼主勢治之人也其言曰

『堯爲匹夫不能治三人而桀爲天子能亂天下吾以此知勢位之足恃而賢智之不足慕也』

韓非子
勢篇引

韓非子駁之曰

『夫勢者非能必使賢者用己而不肖者不用己也賢者用之則天下治不肖者用之則天下亂人之情性賢者寡而不肖者衆而以威勢濟亂世之不肖人則是以勢亂天下者多矣以勢治天下者寡矣……夫勢者名一而變無數者也勢必於自然則無爲言於勢矣……今日堯舜得勢而治桀紂得勢而亂吾非以堯舜爲不然也雖然非一人之所得設也夫堯舜生而在上位雖有十桀紂不能亂者則勢治也桀紂亦生而在上位雖有十堯舜而亦不能治者則勢亂也……此自然之勢也非人之所得設也若吾之言謂人之所得設也』

韓非子

淺見者流，見法治者之以干涉爲職志也，謂所憑藉者政府權威耳，則以與勢治混爲一談，韓非此論，辨析最爲謹嚴。蓋勢治者正專制行爲，而法治則專制之反面也。勢治者自然的惰性之產物，法治則人爲的努力所創造，故彼非人所得設，而此則人所得設也，是法與勢之異也。

法家非徒反對暴主之用術恃勢而已，即明主之勸民任智，亦反對之。彼宗蓋根本不取人治主義，初不問其人之爲何等也。尹文子曰：

「田子^田讀書曰：堯時太平，宋子^宋曰：聖人之治以致此乎？彭蒙在側，越次而答曰：聖法之治以致此，非聖人之治也。宋子曰：聖人與聖法何以異？彭蒙曰：子之亂名甚矣。聖人者，自己出也，聖法者，自理出也，理出於己，己非理也，己能出理，理非己也，故聖人之治，獨治者也，聖法之治，則無不治矣。」

此以嚴密論理法剖析人治法治兩觀念根本不同之處，可謂犀利無倫。然則曷言乎「聖法之治則無不治」耶？彼宗之言曰：

「若使遭賢則治，遭愚則亂，則治亂續於賢愚，不係於禮樂，是聖人之術，與聖主而俱沒。治世之法，逮易世而莫用，則亂多而治寡……」^{尹文子}

又曰：

「且夫堯舜桀紂，千世而一出……中者上不及堯舜，而下者亦不爲桀紂，抱法則治，背法則亂，背法而待堯舜，堯舜至乃治，是千世亂而一治也；抱法而待桀紂，桀紂至乃亂，是千世治而一亂也。」^{韓非子}

此皆對於賢人政治徹底的攻擊。以爲「人存政舉人亡政息」決不是長治久安之計。其言可謂博深切明。他宗難之曰：

「羿之法非亡也。而羿不世中。禹之法猶存。而夏不世王。故法不能獨立。類不能自行。得其人則存。失其人則亡。……有君子則法雖省。足以徧矣。無君子則法雖具。失先後之施。不能應事之變。足以亂矣。」荀子君道篇

蓋謂雖有良法。不得人而用之。亦屬無效也。彼宗釋之曰：

「夫曰「良馬固車。臧獲御之。則爲人笑。王良御之。則日取乎千里。」吾不以爲然。夫待越人之善海游者。以救中國之溺人。越人善游矣。而溺者不濟矣。夫待古之王良。以馭今之馬。亦猶越人救溺之說也。不可亦明矣。夫良馬固車。五十里而一置。使中手御之。追速致遠。可以及也。而千里可日致也。何必待古之王良乎。且御非使王良也。則必使臧獲敗之。治非使堯舜也。則必使桀紂亂之。……此則積辯累辭。離理失實。兩未之議也。」

韓非子
離勢篇

此論大意。蓋謂人無必得之券。則國無必治之符。政權無論何時。總有人把持。希望賢人政治者。不遇賢人。政權便落不肖者之手。天下事去矣。法治。則中材可守。能使「頑聾瞽瞍與察慧聰智者同其治。」所以可貴。法家之難「人治。」猶不止此。彼又以效程之多寡。及可恃不可恃爲論據。其言曰：

「言行者。以功用爲之的。數者也。夫砥礪殺矢。而以妄發。其端未嘗不中秋毫也。然而不可謂善射者。無常儀也。設五寸之的。引十步之遠。非羿逢蒙不能必中者。有常也。故有常。則羿逢蒙以五寸的爲功。無常。則以妄發之中。秋毫爲拙。」韓非子
問勢篇

又曰。

「先王懸權衡，立尺寸，而至今法之，其分明也。夫釋權衡而斷輕重，廢尺寸而斷長短，雖察商賈不用，爲其不必也……不以法論智能，賢不肖者唯堯，而世不盡爲堯，是故先王知自議譽私之不可任也，故立法明分，中程者賞之，毀公者誅之。」商君書修權篇

其意謂人治主義，不得人固然根本破壞，即得人亦難遽認爲成立，因爲「聖主當陽」全屬天幸，偶然的事實，不能作爲學理標準。學理標準是要含必然性的。（法家標準是否有必然性？又另一問題，次章更論之。）

法家之難「人治」，猶不止此，彼直謂雖天幸遇有賢人，仍不足以爲治，其言曰：

「釋法術而心治，堯不能正一國，去規矩而妄意度，奚仲不能成一輪……使中主守法術，拙匠守規矩尺寸，則萬不失矣。」韓非子用人篇

又曰。

「雖有巧目利手，不如拙規矩之正方圓也。故巧者能生規矩，不能廢規矩而正方圓；雖聖人能生法，不能廢法而治國。」管子法法篇

法家書中此類語，不可枚舉。讀此可知彼宗與儒家立腳點不同之處。儒家言「規矩，方圓之至也。聖人，人倫之至也。」孟子離婁儒家尊人的標準，故以聖人喻規矩。法家尊物的標準，故以法喻規矩。其意謂非無賢人之爲患，即有賢亦不足貴也。彼宗又言曰：

「君之智未必最賢於衆也，以未最賢而欲善盡被下，則下不瞻矣。若君之智最賢，以一君而盡瞻下，則勞勞。」

則有倦。倦則衰。衰則復返於人。不贍之道也。」慎子佚文

此言君主不宜任智之理。最爲透明。現代法治國元首。不負責任。理論亦半同於此。

法家之難「人治」猶不止此。彼宗猶有最極端之一派。根本反對「尚賢」。其言曰。

「今上論材能智慧而任之。則知慧之人。希主好惡。使官制物以適主心。是以官無常。國亂而不壹。」商君書農戰篇

此言以尚賢爲治。則將獎勵人之飾僞以徼幸。其故何耶。彼宗以爲。

「君人者舍法而以身治。則誅賞予奪從君心出……」慎子佚文

從君心出。則人將揣摩君心以售其私。此其爲道甚危。然則所以救之者如何。彼宗之言曰。

「使法擇人。不自舉也。使法量功。不自度也。」管子明法篇

故如法家所主張。其極非至於如後世之糊名考試抽籤補官不可。蓋必如此然後可免於「誅賞予奪由君心出」也。

難者曰。法之權威如此其大。萬一所立法不善。則將如何。彼宗釋之曰。

「法雖不善。猶愈於無法。所以一人心也。夫投鉤以分財。投策以分馬。非鉤策爲均也。使得美者不知所以美。

得惡者不知所以惡。所以塞願望也。」慎子佚文

質言之。則將一切主觀的標準舍去。專恃客觀的標準以「一人心」。其標準之良不良。在彼宗乃視爲第二問題。故其言曰。

「因也者。舍己而以物爲法也。」管子心術上篇

「以物爲法。」乃可以「無建己之患，無用知之累。」是故法治主義者，其實則物治主義也。老子曰：「善者因之。」彼宗以此爲「因」之極，則謂必如此，乃可以「無爲。」故曰：

「名定則物不競，分明則私不行，物不競非無心，由名定故無所措其心，私不行非無欲，由分明故無所措其欲。然則心欲人人有之，而得同於無心無欲者，制之有道也。」尹文子

彼宗以爲欲使道家無私無欲之理論現於實際，舍任法末由，故法家實卽以道家之人生觀爲其人生觀。太史公以老莊申韓合傳，殆有見乎此也。

第十五章 法家思想（其三）

法家論國家起原，與儒家之家族起原說、墨家之民約起原說皆有別。彼宗蓋主張「權力起原說」也。其言曰：

「古者未有君臣上下之別，未有夫婦妃匹之合，獸處羣居，以力相征，於是智者詐愚，强者凌弱，老幼孤弱，不得其所。故智者假衆力以禁強虐而暴人止。」管子 臣篇

法家主義純以人類性惡爲前提。彼之言曰：「人故相憎也，人之心悍，故爲之法。」管子 權言篇然則以同情心相結合之組織，殆爲彼宗所否認。雖然，其否認亦非絕對，不過視爲未有國家以前之狀態。換言之，則彼宗謂不能恃同情心以組織國家云爾。故其言曰：

「天地設而民生之，當此之時，民知其母而不知其父，其道親親而愛私，親親則別，愛私則險。民生衆而以別險爲務，則有亂。當此之時，民務勝而力征，務勝則爭，力征則訟，訟而無正，則莫得其性也。故賢者立中，設無私，

而民日仁。當此時也。親親廢。上賢立矣。凡仁者以愛利爲道。而賢者以相出爲務。案相出者謂才智臨駕別人民衆而無制。久而相出爲道。則有亂。故聖人承之。作爲土地貨財男女之分。分定而無制。不可。故立禁。禁而莫之司。不可。故立官。官設而莫之一。不可。故立君。既立其君。則上賢廢而貴貴立矣。商君書開塞篇

據近世社會學者所考證。凡國家成立。大率分爲三階段。第一階段。以血統相繫屬。社會組織力。則恃親親也。在此種社會中。純由族中長老爲政。其子弟不過附屬品而已。然羣中事變日積。或對內或對外有重大問題發生。非年富力強且有特別技能之人。不勝其任。則衆共以諉之。於是社會組織力。漸移於上賢。社會益廓。事變益滋。以賢（包智力在內）相競者日衆。而無一定衡量之標準。則惟有將權力變爲權利。立一尊以統飭之。於是社會組織力。漸移於貴貴。商君書此段所論。似最得其真相矣。

彼宗以爲社會情狀既有變遷。則所以應之者。自不得不異其術。儒家所主張「行仁政」。所謂「民之父母」。彼宗謂是以第一階段之理論。適用於第三階段也。謂國家性質與家族全異。君主性質與父母全異。故反對之。其言曰。

「今上下之接。無父子之澤。而欲以行義禁下。則交必有鄰矣。且父母之於子也。產男則相賀。產女則殺之。此俱出父母之懷。然男子受賀。女子殺之者。慮其後便計之長利也。故父母之於子也。猶用計算之心以相待也。而況無父子之澤乎？」韓非子六反篇

彼所言「父子猶以計算之心相待」。以此爲推論之出發點。其偏宕自不待言。但其將人性黑關方面。盡情揭破。固不得不謂爲徹底沈痛之論也。彼宗此種推論之結果。故對於儒家——如孟子之流者。以仁義說時主。明

加攻擊其言曰。

『今學者之說人主也。皆去求利之心。出相愛之道。是求人主之過於父母之親也。此不熟於論恩。詐而誣也。』

『上同』

彼宗不徒謂仁政之迂而難行也。且根本斥其不可。其言曰。

『明主之治國也。使民以法禁而不以廉止。母之愛子也倍父。父令之行於子者十母。吏之於民無愛。令之行於民也萬父母。父母積愛而令窮。吏用威嚴而民聽從。』上同

然則令行民從者。將以快人主之意耶。是又不然。彼續言曰。

『今家人之治產也。相忍以飢寒。相強以勞苦。雖犯軍旅之難。饑饉之患。溫衣美食者必是家也。相憐以衣食。相惠以佚樂。天饑歲荒。嫁妻賣子者。必是家也。故法之爲道。前苦而後樂。仁之爲道。偷樂而後窮。聖人權其輕重。出其大利。故用法之相忍。而棄仁之相憐也。』上同

又云。

『慈母之於弱子也。愛不可爲前。然而弱子有僻行使之隨師。有惡病使之事醫。不隨師則陷於刑。不事醫則疑於死。慈母雖愛。無益於振刑救死。則存子者非愛也。母不能以愛存家。君安能以愛持國。』韓非子八說篇

此種議論。確含有一部分真理。此理在春秋時已多能言之者。國語記公父文伯之母言曰。『夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠土之民莫不嚮義。勞也。』魯語下左傳記子產臨終戒子太叔之言曰。『唯有德者能以寬服民。其次莫如猛。夫火烈。民望而畏之。故鮮死焉。水懦弱。民狎而翫之。

則多死焉。」昭二此類語，確能深察人性之微，抉其缺點而對治之。孔子答子路問政曰：「勞之。」又曰：「愛之能勿勞乎？」即是此意。法家專從此點發揮以張其軍，對於孟子一派之「保姆政策」根本反對。（孟子言無可議已見第七章茲不更論）其意蓋欲矯正人民倚賴政府之根性，使之受磨鍊以求自立，不可謂非救時良藥也。

彼宗大都持性惡之說，又注意物質的關係，其所以重法，凡以弭爭也。其言爭之所由起，立論最尅實。曰：

「古者丈夫不耕，草木之實足食也；婦人不織，禽獸之皮足衣也。不事力而養足，人民少而財有餘，故民不爭。……今人有五子不爲多，子又有五子，大父未死而有二十五孫，是以人民衆而貨財寡，事力勞而供養薄，故民爭。……故饑歲之春，幼弟不饑；穰歲之秋，疏客必食，非疏骨肉，愛過客也。多少之心異也，是以古之易財，非仁也；財多也，今之爭奪，非鄙也；財寡也。」韓非子 五蠹篇

此可謂最平恕且最徹底之論。彼宗既認爭奪爲人類所不能免，認多數人爲環境所迫，實際上已生活於罪惡之中，謂政治之目的，在對治多數陷溺之人，使免於罪戾，並非爲少數良善者而設。故其言曰：

「夫聖人之治國，不恃人之爲吾善也，而用其不得爲非也；恃人之爲吾善也，境內不什數；用人不得爲非，一國可使齊，爲治者用衆而舍寡，故不務德而務法。夫必恃自直之木，百世無矢；恃自圓之木，千世無輪矣。……然而世皆乘車射禽者，隱括之道用也。雖有……自直之箭，自圓之木，良工弗貴也；何則？乘者非一人，射者非一發也。不恃賞罰而恃自善之民，明主弗貴也。何則？國法不可失，而所治非一人也。故有術之君，不隨適然之善而行必然之道。」韓非子 顯學篇

後儒動訶法家爲刻薄寡恩，其實不然。彼宗常言：

『不爲愛民虧其法，法愛於民。』管子法法篇

以形式論，彼輩常保持嚴冷的面目，誠若純爲秋霜肅殺之氣，以精神論，彼輩固懷抱一腔熱血，如子產鑄刑書時所謂『吾以救世』者，看前論第七章故孔子稱管仲曰：『如其仁，如其仁。』稱子產曰：『古之遺愛。』而後世宗尙法家言之諸葛亮亦謂『示之以法，法行則知恩』也。

法治與術治勢治之異，前既言之矣，故法家根本精神，在認法律爲絕對的神聖，不許政府動輒法律範圍以外，故曰：

『明君置法以自治，立儀以自正也……禁勝於身，則令行於民。』管子法法篇

又曰：

『不爲君欲變其令，令尊於君。』同上

就此點論，可謂與近代所謂君主立憲政體者精神一致，然則彼宗有何保障，能使法律不爲「君欲」所搖動耶？最可惜者，彼宗不能有滿意之答覆，以餉吾儕。雖然，彼宗固已苦心擘畫，求出一較有力的保障焉，曰：使人民法律智識普及，其辦法如下：

『公秦孝公問公孫鞅商曰：法令以當時立之者，明且欲使天下之吏民皆明知而用之，如一而無私，奈何？公孫

鞅曰：爲法令置官吏，樸足以知法令之謂者，法令之謂猶言「法」，令講的是什麼。以爲天下正……諸官吏及民有問法令之所

謂也，於主法令之吏，皆各以其政所欲問之法令明告之，各爲尺六寸之符，明書年、月、日、時，所問法令之名，以告吏民，主法令之吏不告及之罪，而法令之所謂也。案此句當有訛脫皆以吏民之所問法令之罪，各罪主法令之吏。

……故天下之吏民無不知法者，吏明知民知法令也，故吏不敢以非法遇民……此所生於法明白易知而必行」。商君書定分篇

歐洲之法律公開，率皆經人民幾許流血僅乃得之。我國法家對於此一點，其主張如此誠懇而堅決，且用種種手段以求法律智識普及於一般人民，真可謂能正其本，能貫徹主義之精神也已。

第十六章 法家思想（其四）

法家起戰國中葉，逮其末葉而大成。以道家之人生觀為後盾，而參用儒墨兩家正名覈實之旨，成為一種有系統的政治學說。秦人用之以成統一之業，漢承秦規，得有四百年秩序的發展。蓋漢代政治家蕭何、曹參、政論家賈誼、晁錯等，皆用其道以規畫天下。及其末流，諸葛亮以偏安艱難之局，猶能使「吏不容奸，人懷自厲」。三國志諸葛亮傳陳壽評語：其得力亦多出法家。信哉卓然成一家之言，直至今日，其精神之一部分，尚可以適用也。雖然，此果足為政治論之正則乎？則更有說。

法家最大缺點，在立法權不能正本清源。彼宗固力言君主當「置法以自治，立儀以自正」，力言人君「棄法而好行私，謂之亂」。然問法何自出？誰實制之？則仍曰君主而已。夫法之立與廢，不過一事實中之兩面。立法權在何人，則廢法權即在其人。此理論上當然之結果也。漢時酷吏杜周，逢迎時主之意，枉法陷人，有規責之者，周答曰：

「三尺安出哉？」案「三尺」謂法也。孟康注云：「前主所是著為律，後主所是疏為令，當時為是，何古之法乎？」漢書杜周傳

此言之不可爲訓，固無待言。雖然，法家固言曰：『前世不同教，何古之法？帝王不相襲，何禮之循？』商君書更法篇述商鞅語夫前主之立一法，必其對於彼以前之法有所廢也。廢之者誰？即人主也。前主人主，後主亦人主，則曷爲其不可以更有廢也？然則杜周正乃宗法家言以爲言也。夫人主而可以自由廢法立法，則彼宗所謂『抱法以待』，則千世治而一世亂者，其說固根本不能成立矣。就此點論，欲法治主義言之成理，最少亦須有如現代所謂立憲政體者以盾其後，而惜乎彼宗之未計及此也。彼宗固自言之矣，曰：

『國皆有法，而無使法必行之法。』管子七法篇

『使法必行之法』，在民本的國家之下，能否有之，且未可定。在君權的國家之下，則斷無術以解決此問題。夫無監督機關，君主可以自由廢法而不肯廢法，則其人必堯舜也。夫待堯舜而法乃存，則仍是人治非法治也。彼宗動以衡量尺寸比法，謂以法量度人，如尺之量度布帛，衡之量度土石，殊不知布帛土石死物也。一成而不變者也。故亦以一成不變之死物如衡尺者以量度焉，斯足矣。人則活物也，自由意志之發動，日新而無朕，欲專恃一客觀的『物準』以窮其態，此必不可得之數也。荀子曰：

『法而不議，則法之所不至者必廢。』王制篇

一尺可以盡萬物之長短，一衡可以盡萬物之輕重，人心之輕重長短，試問幾許之法而始能以盡之耶？法雖如牛毛，而終必有『法之所不至者』。『自然之數也，恃法以爲治，則法所不至之部分，或聽人民自由行動，或由官吏上下其手，二者皆所謂『廢』也。而天下事理，恐爲法所不至者轉多於爲法所至者，則舉者一二而廢者八

九也。然則彼宗所謂『萬事皆歸於一，百度皆準於法』者，亦空想之言而已矣。

『法而不議』實彼宗一重要信條。故曰：『令出自上而論可與不可者在下，是威下繫於民也。』管子重儒家

孔孟本不重法，故無聽民議法之明文。然恆言『民之所好好之，民之所惡惡之』，則明明以民意為政治標準也。荀子固微帶法治色彩者，則殊不取彼宗『不議』之說。其言曰：

『法而議……百事無過……其有法者以法行，無法者以類舉。』王制篇

又曰：

『隆禮至法則國有常……』纂論王先謙曰：爾雅釋詁：纂，繼也。公察則民不疑。『君道篇』

荀子之意，以為欲法之能行，必須人民了解立法之意，無所疑惑，則非使人民對於所應守之禮與法繼續討論，公開審察焉不可。如是則可以『無過』。雖法所不至之處，亦可以『類舉』而得標準，曷為能以類舉耶？如吾

前文所引荀子之言，看第三章曰：

『以人度人，以情度情，以類度類。』非相篇

孟子亦言：

『權然後知輕重，度然後知長短，物皆然，心為甚。王請度之。』梁惠王下

天下事理，宜有標準以量度之。吾儕所承認也。然量物與量人，決不能混為一談。『物準』可以量物，量人則不能以物準而惟當以『心準』。儒家繫矩之道，所謂『所惡於上，無以使下……』云云者，全以如心之恕為標準。其矩則『心矩』也。物矩固可以一指定焉，而不容異議。心矩則非『纂論公察』焉不可也。

彼宗最大目的，在『不隨適然之善而行必然之道』。此誤用自然界之理法以解人事也。『必然』云者，謂有一成不變之因果律以爲之支配，吾儕可以預料其將來，持左券以責後效，如一加一必爲二，輕養二合必爲水也。夫有『必然』則無自由，有自由則無『必然』，兩者不並立也。物理爲『必然法則』之領土，人生爲自由意志之領土，求『必然』於人生，蓋不可得，得之則戕人生亦甚矣。此義固非唯物觀之法家所能夢見也。法家之論治也，頗有似今日軍閥官僚反對民治主義者之所云。今語軍閥官僚以民治，彼輩輒曰『國民程度不足』。蓋法家之言亦曰：

『民智之不可用也，猶嬰兒之心也。夫嬰兒不剔首則腹痛……剔首……必一人抱之，慈母治之，猶啼呼不止。嬰兒子不知犯其所小苦，致其所大利也。』韓非子顯學篇

此其言曷嘗不含一而真理。雖然，民果皆嬰兒乎？果常嬰兒乎？使民果皆嬰兒也，須知人類不甚相遠，同時代同環境之人尤不能相遠。民既嬰兒，則爲民立法之人亦嬰兒，何以見彼嬰兒之智必有以愈於此嬰兒？彼立法而此不容議也，使民果常嬰兒也，則政治之用可謂全虛。彼宗立喻，謂嬰兒『不知犯苦以致利』，故有賴其母，母之所以『利』此子者，豈不曰致之於成人乎哉？使永爲嬰兒，亦奚貴乎有母？彼宗抑曾思械嬰兒之足勿使學步者，此兒雖成人亦將不能行，鉗嬰兒之口勿使出話者，此兒雖成人亦將不能語也。要而論之，彼宗以治者與被治者爲畫然不同類之兩階級，謂治者具有高等人格，被治者具有劣等人格。（從性惡立論而並不貫徹）殊不知良政治之實現，乃在全人類各箇人格之交感共動互發而駢進，故治者同時即被治者，被治者同時即治者，而慈母嬰兒實非確喻也。此中消息，惟儒家能窺見，而法家則失之遠矣。

法家之以權衡尺寸喻法而以被量度之物喻被治之人也。彼忘卻被量度之物不能自動而被治之人能自動也。使吾儕方以尺量布而其布忽能自伸自縮則吾尺將無所施。夫人正猶是也。故儒家難之曰：

「合符節別契券者所以爲信也……誕詐之人乘是而後欺。探籌投鈎者所以爲公也……乘是而後偏。衡石稱縣懸同者所以爲平也……乘是而後險……故械數者治之流也。非治之原也……官人守數。君子養原。

原清則流清。原濁則流濁……」荀子君道篇

又曰：

「法令者治之具。而非制治清濁之源也。」漢書董仲舒傳

此將彼宗之「機械主義」辭而闢之。可謂一語破的。法家等人於機械故謂以「械數」的法馭之。則如物之無遁形。曾不思人固與物異其情也。束縛而馳驟之。則馭之於「免而無恥」而已。故荀子又曰：

「法不能獨立。類不能自行。得其人則存。失其人則亡。」君道篇

又曰：

「有良法而亂者有之矣。有君子而亂者自古及今未嘗聞也。」王制篇

此正以人治之矛陷法治之盾也。而吾儕則以其說爲至當而不可易也。如曰不然。試看有約法之中華民國。其政象何如。藉曰約法不良。則試揣度制定最良之憲法後。其政象又何如。政治習慣不養成。政治道德不確立。雖有冠冕世界之良憲法。猶廢紙也。此非所謂「法不能獨立」「有良法而亂」者耶。故吾儕若作極端究竟談。仍歸結於荀子所謂

『有治人無治法』

勉爲中庸之說，則亦不過如孟子所謂

『徒善不足以爲政，徒法不能以自行』

而彼宗所謂『以法治國則舉而措之而已』者，稍有常識，當知其不然矣。

不特此也，就令人人不作弊於法之中，人人能奉法爲神聖，以相檢制，而其去治道也猶遠。蓋法治最高成績，不外『齊一其民』，不外『壹同天下之義』，其結果則如陶之治埴，千器萬器，同肖一型，箇人之箇性，爲國家吞滅淨盡，如謂國家爲死物也，則更何說？若承認國家爲一生機體，而謂組成機體之分子可以剝奪其箇性而無損於機體生存之活力，吾未之前聞。法家言最大之流毒，實在此一點。儒家惟有見於此，故其政治目的，在

『能盡人之性』中庸

在使

『人人有士君子之行』春秋繁露
俞序篇

在使

『經正則庶民興，庶民興，斯無邪慝矣』孟子

吾願更取儒家最精深博大之語，反覆樂道曰：『人能弘道，非道弘人』。若以應用於政治，則吾亦曰：『人能制

法非法制人』而已矣。

要而論之，儒家以活的動的生機的唯心的人生觀爲立腳點，其政治論當然歸宿於仁治主義——即人治主

義法家以道家之死的靜的機械的唯物的人生觀爲立腳點。其政治論當然歸宿於法治主義——即物治主義。兩家孰優孰劣。以吾儕觀之。蓋不煩言而決也。

以上述四家學說竟更有數問題宜合諸家比較以觀其通者。改章論之。

第十七章 統一運動

我國先哲言政治。皆以「天下」爲對象。此百家所同也。「天下」云者。即人類全體之謂。當時所謂全體者。未必卽爲全體。固無待言。但其數的常向於其所及知之人類全體以行。而不以一部分自畫。此卽世界主義之真精神也。先秦學者。生常諸國並立之時。其環境與世界主義似相反。然其學說皆共向此鵠無異同。而且積極的各發表其學理上之意見。成爲一種「時代的運動」。其在儒家。孔子作春秋。第一句曰「元年春王正月」。公羊傳云。

「何言乎王正月。大一統也。」

紀年以魯國。因時俗之國家觀念也。而正月上冠以「王」字。卽表示「超國家的」意味。春秋之微言大義。分「三世」。以明進化軌跡。第一「據亂世」。『內其國而外諸夏』。第二「升平世」。『內諸夏而外夷狄』。第三「太平世」。『天下遠近大小若一。夷狄進至於爵』。公羊傳注哀十四年蓋謂國家觀念。僅爲據亂時所宜有。據亂云者。謂根據其時之亂世爲出發點而施之以治也。治之目的在平天下。故漸進則由亂而「升」。至於平。更進則爲「太平」。太猶大也。太平之世。非惟無復國家之見存。抑亦無復種族之見存。故論語云。

『子欲居九夷。或曰：陋，如之何？』子曰：『君子居之，何陋之有？』

將自己所有文化擴大之以被於全人類而共立於平等的地位。此吾先民最高理想也。故論語又云：

『四海之內，皆兄弟也。』

中庸亦云：

『是以聲名洋溢乎中國，施及蠻貊。天之所覆，地之所載，日月所照，霜露所墜，凡有血氣者莫不尊親。』

即此數語，其氣象如何偉大，理想如何崇高，已可概見。至孟子時，列國對抗之形勢更顯著，而其排斥國家主義也亦更力。其言曰：

『天下惡乎定？定于一。』

齊宣王問齊桓晉文之事。孟子曰：『仲尼之徒，無道桓文之事者……無已，則王乎。』凡儒家王霸之辨，皆世界主義與國家主義之辨也。所不嫌於齊桓晉文者，爲其專以己國爲本位而已。

道家以自然爲宗，其氣象博大，亦不下於儒家。老子書中言：『以天下觀天下。』『以無事治天下。』『抱一爲天下式。』諸如此者，不一而足，其爲超國家主義甚明。

墨家言兼愛，言尙同，其爲超國家主義也更明。抑彼宗之世界主義，尤有一極強之根據焉。曰：『天志。』彼之言曰：

『何以知天之愛天下之百姓，以其兼而明之。何以知其兼而明之，以其兼而有之。何以知其兼而有之，以其兼而食焉。』墨子天志上

『且夫天之有天下也，辟同之無以異乎國君諸侯之有四境之內也。今國君諸侯之有四境之內也，夫豈欲其臣……民之相爲不利哉？今若……處大家則亂小家，欲以此求賞譽，終不可得，誅罰必至矣。夫天之有天下也，將無已以同異此。今若處大國則攻小國……欲以此求福祿於天，福祿終不得，而禍祟必至矣。』墨子天志中

天之視萬國兆民，其愛之如一，利之如一，故凡人類之受覆育於天者，皆當體天之志，以兼相愛而交相利，故曰：『視人之國若其國。』

如此，則國家觀念，直根本消滅耳。尙同篇言以『天子壹同天下之義』，其世界主義的色彩，最明瞭矣。法家本從儒道墨一轉手，其世界觀念，亦多襲三家，但彼最晚出，正當列強對抗競爭極劇之時，故其中一派以『富國強兵』爲職志，其臭味確與近世歐美所謂國家主義者相類，無庸爲諱也。雖然，彼輩之渴望統一，與餘宗同，特所用手段異耳。勉以今語比附之，則儒墨可謂主張聯邦的統一，平和的統一，法家可謂主張帝國的統一，武力的統一也。其後秦卒以後者之手段完成斯業，然而不能守也。漢承其緒，參用前者之精神，而所謂『定于一』者，乃終實現焉。

當時人士，異國間互相仕宦，視爲固然，不徒縱橫家之朝秦暮楚而已。雖以孔墨大聖，亦周歷諸侯，無所私於其國。若以今世歐洲之道德律之，則皆不愛國之尤者。然而吾先民不以爲病，彼蓋自覺其人爲天下之人，非一國之人，其所任者乃天下之事，非一國之事也。

歐洲幅員，不當我半，而大小國數十，二千年來，統一運動雖間起，卒無成效。德法夾萊因河而國，世爲仇讎，糜爛其民而戰，若草芥然。巴爾幹區區半島，不當我一大郡，而建國四五，無歲無戰。我國則秦漢以降，以統一爲常軌，

而分裂爲變態。雖曰干戈塗炭之苦亦所不免乎。然視彼固有間矣。謂彼由民族異性各不相下耶。我之民族亦曷嘗不複雜而終能冶爲一體。則又何也。我之統一雖物質上環境促成之者亦與有力。然其最主要之原因則聖哲學說能變化多數人心理。搏之以爲一也。吾固言之矣。同類意識宜擴大不宜縮小。使吾先民常以秦人愛秦越人愛越爲教。則秦越民族性之異。又寧讓德法。吾惟務滋長吾同類意識。故由異趨同。彼惟務獎借其異類意識。故異者益異。嗚呼。心理之幾至微。而末流乃滔天而不可禦。吾儕誠欲抱吾卞和之璞以獻彼都。不審竟遭刑焉否耳。

第十八章 寢兵運動

弭兵之議。倡於春秋末葉。宋向戌會當時諸強國於宋都。相與約盟。酷似今茲大戰前之海牙和平會也。當時則有從學理上議其不可行者曰。

『天生五材。民並用之。廢一不可。誰能去兵。』左襄二七

雖然。後此多數大學者。標舉此義。爲猛烈的運動。懇摯的宣傳。老子言。

『兵者不祥之器。』

孔子作春秋。『會盟之事。大者主小。戰伐之事。後者主先。』春秋繁露 竹林篇 故孟子曰。

『春秋無義戰。』

孟子書中到處發明此義。其極沈痛峻厲之言曰。

「爭地以戰，殺人盈野；爭城以戰，殺人盈城。此所謂率土地而食人肉，罪不容於死。」

至墨翟宋鉞一派，更高揚非攻寢兵之鮮明旗幟，以號呼於天下。其論旨則前數章既屢言之矣。墨家非從空談而已，常務實行，見有闕者，匍匐往救之，且以善守爲「非攻」。主義之後盾，故其宣傳乃實力的宣傳也。各書中載墨子一故事曰：

「公輸般爲楚造雲梯之械，成，將以攻宋。墨子聞之，起於魯，行十日十夜，足重繭而不休息，裂裳裹足，至於郢。見公輸般，公輸般曰：「夫子何命焉爲？」墨子曰：「北方有侮臣，願藉子殺之。」公輸般不悅。墨子曰：「請獻十金。」公輸般曰：「吾義固不殺人。」墨子起再拜曰：「請說之。吾從北方聞子爲梯，將以攻宋，宋何罪之有？荆國有餘於地，不足於民，殺所不足而爭所有餘，不可謂智。宋無罪而攻之，不可謂仁。知而不爭，不可謂忠。爭而不得，不可謂強。義不殺少而殺衆，不可謂知類。」公輸般服。墨子曰：「然，胡不已乎？」公輸般曰：「不可，吾既已言之王矣。」墨子曰：「胡不見我於王？」公輸般曰：「諾。」墨子見王曰：「聞大王舉兵將攻宋，計必得宋乃攻之乎？」毋其不得宋且不義猶攻之乎？」王曰：「必不得宋且有不義，則曷爲攻之？」墨子曰：「甚善。臣以爲宋必不可得。」王曰：「公輸般天下之巧工也，已爲攻宋之械矣。」墨子曰：「令公輸般攻，臣請守之。」於是公輸般墨子解帶爲城，以牒爲械。公輸般九設攻城之機變，墨子九距之。公輸般之攻城盡，墨子之守圍有餘。公輸般誚而曰：「吾知所以距子矣，吾不言。」墨子亦曰：「吾知子之所以距我矣，吾不言。」楚王問其故，墨子曰：「公輸子之意，不過欲殺臣，殺臣，宋莫能守，乃可攻也。然臣之弟子禽滑釐等三百人，已持臣守圍之器，在宋城上而待楚寇矣。雖殺臣，不能絕也。」楚王曰：「善哉，吾請無攻宋矣。」

墨子公輸般戰國策宋策呂氏春秋愛類

儒淮南子
修務訓

此段故事將墨子深厚的同情，彌滿的精力，堅強的意志，活潑的機變，豐富的技能，全盤表現。墨家者流以此種人格此種精神忠實以宣傳其主義，『上說下教，強聒不舍』。戰國中末葉，其徒『盈天下』。其學說影響於吾國民心理者至深且廣，有固然矣。

凡學說皆起於『救時之敝』。淮南子要略訓語時既敝矣，則一手不足以障狂瀾，固其所也。故雖以儒墨之苦心毅力大聲疾呼，而在當時所能挽救者乃至微末，其與彼等對抗之法家軍國主義派竟占優勢，卒以二百餘年長期戰爭之結果以成統一之局。雖然，真理者固常為最後之勝利者也。學說漸漬既久，形成國民心理，則又非一時之物質現象所能久抗。孟子云：

『由今之道，無變今之俗，雖與之天下，不能一朝居也。』

代表軍國主義之秦國，雖復『履至尊而制六合，執鞭箠以馭天下』。賈誼文然不十餘年而遂亡。漢反其道，與民休息，成四百年之治。自茲以往，我國民遂養成愛平和的天性，鬪狠黷武之英雄，無論在何時代，恆不為輿論所譽許，其以有勇見稱者，則守土捍難，以死勤事之人耳。故中國人可謂為能守的國民，而絕非能戰的國民。墨家之教也，後此二千年間屢蒙異族侵暴者以此，雖蒙侵暴而常能為最後之光復者亦以此。若其因侵暴光復展轉相乘，而同化力愈益發揮，民族內容愈益擴大，則文化根柢深厚使然也。

第十九章 教育問題

對於教育問題，各派態度不同，即同在一派中，其方法亦有差別，今略論列之。

道家從外表上觀之，殆可謂之「非教育主義」，其言曰：

「古之爲道者，非以明民，將以愚之。」老子

此其反對教育之態度，似甚明瞭。雖然，彼宗之主張愚民，又非謂欲藉衆愚以成吾獨智也。彼蓋以愚爲「自然」，欲率民返於此自然。莊子言伯樂治馬，刻之維之，馳之驟之，整之齊之，是即施馬以教育，將以「明馬」也。彼宗謂似此則違反自然也甚矣。彼其理想的人生，所謂「常德不離，復歸於嬰兒」，所謂「俗人昭昭，我獨昏昏，俗人察察，我獨悶悶……衆人皆有以，而我獨頑似鄙」老子。嬰兒也，昏昏悶悶也，頑鄙也，皆愚而不明之狀態也。是故不獨「非以明民，將以愚之」也，亦可謂「非以明我，將以愚之」。然則竟謂彼宗爲徹底的排斥教育可乎？恐又未必然。排斥教育，則老子著五千言，莊子著三十三篇，又奚爲者？然則吾將爲彼宗杜撰一徽號焉，曰：主張「愚的教育」。老子曰：

「爲學日益，爲道日損。」

「日益」者，智的教育也。「日損」者，即愚的教育也。夫教育目的，固不徒在增加智識而已，洗鍊感情，樹立意志，皆當有事焉。然則「日損」的教育，謂之非教育焉，固不可也。

法家懸法以馭民，其術似與教育異，實則不然。彼宗固亦欲以法達其教育之目的也。其言曰：

「今有不才之子，父母怒之，弗爲改；鄉人譙之，弗爲動；師長教之，弗爲變。夫以父母之愛，鄉人之行，師長之智，三美加焉，而終不動其脛毛……州部之吏，操官兵，推公法，而求索姦人，然後恐懼變其節，易其行矣。故父母

之愛不足以教子，必待州部之嚴刑者，民固驕於愛，聽於威矣。」韓非子五蠹篇

法家固承認教育之必要及其功用，但其教育所挾持之工具與餘宗異，其所認為能實施教育之人，亦與餘宗異，彼所主張者：

「無書簡之文，以法爲教，無先生今本作王從之語，以吏爲師。」同上

彼宗欲將一切教育悉納入於此種「官立法政專門學校」之中，且教課不講學理，惟解釋法律條文，教師不用學者，惟委諸現職官吏，而且實際的教育，並不在學校，官廳也，軍隊也，監獄也，即實行教育之主要場所也，以爲誠能如是，則

「法制不議，則民不相私，刑殺毋赦，則民不偷於爲善，爵祿毋假，則下不亂其上，三者藏於官，則爲法施於國，則成俗。」管子法禁篇

法家最後目的，仍在「施於國以成俗」，是法治亦教育之一手段也，其與儒家異者，儒家之教育，教人做人，法家之教育，教人做彼宗理想中之國民，譬之如貨主欲得某種貨物，繪成圖樣，向工廠定造，廠主則鑄定一型，將原料納入之，務使產品齊一，「中效則是，不中效則非」，墨子小取篇換言之，則不管各人個性如何，務同冶之於國家，所欲得之定型，求諸歐洲古代，則希臘之斯巴達，近代，則大戰前之普魯士，其教育精神，殆全與此同，即現代各國所謂國家教育政策，其視彼亦不過五十步與百步而已。

管子一書不能指爲純粹的法家言，中多糅合儒道法三家思想者，其論教育方法，殊別有理趣，其言曰：

「士農工商四民者，國之石民也，不可使雜處，雜處則其言詭，其事亂，是故聖王之處士，必於閒燕，處農必就

田野。處工必就官府。處商必就市井。今夫士羣居而州處。閒燕則父與父言義。子與子言孝。……旦暮從事於此。以教其子弟。少而習焉。其心安焉。不見異物而遷焉。是故其父兄之教不肅而成。其子弟之學不勞而能。是故士之子常爲士。今夫農羣萃而州處。……旦暮從事於田野。……沾體塗足。暴其髮膚。盡其四支之力。以從事於田野。少而習焉。其心安焉。不見異物而遷焉。是故其父兄之教不肅而成。其子弟之學不勞而能。是故農之子恆爲農。今夫工羣萃而州處。……是故工之子恆爲工。今夫商羣萃而州處。……是故商之子恆爲商。」

小匡篇

此種制度甚奇。欲將人民從職業上畫分區域以施教育。雖未必能嚴格實現。然不可謂非一種有研究價值之理想也。其目的在使人人代代同鑄一型。不脫法家臭味。然其利用模仿性以施感化力。亦頗參儒家精神焉。管子之言軍國民的教育。尤含妙義。其言曰：

「作內政而寓軍令焉。……內教既成。令不得遷徙。故卒伍之人。人與人相保。家與家相愛。少相居。長相游。祭祀相福。死喪相恤。禍福相憂。居處相樂。行作相和。哭泣相哀。是故夜戰其聲相聞。足以無亂。晝戰其目相見。足以相識。驩欣足以相死。是故以守則固。以戰則勝。君有此教士三萬人。以橫行於天下。……」同上

此真斯巴達之教也。最當注意者。彼全從羣衆心理著眼。目的在使人「驩欣足以相死。」夫死爲人所同惡。而「教士」乃能易以驩欣。則其認教育之效能也至矣。

墨家教育。以宗教爲源泉。而用人格的注射以保其活力。所謂宗教者。非徒靈界的信仰之謂。墨家固有「天志」「明鬼」諸義。然彼未嘗言天堂言來生。其與耶回一類之宗教。性質實不從同。吾所以指墨家爲宗教者。謂

其賦予主義以宗教性。夫革命排滿本一主義耳。在前清末年則含有宗教性。共產本一主義耳。其在馬克思派之黨徒中則含有宗教性。主義成爲宗教性則信仰之者能夠以身義無反顧。故

「墨子服役者

案即弟子也。韓非子五蠹篇云仲尼服役者七十人。即指七十子與此文同。

百八十人皆可使赴火蹈刃死不旋踵。」

淮南子

蓋宗教本最高情感之產物。而墨家教育殆純以情育爲中心也。而其所以能「徒屬充滿天下」

呂氏春秋尊墨師篇稱贊墨

子者則又其極偉大極崇高之人格感化力有以致之。此學者所最宜留意也。

右所語者墨家在當時教育活動之事實也。其價值實至偉大。至彼宗之教育理論及方法則不外用政治手段「壹同天下之義。」使人人皆「棄其不善言學天子之善言棄其不善行學天子之善行。」殆無甚可述焉。儒家認教育萬能。其政治以教育爲基礎——謂不經教育之民無政治之可言。又以教育爲究竟——謂政治所以可貴者全在其能爲教育之工具。荀子云。

「君子治治非治亂也。」

然則國亂將弗治與。曰。國亂而治之者非案亂而治之之謂也。去亂而被之以治。

人汙而修之者非案汙而修之之謂也。去汙而易之以修。故去亂而非治亂也。去汙而非修汙也。」

不苟篇

大學引康誥曰「作新民。」易文言傳曰「不易乎世不成乎名。」論語記孔子言曰「天下有道丘不與易。」

孟子曰「亦以新子之國。」新民新國易世易天下以今語釋之則亦曰革新社會而已。法家之「道之以政齊之以刑。」儒家則謂爲苟且之治。無他。以其欲案亂而治也。夫案亂而治治之或且益其亂。不見今日之民國乎。案亂而集國會國會集滋益亂。案亂而議聯省聯省建恐滋益亂。案亂而言社會主義社會主義行恐滋益亂。何也。法萬變而人猶是人民不新世不易安往而可也。論語記。

「子之武城，聞絃歌之聲。夫子莞爾而笑曰：『割雞焉用牛刀？』」子游對曰：『昔者偃也聞諸夫子曰：『君子學道則愛人，小人學道則易使也。』』子曰：『二三子，偃之言是也。前言戲之耳。』」

儒家之視一都一邑一國乃至天下，其猶一學校也。其民則猶子弟也。理想政治之象徵，則「絃歌之聲」也。所謂「絕惡於未萌，起敬於微眇」，所謂「移風易俗，美善相樂」，即儒家政治唯一之出發點，亦其唯一之歸宿點也。此無他焉，亦曰去亂而被之以治云爾。

儒家教育，專以人格的活動為源泉。彼惟深知夫人格由「相人偶」而始能成立，始能表現，故於人格交感相發之效，信之最強。其言曰：

「唯天下至誠，為能盡其性；能盡其性，則能盡人之性……」
又曰：「中庸」

「至誠而不動者，未之有也；不誠未有能動者也。」
孟子

至誠者何？盡性者何？即「真的人格之全部的活動表現」而已。我之人格，為宇宙全人格之一部，與一切人之人格相依相盪。我苟能擴大我所自覺之人格，使如其量（能盡其性），而以全人格作自強不息的活動，則凡與我同類之人，未有不與我同其動者也。儒家所信之教育萬能，專在此點。明乎此，則讀一切儒書皆可無闕，而彼宗政治與教育同條共貫之理，可以瑩澈矣。

人格的教育，必須以施教者先有偉大崇高之人格為前提。此其事不可以望諸守繩墨奉故事之官吏也明矣。故不特法家「以吏為師，以法為教」之主張在所排斥也，即凡一切官學之以詩書禮樂為教者，皆未足以語

此故孔子首創私人講學之風，以求人格教育之實現。孔子以前之教育事業，在家塾黨庠鄉序國學，大率爲家族地方長老所兼領，或國家官吏所主持。私人而以教育爲專業者，未之前聞。有之自孔子始。孔子以一布衣養徒三千，本其『有教無類』之精神，自指紳子弟以至駟僮大盜，皆『歸斯受之』。以智仁勇爲教本，以詩書執禮執射執御等爲教條。『大小精粗，其運無乎不在。』莊子天下篇文其所確然自信者，則

『一日克己復禮，天下歸仁焉。』論語

『君子居其室，出其言善，則千里之外應之。』易繫辭傳

『本諸身，徵諸庶民……動而世爲天下道，行而世爲天下法，言而世爲天下則。』中庸

夫以一箇私人，出其真的全人格，以大活動而易天下。『自生民以來，未有盛於孔子也。』孟子文夫儒家固以政治教育合一爲職志者也。故孔子終身爲教育活動，即終身爲政治活動也。故曰：『是亦爲政，奚其爲爲政？』也。

第二十章 生計問題

道家蓋不認生計問題爲政治問題。彼宗以『見素抱樸，少私寡欲』爲教，謂

『五色令人目盲，五音令人耳聾，五味令人口爽，馳騁畋獵，令人心發狂，難得之貨，令人行妨。』

其旨在教人盡黜物質上欲望，果能爾者，則生計當然不成問題。雖然，彼固欲人之『甘其食，美其服』，而又欲其『復結繩而治，老死不相往來。』一章之中，而兩種事實已衝突，實不徹底之談也。但彼宗既置此問題於不論不議之列，則吾儕研究此問題時，亦可置彼宗於不論不議之列。

先秦諸哲言生計者，法家特注重生產問題，儒家特注重分配問題，墨家則兩方面皆顧及，而兩方面皆不甚貫徹，此其大較也。

法治主義之最初實行者，自李悝，而在我國生計學史上，始用科學的精密計算法以談生計政策者，即李悝也。漢書食貨志記其學說之大概曰：

『李悝爲魏文侯作盡地力之教，以爲地方百里，提封九萬頃，除山澤邑居參分去一，當田六百萬畝，治田勤謹，則畝益三升，不勤則損亦如之，地方百里之增減，輒爲粟百八十萬石矣。』

又曰：糴甚貴傷民，甚賤傷農，民傷則離散，農傷則國貧，故甚貴與甚賤，其傷一也。善爲國者，使民無傷而農益勸，今一夫挾五口，治田百畝，歲收畝一石半，爲粟百五十石，除十一之稅十五石，餘百三十五石，食人月一石半，五人終歲爲粟九十石，餘有四十五石，石三十，爲錢千三百五十，除社閭嘗新春秋之祠用錢三百，餘千五十，衣人率用錢三百，五人終歲用千五百，不足四百五十。類注曰：少四百五十，不足也。不幸疾病死喪之費及土賦斂，又未

與此，此農夫所以常困，有不勸耕之心，而令糴至於甚貴者也。是故善平糴者，必謹觀歲有上中下孰。同上孰，熟同。

其收自四，餘四百石。張晏曰：平歲百畝收百五十石，今大孰四倍收六百石。中孰自三，餘三百石，下孰自倍，餘百石，小饑則收百石，中饑

七十石，大饑三十石，故大孰則上糴三而舍一，中孰則糴二，下孰則糴一，使民適足，賈同價平則止，小饑則發小

孰之所斂，中饑則發中孰之所斂，大饑則發大孰之所斂，而糴之，故雖遇饑饉水旱，糴不貴而民不散，取有餘以補不足也。行之魏國，國以富強。

此爲我國最古之生計學說，吾故錄其全文如右，此學說之要點有二：一曰『盡地力』，所以獎勵私人生產也。

二曰「平糴」所以行社會政策，用政府之力，以劑私人之平也。當時主要生計惟農業，故所規畫亦限於此。戰國中葉以後，工商業驟昌，兼井盛行而農益病，於是言生計者分重農主義、重商主義之兩派。商君書蓋重農派之作品也，管子中一部分則重商派作品也。商君書曰：

「重關市之賦，則農惡商，商有疑惰之心。農惡商，商疑惰，則草必墾矣。以商之口數，使商令之，斯與徒重者必當名。」此三句有

謂則農逸而商勞，農逸則良田不荒，商勞則去商……則草必墾矣……『墾令』篇

書中此類文甚多，茲不枚舉。蓋商君書為秦人所作，秦開化較晚，宜以農立國而不以工商，故重農主義行焉。當時各國又皆以民寡為病，故人口問題又為言生計者所最重視。商君書中有專篇以論此政策，其言曰：

「今秦之地方千里者五，而穀土不能處二，田數不滿百萬，其數澤谿

當時人口問題與瑪爾梭士人口論所研究者正相反。瑪氏患人多，當時患人少也。

管子商君書皆戰國末年人所作，非管仲商鞅自著，說已見前。管子尤厯雜各派學說，皆雜收，即以生計學論，亦重農重商參半也。

谷名山大川之材物貨寶，又不盡為用，此人不稱土也。秦之所與鄰者三晉也，所欲用兵者韓魏也，彼土狹而民衆，其宅參居而并處，其寡萌賈息，民上無通名，下無田宅，而恃姦務末作……此其土之不足以生其民也，以同有過秦民之不足以實其土也……今王發明惠，諸侯之士來歸者……復之三世，無知軍事……今以草茅之地，來三晉之民，而使之事本，此其損敵也與戰勝同實，而秦得之以為粟，此反行兩登之計也。」來民
秦人蓋實行此政策，卒以富強而并天下焉。同時有相反的學說盛於齊，齊開化較早，自春秋以來，已「冠帶衣

履天下。」史記貨殖傳文工商業爲諸國冠，故齊人所撰管子，含有重商主義的傾向。其言曰：

「黃金者用之量也。辨於黃金之理，則知侈儉。知侈儉則百用足矣。故儉則傷事，侈則傷貨。儉則金賤，金賤則事不成，故傷事。侈則金貴，金貴則貨賤，故傷貨。」立政篇

又曰：

「五穀食米，民之司命也。黃金刀幣，民之通施也。故善者執其通施以御其司命，故民力可得而盡也。」國蓄篇

彼宗以爲貨幣有衡馭百物之性能，而糧食之在百物中，其性質又最爲特別。（今世治生計學者仍認糧食爲特種貨物，不能僅以一般貨物之原則支配之。）能善筭兩者之鍵而操縱之，則可以富國。彼宗以爲豪強兼并之弊，皆由私人操縱此兩者而起。其言曰：

「歲有凶穰，故穀有貴賤。令有緩急，故物有輕重。然而人君不能治，案言政府無辦法也故使蓄賈，案言蓄財之富商也游市，案言游手

之市也。乘民之不給，百倍其本。分地若一，強者能守，分財若一，智者能收。智者有什倍人之功，房注云以愚者有

不廢本之事，房注云廣猶償也故民有相百倍之生也。案謂貧富相去以百倍計也夫民富則不可以祿使也，貧則不可以罰威也。

法令之不行，萬民之不治，由貧富之不齊也。」同上

彼宗以爲若一任私人之自由競爭，則富商奸僇，以智術操縱，必至兼并盛行而貧富日以懸絕。政府苟「不能

鈞均同羨也，不足以調民事，則雖強本趣耕，且鑄幣無已，乃今使民下相役耳，房注云徒使豪強侵奪貧弱惡能以爲治乎？」國蓄篇

然則救濟之法奈何？彼宗曰：

「凡輕重之大利，以重射輕，以賤泄平。萬物之滿虛，隨財准平而不變。衡絕則重見，人君知其然，故守之以准。」

平……耒耜器械鍾饌糧食舉取贍於君。故大賈蓄家不得豪奪吾民矣……

凡五穀萬物之主也。穀貴則萬物必賤，穀賤則萬物必貴。兩者爲敵，則不俱平。故人君御穀物之迭相勝，而操

事於其不平之間……

國書

其所主張之政策，以今語說之，則「資本國有」「商業官營」是已。不特此也，彼宗更主張鹽鐵兩種工業悉歸國有，卽以爲國家收入之財源。其言曰：

「桓公問於管子曰：吾欲藉案：藉者，稅也。於臺雉，案：謂建臺雉，築物。何如？管子對曰：此毀成也。吾欲藉於樹木，管子對曰：此伐

生也。吾欲藉於六畜，管子對曰：此殺生也。吾欲藉於人，何如？管子對曰：此隱情也。桓公曰：然則吾何以爲國？管

子對曰：唯「官山海」爲可耳……海王之國，謹正鹽筴……十口之家，十人食鹽……終月，大男食鹽五升

少半，大女食鹽三升少半，吾子房注云：吾子，謂小男小女。食鹽二升少半……萬乘之國，人數開口千萬也。禺筴之商，日二

百萬。房注云：禺，讀爲偶，對也。商，計也。對其大男大女食鹽者之口數而筴以計所稅之鹽，一日計二百萬。……月人三十錢之籍，爲錢三千萬……使君施令

曰：吾將籍於諸君。吾子則必囂號，今夫給之鹽筴，則百倍歸於上，人無以避此者，數也。

今鐵官之數曰：一女必有一鍼一刀。若其事立，房注云：若，猶然後。耕者必有一耒一耜一鉋。若其事立，不爾而成事者

天下無有。今鍼之重加一也，三十鍼，一人之籍，刀之重加六，五六三十，五刀，一人之籍也……其餘輕重皆准

此而行，然則舉臂勝事，無不服籍者……

海王

此言將鹽鐵兩業收歸官營，卽加其價以爲稅。如此既合於租稅普遍之原則，亦使私人無由獨占而罔利也。此種工商業及資本悉歸國有之主張，在今日歐洲，有已實行者，有方在運動鼓吹中者。我國則二千年前，既有一

部分學者昌言之矣。

彼宗不徒以此均國內之貧富而已，更利用其國家資本主義以從事侵略。管子書中造設一史蹟以說明其理曰：

『桓公曰：吾欲下魯梁，何行而可？管子對曰：魯梁之民俗爲綈，公服綈，令左右服之，民從而服之，公因令齊勿敢爲，必任於魯梁，則是魯梁釋其農事而作綈矣。桓公曰：諾……管子告魯梁之賈人曰：子爲我致綈千匹，賜子金三百斤，什至而金三十斤，則是魯梁不賦於民，財用足也。魯梁之君聞之，則教其民爲綈，十三月而管子令人之魯梁，魯梁郭中之民，道路揚塵，十步不相見，綈繡而踵相隨……管子曰：魯梁可下矣。公曰：奈何？對曰：公宜服帛，率民去綈，閉關毋與魯梁通使。公曰：諾。後十月，管子令人之魯梁，魯梁之民餓餒相及……魯梁之君，即令其民去綈修農，穀不可以三月而得，魯梁之民糴十百，齊糴十錢，二十四月，魯梁之民歸齊者十分之六。三年魯梁之君請服。』輕重戊篇

此雖未必果爲事實，然以說明一種學理，則甚明瞭矣。夫英國人所以汲汲於殖民帝國之建設，而大戰時惴惴以封鎖爲懼者，皆以此也。而現代列強所慣用之生計侵略政策，亦大率由斯道也。

要而論之，法家者流之生計政策，無論爲重農爲重商，要皆立於國家主義基礎之上。所謂『我能爲君闢土地，充府庫』，孟子所斥爲『民賊』者也。雖然，確能爲斯學發明許多原則。二百年前之歐洲，殆未足望其肩背也。墨家對生計問題，最注重者亦在生產，然其說生產也，與消費觀念相連，謂消費不枉濫，即所以爲生產也。故其最重要之教義曰：『節用』。其節葬非樂非攻諸義，皆從此引出。其言曰：

「聖人爲政一國，一國可倍也。大之爲政天下，天下可倍也。其倍之，非外取地也。因其國家，去其無用之費，足以倍之。聖王爲政，其發令興事，使民用財也，無不加用而爲者。是故用財不費，民德不勞……有去大人之好聚珠玉鳥獸犬馬，以益衣裳宮室甲盾舟車之數於數倍乎？若則不難。」上節用

又曰：

「古者聖王制爲節用之法曰：『凡天下羣百工……陶冶梓匠，使各從事其所能。』曰：『凡足以奉給民用則止，諸加費不加於民利者，聖王弗爲。』」上節用

掃除貴族富族之奢侈品，而以製造彼等之勞力移諸日用必需品之製造，則生產力自可加數倍。此墨家生計學說最主要之點也。其大意前既論及，今不更贅。墨家亦注意人口問題，而有一奇異之結論焉。曰：主張早婚，其言曰：

「孰爲難倍？唯人難倍。然人有可倍也。昔者先王爲法曰：『丈夫年二十，毋敢不處家；女子年十五，毋敢不事人。』……聖王既沒，于民次也。孫詒讓云：次讀爲忒，言忒民之所欲。其欲蚤處家者，有所二十年處家；其欲晚處家者，有所四十年處家。以其蚤與其晚相踐，案相踐謂相抵平均也。後聖王之法十年，若純三年而字，子生可以二三人。今本作年從矣。

「上節用」

其說當否？另一問題，要之與墨家實利主義相一貫也。

墨家之專以節用言生計，荀子非之。其言曰：「墨子之言，昭昭然爲天下憂不足，夫不足非天下之公患也。特墨子之私憂過計也……天下之公患，亂傷之也。胡不嘗試相與求亂之者誰也？我以墨子之非樂也，則使天下亂。」

墨子之節用也。則使天下貧。非將墮之也。說不免焉。……故墨術誠行。則天下尙儉而彌貧。非闕而日爭。勞苦頓萃而愈無功。愀然憂戚。非樂而日不和。……富國篇荀子本篇之文甚長。其所詰難不甚中肯綮。故不多引。至所謂『勞苦頓萃而愈無功……』云云。則誠中墨術之病。墨家蓋不解『勞作能率』之意義也。

荀子所謂『不足非天下之公患』確爲儒家一重要信條。孔子曰。

『丘也聞有國有家者。不患寡而患不均。不患貧而患不安。故均無貧。和無寡。安無傾。』語論

董仲舒釋之曰。

『孔子曰。『不患寡而患不均。』故有所積重。則有所空虛矣。大富則驕。大貧則憂。憂則爲盜。驕則爲暴。此衆人之情也。聖者則於衆人之情。見亂之所從生。故其制人道而差上下也。使富者足以示貴而不至於驕。貧者足以養生而不至於憂。以此爲度而調均之。是以財不匱而上下相安。』春秋繁露調均篇

儒家言生計。專重一『均』字。其目的則在裁抑其所積重而酌劑其所空虛。故精神最注分配問題。然於生產消費諸問題。亦並不拋卻。其言曰。

『生之者衆。食之者寡。爲之者疾。用之者舒。則財恆足矣。』大學

此十六字者。語雖極簡。然於生計原理。可謂包舉無遺。儒家言生計學。專以人民生計或社會生計爲主眼。至於國家財政。則以爲只要社會生計問題得正當解決。財政便不成問題。故冉有言志曰。

『可使足民。』語論

有若對魯哀公問曰。

「百姓足，君孰與不足？百姓不足，君孰與足？」語論

至如法家者，流之富國政策，儒家蓋以毫不容赦的態度反對之。故曰：

「與其有聚斂之臣，寧有盜臣。此謂國不以利爲利，以義爲利也。長國家而務財用者，必自小人矣。彼爲善之，小人之使爲國家，菑害並至，雖有善者，亦無如之何矣。此謂國不以利爲利，以義爲利也。」大學

又曰：

「君不鄉道，不志於仁，而求富之，是富桀矣。」孟子

古代君主與國家界限不分明，富國卽無異富君。所謂「地之生財有時，民之用力有倦，而人君之欲無窮，以有時與有倦養無窮之君，而度量不生於其間，則上下相疾也。」管子權修篇文儒家所以反對富國者，蓋在此點。不寧惟

是，卽如現代所謂國家主義者，其財政雖非以供君主之內府，然亦當「取諸民有制」。孟子文蓋有所積重，必有所空虛。積重於君主，積重於人民中之一部分私人，固不可，積重於國家，猶之不可也。何也？積重於國家，則空虛必中於箇人，以國家吞滅箇人，結局亦非國家之利也。此儒家所以反對「長國家而務財用」也。

儒家言生計，不採干涉主義，以爲國家之職責，惟在「勤恤民隱而除其害」。凡足以障礙人民生產力者，或足以破壞分配之平均者，則由國家排除之，防止之餘，無事焉。如是，聽人民之自爲謀，彼等自能「樂其樂而利其利」也。故曰：

「不違農時，穀不可勝食也；數罟不入洿池，魚鼈不可勝食也；斧斤以時入山林，材木不可勝用也。」孟子

又曰：

「兼足天下之道在明分……兼而覆之兼而愛之兼而制之歲雖凶敗水旱使百姓無凍餒之患則是聖君賢相之事也。」荀子富國篇

儒家對生計問題之主要精神略如此至於其發爲條理者如孟子言井田荀子言度量分界已散見前章不復具論焉。

第二十一章 鄉治問題

歐洲國家積市而成中國國家積鄉而成此彼我政治出發點之所由歧亦彼我不能相學之一大原因也是故我國百家之政論未有不致謹於鄉治者其在道家彼所理想之社會所謂

「小國寡民……雞犬之聲相聞其民老死不相往來。」老子

此則無數世外桃源之村落而已其在墨家所謂

「里長里之仁人……鄉長鄉之仁人……」墨子尚同篇

蓋一切政治教化皆以鄉與里爲基本也其在法家則言鄉治益纖悉周備矣管子曰

「野與市爭民……鄉與朝爭治。」權修篇

「朝不合衆鄉分治也。」同上

若歐洲之今日蓋市盡奪野之民即中國之今日亦朝盡攘鄉之治者也吾儕讀管子此數句極簡之文字竊歎其在千歲之上乃道出今日全人類之時敝若睹火也其鄉治之規模奈何彼書曰

「分國以爲五鄉，鄉爲之師，分鄉以爲五州，州爲之長，分州以爲十里，里爲之尉，分里以爲十游，游爲之宗，十家爲什，五家爲伍，什伍皆有長焉，築障塞，匿一道路，博出入，審閭閻，慎筦鍵，筦藏于里尉，置閭有司以時閉，有司觀出入者以復于里尉，凡出入不時，衣服不中，罔屬羣徒不順於常者，閭有司見之，復無時，若在長家子弟，臣妾屬役賓客，則里尉以譙于游宗，游宗以譙于什伍，什伍以譙于長家，譙敬而勿復，一再則宥，三則不赦，凡孝弟忠信賢良儁材，若在長家子弟，臣妾屬役賓客，則什伍以復于游宗，游宗以復于里尉，里尉以復于州長，州長以計于鄉師，鄉師以著于士師……三月一復，六月一計，十二月一著，凡上賢不過等，使能不兼官，罰有罪不獨及，賞有功不專與焉……」管子立政篇

又曰：

「政既成，鄉不越長，朝不越爵，罷士無伍，罷女無家，士三出妻，逐於境外，女三嫁，入於春穀，是故民皆勉於爲善士，與其爲善於鄉，不如爲善於里，與其爲善於里，不如爲善於家，是故士莫敢言一朝之便……皆有終身之功……是故匹夫有善，可得而舉，有不善，可得而誅，政成國安，以守則固，以戰則強。」管子小匡篇
此種制度，是否曾全部實行，雖不敢斷言，即以理想論，其高尚周密，則既可師矣，其在儒家，孔子云：

「吾觀於鄉而知王道之易易也。」鄉飲酒義

論語鄉黨篇記：「孔子於鄉黨，恂恂如也，似不能言者。」「鄉人飲酒，杖者出，斯出矣。」「鄉人傺，朝服而立於阼階。」可謂孔子極喜爲鄉村的生活，儒家好禮，而其所常習之禮，則鄉飲酒與鄉射也，故司馬遷謁孔林時，猶見孔門後學「習鄉飲鄉射於孔子冢。」史記孔子世家文鄉飲以教讓，鄉射以教爭，蓋其人格教育之第一步在此焉。

故曰：『觀鄉而知王道之易易也。』孟子井田之制，其目的亦以善鄉治，故曰：

『死徙無出鄉，鄉田同井，出入相友，守望相助，疾病相扶持，則百姓親睦。』

漢儒衍其意以構成理想的鄉治社會曰：

『夫飢寒並至，雖堯舜躬化，不能使野無寇盜，貧富兼并，雖皋陶制法，不能使強不陵弱，是故聖人制井田之法，而口分之一。夫一婦受田百畝……五口爲一家，公田十畝……廬舍二畝半，八家……共爲一井，故曰井田……』

井田之義，一曰無泄地氣，二曰無費一家，三曰同風俗，四曰合巧拙，五曰通財貨，因井田以爲市，故曰市井……

……別田之高下善惡，分爲三品……肥饒不得獨樂，墮墾不得獨苦，故三年一換土易居……是謂均民力。

在田曰廬，在邑曰里，一里八十戶，八家共一巷，中里爲校室，選其耆老有高德者名曰父老，其有辯護伉健者爲里正，皆受倍田得乘馬，父老比三老，孝弟官屬，里正比庶人在官者。

民春夏出田，秋冬入保城郭，田作之時，父老及里正旦開門坐塾上，晏出後時者不得出，暮不持樵者不得入，五穀畢入，民皆居宅，里正趨緝績，男女同巷，相從夜績，至於夜中，故女功一月得四十五日，作從十月盡正月止，男女有所怨恨，相從而歌，飢者歌其食，勞者歌其事。

男年六十，女年五十無子者，官衣食之。

使之民間求詩，鄉移於邑，邑移於國，國以聞於天子，故王者不出牖戶，盡知天下所苦，不下堂而知四方，十月事訖，父老教於校室，八歲者學小學，十五者學大學，其有秀者移於鄉學……

三年耕，餘一年之蓄；九年耕，餘三年之積；三十年耕，有十年之儲。雖遇唐堯之水，殷湯之旱，民無近憂。四海之內，莫不樂其業。故曰：什一行而頌聲作矣。」公羊傳宣十五年何注

此種社會制度，能否全部實行，自屬別問題。要之在物質生活上採合作互助的原則，在精神生活上以深厚真摯之同情心爲之貫注。儒家所夢想之『美善相樂』的社會，此其縮影矣。嗚呼！今世社會主義者流，有從事於新村生活之創造者，亦何莫非理想。夫天下固先有理想而後有事實也。儒家之鄉治精神，其或實現於今日以後也。

第二十二章 民權問題

民權之說，中國古無有也。法家尊權而不尊民，儒家重民而不重權。道墨兩家，此問題置諸度外，故皆無稱焉。今所欲論者，各家對於「民衆意識」其物，作何觀察，作何批評，作何因應而已。

道家言「非以明民將以愚之。」言「民之難治以其智多。」老子其絕對的不承認人民參與政治甚明。彼宗實繁上殆認政府爲不必要，則不參政者又非獨人民也已。然彼宗以自由爲教，由理論推之，人民欲自由參政者，固當非所禁。

墨家主張「上同而不敢下比。」一國之人上同於國君，天下之人上同於天子。彼宗絕不認箇人之自由權。其所創造者爲教會政治，則人民參政當然亦不成問題。但彼宗以平等爲教，主張「智者爲政乎愚者。」然則人民中之「智者」當然認爲應「爲政」者也。

法家中之正統派（韓非一派）當然不認民權。彼輩言「民可與樂成，難與慮始。」（商君書）「民智不可用，猶嬰兒之心。」（韓非子）則民除守法之外，不容有所參與也明矣。雖然，彼宗著述中有雜用他宗之言者，則論旨又有別。尹文子云：

「己是而舉世非之，則不知己之是；己非而舉世是之，亦不知己之所非。然則是非隨衆賈同而爲正，非己所獨了，則犯衆者爲非，順衆者爲是。」

此論最能說明所謂「民衆意識」與所謂「輿論」者之真性質。民衆意識及輿論，不必其合於理性也。雖然，在某期間內某種羣衆中，其意識之相摩以成輿論也，則勢力至偉而不可禦。夫政治之美與善，本無絕對的標準。然則孰是孰非，亦只有聽諸「當時此地」羣衆之評價耳。故曰「是非隨衆價以爲正，非己所獨了」也是。故富於才術之政治家，恆必乘「衆價」以展其懷抱，而富於責任心之政治家，時亦不惜抗「衆價」以自招失敗。尹文此言，則爲乘衆價者言之也。彼又曰：

「爲善使人不能得從，此獨善也；爲巧使人不能得從，此獨巧也。未盡善巧之理，爲善與衆行之，爲巧與衆能之。此善之善者，巧之巧者也。所貴聖人之治，不貴其獨治，貴其能與衆共治；貴工倕之巧，不貴其獨巧，貴其能與衆共巧也。……獨行之賢，不足以成化；獨能之事，不足以周務。出羣之辯，不可以爲戶說；絕衆之勇，不可與征陣。……是以聖人……立法以理其差，使賢愚不相棄，能鄙不相遺，則能鄙齊功，賢愚不相棄，則賢愚等慮。……」

尹文此論，深有理致。彼蓋欲將法治主義建設於民衆的基礎之上也。近世學者，或言羣衆政治能使政治品質

降低。此語確含有一面真理。蓋羣衆之理性，本視箇人爲低下。法人盧梭所著羣衆心理最能發明此義故『媚於庶人。』詩經文之治，非治之至焉者也。雖然，政治又安能離羣衆而行？『獨能之事，不足以周務，絕衆之勇，不足以征陣。』此事實所不能不承認者也。然則『與衆共治』之原則，固無往而得避也。既已與衆共治，則只能以『能鄙齊功，賢愚等慮』自甘。現代歐美之民衆政治，蓋全在此種理論上維持其價值。尹文所倡，亦猶是也。

管子書中有對於羣衆爲極高之評價者，其言曰：

『夫民，別而聽之則愚，合而聽之則聖。雖有湯武之德，復合於市人之言，是以明君順人心，安情性而發於衆心之所聚，是以令出而不稽，刑設而不用。先王善與民爲一體，與民爲一體，則是以國守國，以民守民也。然則民不便爲非矣。』上君臣篇

又曰：

『齊桓公問管子曰：吾念猶欲有而勿失……爲之有道乎？對曰……毋以私好惡害公正，察民所惡以自爲戒。黃帝立明臺之議者，上觀於賢也；堯有衢室之問者，下聽於人也……桓公曰：吾欲效而爲之，其名云何？對

曰：名曰『噴室之議。』房注云：謂議論者言語譴噴。問篇

管子書本儒墨道法羣言雜糅，以上兩段，吾儕不能認爲法家言。毋寧謂其祖述儒家也。其所言『民，別而聽之則愚，合而聽之則聖』，認民衆意識之品質視箇人爲高，其當否且勿論，要之，極認識民意價值之言也。所云『噴室之議』，則竟主張設立法定的民意機關矣。雖其性質非必與現代議會同，且在歷史上亦未嘗實現，然固不可不謂爲一種穎異之理想也。

今最後所欲論者，儒家對於茲事態度如何。儒家以政治設施當以民意爲標準，其主張甚爲堅決明瞭。如

『民之所好好之，民之所惡惡之，此之謂民之父母。』大學

類此之語，儒書中不可枚舉。惟人民是否應自進以參與政治，其參與政治方法如何，孔子蓋未嘗明言。論語有

『民可使由之，不可使知之。』

二語，或以爲與老子『愚民』說同，爲孔子反對人民參政之證。以吾觀之，蓋未必然。『不可』二字，似當作『不能』解，不當作『不應該』解。孟子曰：

『行之而不著焉，習矣而不察焉，終身由之而不知其道者衆矣。』

此章正爲彼文注脚。『可以有法子令他們依著這樣做，卻沒有法子令他們知道爲什麼這樣做。』此卽『民可使由不可使知』之義也。例如『慎終追遠，民德歸厚。』『故舊不遺，則民不偷。』『使民厚，使民不偷。』此所謂『可使由之』也。何以慎終追遠便能厚，何以故舊不遺便不偷，此其理苦難說明。故曰『不可使知』也。儒家無論政治談教育談，其第一義皆在養成良習慣，夫習慣之養成，全在『不著不察』中。所謂『徙善遠罪而不自知』，故『終身由而不知』，乃固然也。然則欲以彼二語構成儒家反對民權之讞者，非直冤酷，亦自形其淺薄也。

然則儒家主張民權之證據有之乎？曰：亦無有也。民權云者，人民自動以執行政權之謂。儒家雖言『保民而王』，言『得乎邱民而爲天子』，要之以民爲受治之客體，非能治之主體也。彼宗固極言民意之當尊重，然並不謂對於民意悉當盲從。孔子曰：

『衆好之，必察焉；衆惡之，必察焉。』

孟子曰：

『國人皆曰賢，然後察之……國人皆曰不可，然後察之……』

儒家之意以爲，政治家之眼光，當常注視輿論，又當常自出其理性以判斷而慎採之。『善鈞從衆』，蓋彼宗之最大信條也。夫採納民意，尙須以『必察』爲條件，則純粹民意之直接統治，不爲彼宗所敢妄贊，有斷然矣。然則儒家果盡然將國人分爲能治與受治之兩階級乎？曰：是殆然，是又殆不然。儒家有所謂能治的階級乎？曰：有之，其名曰『君子』。一切政治由『君子』出，此儒家唯一的標幟，徧徵諸儒書而可信者也。顧所最當注意者，『君子』非表示地位之名詞，乃表示品格之名詞。換言之，則『君子』者人格完成之表稱也。與『君子』相對者爲『小人』，謂人格未成，如幼小之人也。雖民權極昌之國家，亦必以成人爲參政之標準，未有賦予未及齡之『小人』以參政權者。儒家亦然，專以成人爲參政之標準，不過所謂成人者，非生理上之成人，乃人格上之成人耳。儒家以爲人格未完成之『小人』而授之以政，譬猶未能操刀之『小人』而使割也，其傷實多。嗚呼！今之中華民國冒民權之名以亂天下者，豈不以是耶？豈不以是耶？儒家之必以人格的成人爲限制，其烏可以已。

然則此限制爲固定的乎？曰：是蓋不待問而有以知其不然。地位可以有固定，品格不能有固定。儒教最終之目的，在『教化流行，德澤大洽，使天下之人人有士君子之行。』春秋繁露 俞序篇夫天下人人皆成爲『君子』，則儒家『全民政治』實現之時矣。

然則如何而能使人人有士君子之行耶。吾固屢言之矣。人格者。通彼我而始得名者也。故必人格共動互發。乃能馴致人格之完成。『己欲立而立人。己欲達而達人』。『一日克己復禮。天下歸仁焉』。是亦在『仁以爲己任』之君子而已矣。

第二十三章 結論

讀以上諸章。可知先秦諸哲之學術。其精深博大爲何如。夫此所語者。政治思想之一部分耳。他多未及。而其足以觸發吾儕者已如此。『今之少年。喜謗前輩』。或撫拾歐美學說之一鱗一爪。以爲抨擊之資。動則『誣其祖』。『曰』。『昔之人無聞知』。『嘻』。『何其傷於日月乎。多見其不知量也』。

姑舍是。吾儕今日所常有事者。在『如何而能應用吾先哲最優美之人生觀。使實現於今日』。此其事非可以空言也。必須求其條理。以見諸行事。非可恃先哲之代吾儕解決也。必須當時此地之人類。善自爲謀。今當提出兩問題。以與普天下人士共討論焉。

其一。精神生活與物質生活之調和問題。吾儕確信『人之所以異於禽獸者』。在其有精神生活。但吾儕又確信人類精神生活不能離卻物質生活而獨自存在。吾儕又確信人類之物質生活。應以不妨害精神生活之發展爲限度。太豐妨焉。太艱亦妨焉。應使人人皆爲不豐不艱的平均享用。以助成精神生活之自由而向上。吾儕認儒家解答本問題。正以此爲根本精神。於人生最爲合理。道家之主張『無欲』。墨家之主張『自苦』。吾儕固認爲不可行。但如道家中楊朱一派及法家中之大多數所主張。一若人生除物質問題外無餘事。則吾儕決

不能贊同。吾儕認物質生活不爲維持精神生活之一種手段，決不能以之占人生問題之主位。是故近代歐美是流行之「功利主義」「唯物史觀」……等等學說。吾儕認爲根柢極淺薄，決不足以應今後時代之新要求。雖然，吾儕須知，現代人類受物質上之壓迫，其勢力之暴，迥非前代比。科學之發明進步，爲吾儕所不能拒，且不應拒。而科學勃興之結果，能使物質益爲畸形的發展，而其權威亦益猖獗。吾儕若置現代物質情狀於不顧，而高談古代之精神，則所謂精神者，終久必被物質壓迫，全喪失其效力。否亦流爲形式，以獎虛僞已耳。然則宗唯物派之說，遂足以解決物質問題乎？吾儕又斷言其不可能。現代物質生活之發展於畸形，其原因發於物界者固半，發於心界者亦半。近代歐美學說——無論資本主義者流，社會主義者流，皆獎勵人心以專從物質界討生活，所謂「以水濟水，以火濟火，名之曰益多」，是故雖百變其途，而世之不寧且滋甚也。吾儕今所欲討論者，在現代科學昌明的物質狀態之下，如何而能應用儒家之「均安主義」（用論語文意），使人人能在當時此地之環境中，得不豐不穀的物質生活實現而普及。換言之，則如何而能使吾中國人免蹈近百餘年來歐美生計組織之覆轍，不至以物質生活問題之糾紛，妨害精神生活之向上。此吾儕對於本國乃至對於全人類之一大責任也。

其二，箇性與社會性之調和問題。宇宙間曾無不受社會性之影響束縛而能超然存在的箇人，亦曾無不藉箇性之縱演推盪而能塊然具存的社會。而兩者之間，互相矛盾互相妨礙之現象，亦所恆有。於是對此問題態度，當然有兩派起焉。箇人力大耶？社會力大耶？必先改造箇人方能改造社會耶？必先改造社會方能改造箇人耶？認社會爲箇人而存在耶？認箇人爲社會而存在耶？據吾儕所信，宇宙進化之軌則，全由各箇人常出其活的心

力改造其所欲至之環境，然後生活於自己所造的環境之下。儒家所謂『欲立立人，欲達達人』，『能盡其性，則能盡人之性』，『全屬此旨。此爲合理的生活，毫無所疑。墨法兩家之主張，以機械的整齊，箇人使同治一爐，同鑄一型，結果至箇性盡被社會性吞滅，此吾儕所斷不能贊同者也。雖然，吾儕當知古代社會簡而小，今世社會複而龐，複而龐之社會，其威力之足以壓迫箇性者，至偉大。在惡社會之下，則良的箇性殆不能以自存，議會也，學校也，工廠也……凡此之類，皆大規模的社會組織，以箇人納其間，眇若太倉之一粟。吾儕既不能絕對的主張性善說，當然不能認箇人集合體之羣衆可以無所待而止於至善。然則以客觀的物準整齊而畫一之，安得不謂爲持之有故言之成理？彼含有機械性的國家主義社會主義，所以大流行於現代，固其所也。吾儕斷不肯承認機械的社會組織爲善美。然今後社會日趨擴大，日趨複雜，又爲不可逃避之事實。如何而能使此日擴日複之社會不變爲機械的，使箇性中心之『仁的社會』能與時勢駢進而時時實現，此又吾儕對於本國乃至全人類之一大責任也。

吾確信此兩問題者非得合理的調和，末由拔現代人生之黑暗痛苦，以致諸高明。吾又確信此合理之調和必有途徑可尋，而我國先聖實早予吾儕以暗示。但吾於其調和之程度及方法，日來往於胸中者十餘年矣。始終蓋若或見之，若未見之。孔子曰：『不憤不啓，不悱不發。』孟子曰：『有終身之憂，無一朝之患也。』乃若所憂則有之，『嗚呼！如吾之無似，其能藉吾先聖哲之微言以有所靖獻於斯世耶？吾終身之憂何時已耶？吾先聖哲偉大之心力，其或終有以啓吾憤而發吾悱也。』

附錄 先秦政治思想

(在北京法政專門學校五四講演)

一

先秦政治思想有研究的價值嗎？政治是現代的，是活的，研究政治的人，研究到二千年前書本上的死話，他們的社會組織和我們不同，他們所交接的環境和我們不同，他們所要解決的問題和我們不同，研究他們的思想有什麼用處呢？不錯，我且問，歐美的社會組織和我們同嗎？所交接的環境和我們同嗎？所要解決的問題和我們同嗎？我們為什麼要研究歐美政治思想？須知具體的政治條件，是受時間空間限制的，抽象的政治原則，是不受時間空間限制的。『政治學』是要發明政治原則，再從原則上演繹出條件來，那麼，凡關於講政治原則的學說，自然都是極好的研究資料，沒有什麼時代的區別和地方的區別，所以我覺得研究先秦政治思想和研究歐美政治思想，兩樣的地位和價值，都差不多，說是空話，都是空話，說有實用，都有實用。

政治是國民心理的寫照，無論何種形式的政治，總是國民心理積極的或消極的表現，積極的表現，是國民心目中有了某種理想的政治，努力把牠建設起來，消極的表現，是國民對於現行政治安習他默認他，凡一種政治所以能成立能存在，不是在甲狀態之下，即是在乙狀態之下，所以研究政治，最要緊的是研究國民心理，要改革政治，根本要改革國民心理，國民心理固然是會長會變，但總是拿歷史上遺傳做根核，遺傳的成分，種類


很多，而以先代賢哲的學說爲最有力，因爲他們是國民心中的偶像，國民崇拜他們，他們說的話像一顆穀種，那麼小，一代一代的播殖在國民心中，他會開枝發葉成一大樹，所以學政治的人，對於本國過去的政治學說，絲毫不能放過，好的固然要發揚他，壞的也要察勘他，要弄清楚國民心理的來龍去脈，纔能對證下藥。

『先秦』這個名詞，指的是春秋戰國時代，那時代是中國歷史上變動最劇的時代，當時所謂諸夏，所謂夷狄，以同一速率的發展，惹起民族大混合，社會組織從封建制度全盛以至崩壞，從貴族階級成立以至消滅，經無數波瀾起伏，中間還有好幾個國，屬於別系文化，把一種異樣的社會組織攙進來，經濟狀況日日變動，人口比從前加增，交通比從前頻繁，工商業漸漸發生，大都市漸漸成立，土地由公有變爲私有，幾個大國對立，一面努力保持均勢，一面各求自己勢力增長，政治上設施，常常取競走態度，經唐虞三代以來一千多年文化的蓄積，根柢已很深厚，到這時候盡情發洩，加以傳播思想的工具日益利便，國民交換智識的機會甚多，言論又極自由，合以上種種原因，所以當時思想界異常活潑，異常燦爛，不惟政治各方面都是如此，我們的民族性，又是最重實際的，無論那一派的思想家，都以濟世安民爲職志，差不多一切議論，都歸宿到政治，所以當時的政治思想，真算得百花齊放，萬壑爭流，後來從秦漢到清末二千年間，都不能出其範圍，我們若研究過去的政治制度，政治狀態，自然時代越發近越發重要，若研究過去的政治思想，僅拿先秦做研究範圍，也就夠了。

二

先秦學派最有力的四家，一儒家，二道家，三墨家，四法家，先秦政治思想，有四大潮流，一無治主義，二人治主義，

三禮治主義。四法治主義。把四潮流分配四家系統如下。



無治主義等於無政府主義。是道家所獨倡。有許行一派。後人別立一名叫做農家。其實不過道家支流。這種主義結果等於根本取消政治。所以其餘三家都反對他。但他的理想卻被後來法家採用一部分去。禮治主義是儒家所獨有。其餘三家都排斥他。但儒家實是人治禮治並重。他最高的理想也傾向到無治。惟極端的排斥法治。人治主義本來是最素朴平正的思想。所以儒墨兩家都用他。墨家因為帶宗教氣味最深。所以他的人治也別有一種色彩。然而專講人治到底不能成爲一派壁壘。所以墨家的末流也趨到法治。法治主義是最後起最進步的。因這個主義纔成了一個法家的學派名稱。其實這一派的學說也可以說是將道儒墨三家之說熔鑄而成。

我們要研究四家的政治學說。墨家的書只有一部墨子。道家的書向來以老子列子莊子三部爲中心。列子是僞書。應該剔去。莊子談政治的地方甚少。可以不看。最主要的還是一部老子。儒家的書以論語孟子荀子爲中心。禮記裏頭也有許多補助資料。法家的書以尹文子韓非子爲中心。管子和商君書雖然不是管仲和商鞅所作。卻是法家重要典籍。應該拿來參考。我這回講義的取材就以這幾部書爲範圍。

三

在分講這幾個主義以前，先講各家共通的幾點。這幾點或者就可以認為中國人政治思想的特色。

第一，中國人深信宇宙間有一定的自然法則，把這些法則適用到政治，便是最圓滿的理想政治。這種思想，發源甚古，我們在書經詩經裏頭，可以發見許多痕跡。書經說：

『天敘有典，勅我五典，五惇哉。天秩有禮，自我五禮有庸哉。』

『天乃錫禹洪範九疇，彝倫攸敘。』

詩經說：

『天生烝民，有物有則，民之秉彝，好是懿德。』

『不識不知，順帝之則。』

所謂『天』，其實是自然界代名詞。老子所謂『道法自然』，孔子所謂『天垂象，聖人則之』，墨子所謂『立天志以爲儀式』，都是要把自然界的理應用到人事。這一點是各派所同認，惟實現這自然法則的手段，各家不同。主張無治主義的，以爲只要放任人民做去，他會循自然法則而行，稍爲干涉，便違反自然了。主張人治主義的，以爲這抽象的自然法則，要有個具體的人去代表他，得這個人做表率，自然法則便可以實現。主張禮治主義的，以爲要把這自然法則演出條目來，靠社會的制裁力，令人遵守。主張法治主義的，以爲社會的制裁力還不够，要把這些自然法則變爲法律，用國家的制裁力實行他。四派的分別在此。

我們試檢查這種根本思想對不對。有無流弊。頭一件先問自然法則到底有無。說有罷。用什麼標準把他找出來。找出來是否真對。這兩個問題。我們都有點難於答覆。我們的先輩。既已深信有自然法則。而且信那自然法則是普遍的。固定的。所以思想不知不覺就偏於保守。養成傳統的權威。這是第一種流弊。認自然為至善的境界。主張人類要投合他效法他。容易把人的個性壓倒。這是第二種流弊。好在客觀的片。法則。總要經過人類主觀的關門。纔表現出來。人類對於自然界的觀念。常常會變遷會進步。他所認的自然法則。也跟着變遷進步。所以這種思想。若能善於應用。也不見得有多大毛病。

第二。君位神授。君權無限。那一類學說。在歐洲有一個時代很猖獗。我們的先哲。大抵都不承認他是合理。我們講國家起源。頗有點和近世民約說相類。可惜只到霍布士洛克一流的見地。沒有到盧騷的見地。這也是時代使然。不足深怪。人類為什麼要有國家呢。國家為什麼要有政府呢。政府為什麼要一個當首長呢。對於這個問題。各家的意見都不甚相遠。這種意見。像是在遠古時代已經存在的。論語記堯舜傳授的話說。

『允執其中。四海困窮。天祿永終。』

左傳記師曠的話說。

『天生民而立之君。使司牧之。豈其使一人恣於民上。』

這種學說。相傳很久。後來各家論政治起源。大率根本此說。以為國家之建設。實起於羣衆意識的要求。例如儒家說。

『水火有氣而無生。草木有生而無知。禽獸有知而無義。人有氣有生有知亦且有義。故最為天下貴也。』

不若牛，走不若馬，而牛馬爲用何也？曰：人能羣，彼不能羣也。人何以能羣？曰：分。……故人生不能無羣，羣而無分則爭，爭則亂，亂則離，離則弱，弱則不能勝物。君者善羣者也。」荀子王制篇

墨家說

『古者民始生，未有刑政之時，蓋其語人異義，是以一人則一義，二人則二義，十人則十義，其人茲益，同義也衆其所謂義者亦茲衆，是以人是其義，以非人之義，故交相非也。是以內者父子兄弟作怨惡，離散不能相和合，天下百姓皆以水火毒藥相虧害，至有餘力不能以相勞，腐朽餘財不以相分，……明夫天下之亂生於無政長，是故選天下之賢可者，立以爲天子，……』墨子尚同篇

法家說

『古者未有君臣上下之別，未有夫婦妃匹之合，獸處羣居，以力相征，於是智者詐愚，强者凌弱，老幼孤弱，不得其所，故智者假衆力以禁強虐，而暴人止，……是故國之所以爲國者，民體以爲國，君之所以爲君者，賞罰以爲君。』管子君臣篇

又說

『天地設而民生之，當此之時也，民知其母而不知其父，其道親親而愛私，親親則別，愛私則險，民生衆而以別險爲務，則有亂，當此之時，民務勝而力征，務勝則爭，力征則訟，訟而無正，則莫得其性也，故賢者立中，設無私，而民日仁，當此時也，親親廢，上賢立矣。凡仁者以愛利爲務道，而賢者以相出爲務，民衆而無制，久而相出爲道，則有亂，故聖人承之，作爲土地貨財男女之分，分定而無制，不可，故立禁，禁而莫之司，不可，故

立官。官設而莫之一不可。故立君。既立其君。則上賢廢而貴貴立矣。」商君書開塞篇

各家之說。皆爲救濟社會維持安寧秩序起見。不得不建國。不得不立君。荀子所注重者。在人類征服自然。有互助之必要。乃相結爲羣。而立君以爲司之。故「君」實以「羣」得名。墨子則以爲欲齊壹社會心理。形成社會意識。所以有立君的必要。管子所說。和諸家大致相同。他說「民體以爲國。」對於「國家以民衆意識爲成立基礎」的觀念。指點得很明瞭。然則國家的首長——即君主。從那裏發生出來呢。儒家根據「天生民而立之君」的舊說。說是由天所命。但天是個冥漠無朕的東西。此說未免太空泛了。墨家說「選天下之賢可者。」像是主張君位由選舉產出。但選舉機關在那裏。選舉程序如何。墨家未嘗明言。法家的商君書。把國家成立分爲三階段。第一段是血族社會。靠「親親」來結合。第二段是部落社會。靠「上賢」來結合。第三段纔是國家社會。卻靠「貴貴」來結合。他所說和事實很相近。我們拿歐洲歷史——就中日耳曼民族歷史。都可以證明各家所說。雖小有異同。但有一共通精神。他們都認國家是由事實的要求纔產生的。國家是在民衆意識的基礎之上纔成立的。近代歐美人所信仰的三句政府原則——所謂 *Of people, for people, by people*，他們確能見到。of, for, 這兩義。尤爲看得真切。所以他們向來不承認國家爲一個君主或某種階級所有。向來不承認國家爲一個君主或某種階級的利益而存在。所以他們認革命爲一種正當權利。易經說。

「湯武革命。順乎天而應乎人。」

孟子說。

「殘賊之人。謂之一夫。聞誅一夫。紂矣。未聞弑君也。」

這種道理，儒家闡發最透，各家精神亦大略相同，所以中國階級制度消滅最早，除了一個皇帝以外，在法律之前萬人平等，而皇帝也不是什麼『神聖不可侵犯』的東西，經濟組織以全國人機會均等為原則，像歐洲那種大地主和農奴對峙的現象，中國簡直沒有，都是由這種學說生出來的影響。

第三，中國人對於國家性質和政治目的，雖看得不錯，但怎麼樣纔能貫徹這目的呢？可惜沒有徹底的發明，申而言之，中國人很知民衆政治之必要，但從沒有想出個方法叫民衆自身執行政治，所謂 *By people* 的原則，中國不惟事實上沒有出現過，簡直連學說上也沒有發揮過，書經說：

『天視自我民視，天聽自我民聽。』孟子引泰誓

像這種類的話，各家書中都有，但『民視民聽』怎麼樣纔能表現呢？各家都說不出來，管子說：

『以天下之目視，則無不見也；以天下之耳聽，則無不聞也；以天下之心慮，則無不知也。』管子九守篇

又說：

『夫民別而聽之則愚，合而聽之則聖。雖有湯武之德，復合於市人之言，是以明君順人心，安情性，而發於衆心之所聚……先王善與民爲一體，與民爲一體，則是以國守國，以民守民也。』管子君臣篇

這種話，原理是說得精透極了，但實行方法仍不外勸那『治者』採取那『被治者』的輿論，治者和被治者，還是打成兩橛，尹文子的見解稍爲進步些，他說：

『爲善不能使人得從，此獨善也；爲巧不能使人得從，此獨巧也。未盡善巧之理，爲善與衆行之，爲巧與衆能之，此善之善者，巧之巧者也。所貴聖人之治，不貴其獨治，貴其能與衆共治；貴工倕之巧，不貴其獨巧，貴

其能與衆共巧也。』尹文子
大道篇

『與衆共治』一語，可以說很帶德謨克拉西色彩，但他是否逕主張民衆進而自治，還不很明瞭。他又說，

『己是而舉世非之，則不知己之是；己非而舉世是之，亦不知己所非。然則是非隨衆賈即價而爲正，非己

所獨了，則犯衆者爲非，順衆者爲是。』同上

這段話，把民衆意識的價值，赤裸裸地批判，民衆政治好的壞的兩方面，確都見到。但他對於這種政治，言外含有不滿之意，不見得絕對主張。

第四，中國人說政治，總以『天下』爲最高目的。國家不過與家族同爲達到這個最高目的中之一階段。儒家說的『平天下』禮記大學，『以天下爲一家，中國爲一人』禮記禮器，道家說的『以天下觀天下』老子，這類話到處皆是，不必多引了。法家像很帶有國家主義的色彩，然而他們提倡法治，本意實爲人類公益起見，並不是專爲一個國家。所以商君書修權篇說：『爲天下治天下』，而斥『區區然擅一國者』爲『亂世』。至於墨家，越發明瞭了。

墨子說，

『天兼天下而愛之……天之有天下也，譬之無以異乎國君諸侯之有四境之內也……』天志篇

『夫取天之人，以攻天之邑，此刺殺天民……上不中天之利矣……』非攻篇

墨子說的『天志』說的『兼愛』，都是根本於這種理論。他的眼中，並沒有什麼國家的界限，所以他屢說『視人之國若其國』兼愛篇

這樣看來，先秦政治學說，可以說是純屬世界主義。像歐洲近世最流行的國家主義，據我們先輩的眼光看來，覺得很褊狹可鄙。所以孔子墨子孟子諸人，周遊列國，誰採用我的政策，我便幫助他。從沒聽見他們有什麼祖國的觀念，因為他們覺得自己是世界上一個人，並沒有專屬於那一國。又如秦國的政治家，從由余百里奚起到商鞅張儀范雎李斯止，沒有一個是秦國國籍。因為他們覺得世界上一個行政區域（國）應該世界上有才能的人都有權來共同治理。若拿現代愛國思想來責備他們，那麼簡直可以說春秋戰國時代的人，個個都是無廉恥，個個都是叛逆。然而拿這種愛國思想和他們說，他們總覺得是不可解。須知歐洲的法蘭西和德意志，當沙里曼大帝時，只是一國。到今日卻成了幾百年的世仇。中國的晉和楚，當春秋時劃然兩國。秦漢以後，便一點界限痕跡都沒有。現在若有人說你是山西國民，我是湖北國民，豈非笑話。可見彼我學說之異同，影響於歷史上事實者至大。我們所以能化合成這麼大的一個民族，很受這種世界主義政治論之賜。而近二三十年來，我們摹仿人家的國家主義，所以不能成功，原因亦由於此。所以這派學說，在從前適用，在將來也會適用。在現在真算最不適用了。

四

前回講的四大潮流，現在要分別論他。

無治主義，是道家所極力提倡的。全部老子，可以說有三分之一是政治論。他的政治論，全在說明無治主義的理想和作用。無治主義，如何能在學理上得有根據呢？據老子的意思，以為人民自己會做自己的事，只要隨他

做去，自然恰到好處，他說：

『民莫之令而自均。』

又說：

『我無爲而民自化，我好靜而民自正，我無事而民自富，我無欲而民自樸。』

這種論調，很像亞丹斯密的一派經濟學說，以爲只要絕對的放任自由，自然會得良好結果，所以凡帶一點干涉，他都反對，他說：

『夫代大匠斲者，希有不傷其手矣。』

又說：

『天下神器，不可爲也，爲者敗之，執者失之。』

又說：

『愛民治國，能無知乎？明白四達，能無爲乎？……生之畜之，生而不有，爲而不恃，長而不宰，是謂玄德。』

這種話，對於政治上干涉行爲，一切皆絕對否認，像『代大匠斲必傷其手』這種見解，我們不能不承認爲含有一面真理，我想起歐洲某學者有兩句妙語，說：『英國王統而不治，法國總統治而不統。』老子『長而不宰』這句話，正可以拿『統而不治』來做訓詁。

這種絕對自由論調，論理，他的結論應該歸到人民自治那條路去，例如英國王統而不治，所以『治』的權自然是歸到人民組織的國會，老子卻不是這樣想，他以爲這樣子還是『爲』，還是『執』，還是『宰』，還是『

代斲。」對於無治主義不能貫徹，他理想的政治社會是

「小國寡民，使有什伯之器而不用，使民重死而不遠徙，雖有舟輿，無所乘之；雖有甲兵，無所陳之；使人復結繩而用之，甘其食，美其服，安其居，樂其俗，鄰國相望，雞犬之聲相聞，民至老死不相往來。」

這種主張，不獨說人民不應該當被治者，並且說不應該當治者，因為他根本認『治』是罪惡，被治和自治，在他眼中原沒甚分別。

後世信奉這主義最熱烈的，有和孟子同時的許行，許行的門徒陳相說：

「賢者與民並耕而食，饔飧而治，今也滕有倉廩府庫，則是厲民而以自養也。」孟子滕文公上

又說：

「從許子之道，則市價不二，國中無偽，雖使五尺之童適市，莫之或欺……」同上

正祖述老氏之說，和現代無政府黨同一口吻。

我們要問，老子許子心目中的『烏託邦』要有什麼先決條件纔能實現呢？我們從老子書中察勘得出來，他說：

「不尚賢，使民不爭，不貴難得之貨，使民不爲盜，不見可欲，使民心不亂。」

又說：

「見素抱樸，少私寡欲。」

不錯，果然能够人人都少私寡欲，自然可以鄰國相望……老死不相往來，自然用不着甚麼被治自治，你說不

尙賢使民不爭，他們自己會『尙』起來呀！你說不見可欲，使民心不亂，拿可欲的給他見，固然是干涉，一定不許他見，還不是干涉嗎？況且他自然會見，自然會欲，你又從何禁起呢？荀子說：

『人生而有欲，欲而不得，則不能無求，求而無度量分界，則不能不爭，爭則亂……』禮論篇

韓非子亦說：

『古者不事力而養足，人民少而財有餘，故民不爭……今人民衆而貨財寡，事力而供養薄，故民爭……』

五蠹篇

老子的無治主義，以人民不爭不亂爲前提。荀子韓子從經濟上觀察，說明老子所希望的不爭不亂萬萬辦不到。孟子駁難許行，也是從經濟方面立論。老子之徒若不能反駁，那麼無治主義算是受了致命傷了。

五

人治主義，是儒家墨家共同的。拿現在的話講，就是主張賢人政治。孔子說：

『爲政在人……其人存則其政舉，其人亡則其政息。』禮記中庸

又說：

『修己以安人，修己以安百姓。』語論

諸如此類，不可枚舉。孟子說的『法先王』，荀子說的『法後王』，歸根結底，不外人治主義。荀子更明目張膽，擡出人治主義和法治主義宣戰，說道：

「有治人無治法……法不能獨立，類不能自行，得其人則存，失其人則亡……」君道篇

孟子較為帶折衷精神，說道：

「徒善不足以爲政，徒法不能以自行。」離婁上

然而孟子所謂法，不外「遵先王之法」，也可以說仍在人治範圍內。他說的「行仁政」說的「保民而王」都是靠賢人做去，所謂「苟非其人，道不虛行」，可以算他最後的結論。

墨家的人治主義，主張得尤爲簡單堅決。「尙賢」「尙同」是墨家所標主義裏頭很重要的兩種。尙賢主義，和老子的「不尙賢使民不爭」恰是反面。他主張的理由如下：

「何以知尙賢爲政之本也？曰：自貴且智者爲政，乎愚且賤者則治；自愚且賤者爲政，乎貴且智者則亂……」

「……且夫王公大人……不察其知而以其愛，是故不能治百人者，使處乎千人之官，不能治千人者，使處乎萬人之官……夫不能治千人者，使處乎萬人之官，則此官什倍也。夫治之法，將以日至者也。日以治之日，不什脩，知以治之，治不什益，而予官什倍，此則治其一而棄其九矣……」尙同中

這些話是針對當時貴族政治立言，很含有一部分精理。拿歐美官署或公司裏頭的辦公人和中國比較，他們的勞力能率，總要比我們加好幾倍。我們都是「以不能治千人者，處萬人之官」。我有位朋友曾說兩句話很妙。他說：「人人都說中國國民程度不夠，我說只有國官程度不夠。」墨子這一派尙賢主義，可以說現在還該極力提倡，而且我信他永久可以適用。

墨子的尙同主義，也是從尙賢引申出來，而結果益趨於極端。他說：

「是故里長者里之仁人也。里長發政里之百姓，言曰：『聞善而或調不善，必以告其鄉長。鄉長之所是，必皆是之；鄉長之所非，必皆非之。去若汝不善言，學鄉長之善言；去若不善行，學鄉長之善行。』……鄉長惟能壹同鄉之義，是以鄉治也。」

鄉長者鄉之仁人也。鄉長發政鄉之百姓，言曰：『聞善而不善，必以告國君。國君之所是，必皆是之；國君之所非，必皆非之。……』國君惟能壹同國之義，是以國治也。」

國君者國之仁人也。國君發政國之百姓，言曰：『……天子之所是，必皆是之；天子之所非，必皆非之。……』

「天子唯能壹同天下之義，是以天下治也。……」上句同

又說，

「明乎民之無正長，以一同天下之義而天下亂也，是故選擇賢良聖知辯慧之人，立以爲天子，使從事乎一同天下之義。天子既以已同立矣，以爲唯其耳目之請情字不能獨一同天下之義，是故選擇天下贊聞賢良聖知辯慧之人，置以爲三公，與從事乎一同天下之義，以爲天下博大山林遠土之民不可得而一也，是故靡分天下，設以爲萬諸侯國君，使從事乎一同其國之義……率其國之萬民以尙同乎天子……凡國之萬民上同乎天子而不敢下比，天子之所是，必亦是之；天子之所非，必亦非之。……」尙同中

墨子這種主張，可以叫做徹底的賢人政治，可以叫做絕對的干涉主義。他要『壹同天下之義』，要『是上之所是，非上之所非』，要人人都『上同而不敢下比』，簡直連思想言論的自由，都剝奪淨盡了。墨子爲什麼信任天子到這種程度呢？他說：

「天子之視聽也神……非神也。夫唯能使人之耳目助己視聽，使人之吻助己言談，使人之心助己思慮，使人之股肱助己動作……」下同

他的意思，因為天子能尙賢，所以可信任，尙賢尙同，是連帶的理論。

墨子的主張，要有一個先決條件，倘若國君一定是一國的仁人，天子一定是天下的仁人，那麼，這種學說，還可以有相對的成立餘地。試問墨子有何方法能夠保證呢？墨子說：「選舉天下之賢可者，立以為天子。」不錯，選舉是好極了，由甚麼人選舉呢？怎麼選舉法呢？選舉出來的人何以靠得住？是「天下賢良聖知辯慧」呢？可惜墨子對於這種種種問題，都沒有給我們滿意的答覆。但我們細讀墨子書，大略看出他的方法來了。墨家是一個宗教，教主自然認為天下最仁賢的人，教主死了過後，承襲教主道統的，也是天下最仁賢的人。這個人，墨家上他一個徽號，叫做「鉅子」。我們從傳記中看見好幾處記鉅子的行動，可以看出他在本教中權力如何。簡單說，倘若墨教統一中國，恐怕要採用歐洲中世羅馬教徒所主張的「法王政治」。這種政治，教徒當然說是最好，但到底好不好，用公平的政治學者眼光看來，怕沒有什麼可商量的餘地罷。

墨家的人治主義，本來太極端，不須多辨，即儒家之中庸的人治主義，可指摘處亦甚多。後來法家駁得極透徹，尹文子說：

「田子田讀書曰：堯時太平，宋子宋曰：聖人之治以致此乎？彭蒙在側，越次而答曰：聖法之治以致此，非聖人之治也。宋子曰：聖人與聖法何以異？彭蒙曰：子之亂名甚矣。聖人者，自己出也；聖法者，自理出也。理出於己，己非理也；己能出理，理非己也。故聖人之治，獨治者也；聖法之治，則無不治矣。」大道下

此言對於人治法治兩觀念根本不同之處說得最爲明白。然則何以見得『聖法之治則無不治』呢？尹文子又說：

「若使遭賢則治，遭愚則亂，是治亂繫於賢愚，不係於禮樂，是聖人之術，與聖主而俱沒。治世之法，逮易世而莫用，則亂多而治寡……」上大道

韓非子亦說：

「且夫堯舜桀紂，千世而一出……中者上不及堯舜，而下亦不爲桀紂，抱法……則治，背法……則亂，背法而待堯舜，堯舜至乃治，是千世亂而一治也；抱法而待桀紂，桀紂至乃亂，是千世治而一亂也。」篇離勢

這兩段都是說「人存政舉，人亡政息」，不是國家長治久安之計。最能指出人治主義的根本缺點。韓非亦以大多數的「中人」爲標準，說得更爲有力。

人治主義派自己辨護，或說雖有良法，不得人而用之，亦屬無效。法治派反駁道：

「……夫曰良馬固車，臧獲御之，則爲人笑。王良御之，則日取乎千里。吾不以爲然。夫待越人之善海游者，以救中國之溺人，越人善游矣，而游者不濟矣。夫待古之王良以馭今之馬，亦猶越人救溺之說也，不可亦明矣。夫良馬固車，五十里而一置，使中手御之，追速致遠，可以及也。而千里可日致也，何必待古之王良乎？且御非使王良也，則必使臧獲敗之，治非使堯舜也，則必使桀紂亂之。此則積弊累辭，離理失實，兩未之議也。」韓非子 離勢篇

這一段說的是「人無必得之券，則國無必治之符」。政權總是有人把持的，希望賢人政治的人，碰不着賢人。

政權便落不肖者之手，豈不是全糟了嗎？法治則中材可守，所以穩當。

法治派之駁難人治，再進一層說道：

「夫言行者，以功用爲之的，數者也。夫砥礪殺矢，而以妄發，其端未嘗不中秋毫也，然而不可謂善射者，無常儀也。設五寸之的，引十步之遠，非羿逢蒙不能必中者，有常也。故有常則羿逢蒙以五寸的爲功，無常則

以妄發之中秋毫爲拙。」韓非子問辯篇

此論極刻入，以爲人治主義，不得人固然破壞，即得人也不算成立，因爲偶然的事實，不能作爲學理標準。學理標準，是要含必然性的。

法治派對於人治派之尙賢故策，還有一種攻擊，說道：

「今上論材能知慧而任之，則知慧之人希，主好惡，使官制物以適主心，是以官無常，國亂而不壹。」商君書戰篇

前所舉各條，不過說賢人不易得，並非說賢人不好，還是消極的排斥。這一條說尙賢根本要不得，是積極的排斥，雖說得過火些，卻也含一部分真理。

平心論之，人治主義，不能說他根本不對，只可惜他們理想的賢人靠不住，能出現，欲貫徹人治主義，非國中大多數人變成賢人不可。儒家的禮治主義，目的就在救濟這一點。

禮治主義是儒家所獨有的，也是儒家政治論的根本義。孔子說：

『道之以政，齊之以刑，民免而無恥。道之以德，齊之以禮，有恥且格。』語論

當時法治的學說，雖尚未盛行，然而管仲子產一流的政治家，已有趨重法治的傾向。孔子這段話，算是對於當時的政治實際狀況，表示自己的態度。

禮到底是甚麼？我們試把儒家所下的定義參詳一番。

『禮也者，理之不可易者也。』禮記樂記

『禮者，因人情之節文，以爲民坊者也。』禮記坊記

『禮也者，義之實也。』禮記禮運

『禮也者，節之準也。』荀子致士篇

『禮，衆之紀也。』禮記禮器

『禮者，斷長續短，損有餘，益不足，達愛敬之文，而滋成行義之美者也。』荀子禮論篇

儒家最崇信自然法。禮是根本自然法制成具體的條件，作人類行爲標準的東西。

然則禮爲什麼可以做政治的工具呢？儒家說：

『禮起於何也？人生而有欲，欲而不得，則不能無求，求而無度量分界，則不能不爭，爭則亂，亂則窮。先王惡其亂也，故制禮義以分之，以養人之欲，給人之求，使欲必不窮乎物，物必不屈於欲，兩者相持而長，是禮之所起也。……故禮者，養也。君子既得其養，又好其別，曷謂別？曰：貴賤有等，長幼有差，貧富輕重皆有稱者也。』

『荀子禮
論篇』

又說。

『天下害生縱欲，欲惡同物，欲多而物寡，寡則必爭矣……離居不相待則窮，羣而無分則爭，窮者患也，爭者禍也，救患除禍，莫若明分。』荀子富國篇

又說。

『飲食男女，人之大欲存焉，死亡貧苦，人之大惡存焉，故欲惡者，心之大端也……欲一以窮之，舍禮何以

哉。』禮記禮運

他們從經濟上着眼，以為社會所以有爭亂，都起於人類欲望的衝動。道家主張無欲，雖然陳義甚高，無奈萬做不到，他們承認欲望的本質不是壞的，但要給他一個度量分界，纔不至以我個人過度的欲望侵害別人分內的欲望，這種度量分界，名之曰禮，所以說，『禮者，因人情之節文，以為民坊。』他們以為這種「根據人情加以修正」的禮，是救濟社會最善最美的工具，所以說，

『禮豈不至矣哉……至文以有別，至察以有說，天下從之者治，不從者亂，從之者安，不從者危……故繩墨誠陳矣，則不可欺以曲直，衡誠縣矣，則不可欺以輕重，規矩誠設矣，則不可欺以方圓，君子審於禮，則不可欺以詐偽，故繩者直之至，衡者平之至，規矩者方圓之至，禮者人道之極也。』荀子禮論篇

我們讀了這段話，不知不覺把禮治家所謂禮和法治家所謂法聯想到一起，法家說，

『有權衡者不可欺以輕重，有尺寸者不可差以長短，有法度者不可誣以詐偽。』馬氏意林引慎子

此外法家書這一類話還甚多，恕我不一一徵引了。

儒家讚美他的禮，法家讚美他的法，用的都是一樣話，究竟這兩件東西是一是二呢？那一件真能有這種功用呢？孔子有段話說得最好：

『君子之道，譬猶防歟。夫禮之塞，亂之所由生也。猶防之塞，水之所從來也。……凡人之知，能見已然，不能見將然，禮者禁於將然之前，而法者禁於已然之後。……禮云禮云，貴絕惡於未萌，而起敬於微眇，使民日

徙善遠罪而不自知也。』大戴禮記 禮察篇

法是事後治病的藥，禮是事前防病的衛生術，這是第一點不同。孔子又說：

『禮義以爲紀。……示民有常，如有不由此者，在勢者去，衆以爲殃。』禮記 禮運

法是靠政治制裁力發生作用，在這個政府之下，就不能不守這個政府的法，禮卻不然，專靠社會制裁力發生作用，你願意遵守禮與否，儘隨你自由，不過你不遵守時，社會覺得你是怪物，你在社會上便站不住，制裁力源泉各別，是禮與法第二點不同。

禮治絕不含有強迫的意味，專用教育手段慢慢地來收效果，論語記。

『子適衛，冉有僕。子曰：庶矣哉。冉有曰：既庶矣，又何加焉？曰：富之。既富矣，又何加焉？曰：教之。』

提倡禮治主義的人，專務『移風易俗』，最高目的是『使人人有士君子之行』，他們以爲經過這一番工夫，便可以『無爲而治』，孔子說：

『大道之行也，天下爲公，選賢與能，講信修睦，故人不獨親其親，不獨子其子，使老有所歸，壯有所用，幼有

所長。鰥寡孤獨廢疾者皆有所養。男有分。女有歸。貨惡其棄於地也。不必藏諸己。力惡其不出於身也。不必爲己。是故謀閉而不興。盜竊亂賊而不作。是謂大同。」禮記禮運

這是儒家理想的社會。把社會建設在兼愛助互的基礎之上。真可以實行無治主義了。但何以能如此呢。下文說，

「故聖人能以天下爲一家。中國爲一人者。非意之也。必知其情。辟於其義。明於其利。達於其患。然後能爲之。何謂人情。喜怒哀懼愛惡欲。七者弗學而能。何謂人義。父慈子孝。兄良弟弟。夫義婦聽。長惠幼順。君仁臣忠。十者謂之人義。講信修睦。謂之人利。爭奪相殺。謂之人患。故聖人之所以治人。七情修十義。講信修睦。尙賢讓去爭奪。舍禮何以治之。」同上

據上所說。禮治主義的根本精神大略可見了。這種禮治主義。儒家雖然說得很圓滿。然而逃不了四方八面的攻擊。道家因爲他帶有干涉氣味。違反自然。所以攻擊他說道。

「失道而後德。失仁而後義。失義而後禮。夫禮者。忠信之薄。而亂之首。」墨家尊實利主義。因爲他偏於形式。而太囁嚅。所以攻擊他說道。

「儒學不可以議世。勞思不可以補民。累壽不能盡其學。當年不能究其禮。」墨子非儒篇

法家和道家正相反。道家因爲他干涉。所以攻擊他。法家因爲他不干涉。所以攻擊他。法家說。

「夫聖人之治國。不恃人之爲吾善也。而用其不得爲非也。恃人之爲吾善也。境內不什數。用人不得爲非。一國可使齊。爲治者。用衆而舍寡。故不務德而務法。……不恃賞罰而恃自善之民。明主弗貴也。何也。……」

所治非一人也。』韓非子
顯學篇

各家攻擊禮治主義之言大略如此。我們試平心把這個主義的價值檢查一番。禮這樣東西，本是以社會習慣爲根據。社會習慣，多半是由歷史上傳統的權威積漸而成。不能認他本質一定是好的。絕對尊重他用作政治上主義，很可以妨害進步。我們實在不敢贊成。但換個方面看來，習慣支配社會的力量實在大得可怕。若不能將習慣改良，一切良法美意都成虛設。儒家提倡禮治主義的深意，是要使『人人有士君子之行。』法家說：『弗貴有自善之民。』儒家正和他們相反。確信非有『自善之民。』則良好政治不能出現。論語陽貨章說：

『子之武城，聞絃歌之聲。夫子莞爾而笑曰：『割雞焉用牛刀。』子游曰：『吾聞之，君子學道則愛人，小人學道則易使也。』子曰：『二三子，偃之言是也。前言戲之耳。』』

這一章很可以見出儒家政論根本精神。他們是要國中人人都受教育，都成爲『自善之民。』他們深信賢人政治，但不是靠一兩個賢人。他們最後目的要把全社會人個個都變成賢人。質而言之，他們以養成國民人格爲政治上第一義。他們反對法治，反對的理由就專爲『民免而無恥。』於國民人格大有妨害。

拿辦學校做比方，法家以爲最要緊是嚴定章程，信賞必罰，令學生整齊嚴肅。學校自然進步。儒家不然，以爲最要緊是養成好學風。得有『自善』的學生，學校乃能進步。法家的辦法，例如每學期只准告假若干次，若干點鐘，過了便扣分數，以爲這樣便可以防懶惰的學生。例如圖書館規則嚴密，規定弄污了如何懲罰，撕破了如何懲罰，以爲這樣便可以防亂暴的學生。儒家以爲專靠這些效力有限得很，而且會生惡結果。你立許多告假章程，防備懶惰，那懶惰的學生，儘可以在不違犯告假章程內，依然實行懶惰。你立許多借書章程，防止亂暴，那亂

暴的學生，當着旁人不見的時候，撕破書，你便無法追究。你要懲罰他時，他可以有法抵賴，所以立法無論若何嚴密，到底不能得豫期的效力。不惟如此，你把學生當作賊一般看待，學生越發不自愛，逼着他想出種種方法，遁逃於法之外，養成取巧或作偽的惡德，便根本不可救藥了。所謂『免而無恥』，即指這種現象。儒家的辦法，以為只要想方法引起做學問的興味，學生自然不會懶惰。只要想方法養成公德觀念，學生自然不會亂暴。在這種學風底下發育的學校，倘若學生中有一兩位懶惰亂暴的，全校學生都不齒他。這種制裁力，比什麼章程罰則都強。禮治的真精神，全在這一點。從這一點看來，法治主義很像從前德國日本的「警察政治」，「禮治主義」很像英美的自由主義。儒家所以站得住的地方在此。若從繁文縟節上求「禮」，便淺之乎視儒家了。

七

法治主義最爲晚出，法治成爲一種系統的學說，起於慎到尹文韓非諸人。然而以前的政治家，早已有人實行這種主義。道儒墨三家的學說，亦有一部分和法治相通。因此後起的學者，鎔貫這些偶現的事實和斷片的學理，組織成一個新派。今請先述法之定義。定義者有廣狹，廣義的「法」如儒家說：

『是以明於天之道，而察於民之故，遂興神物以前民用……一闢一闔謂之變，往來不窮謂之通，見乃謂之象，形乃謂之器，制而用之謂之法。』易繫辭傳

墨家說：

『法，所若而然也。』墨子經上篇

再追尋法字的語原，據說文說：

「灋，刑也。平之如水。从水。廌，所以觸不直者去之，从廌去。」「式，法也。」「範，法也。」「模，法也。」「型，鑄器之法也。」

「法」本字作「灋」，含有平直兩意，其互訓之「刑」，即「型」字，其字从井，井含有平正秩序之義，俗語「井井有條」，即其正訓。型爲器物之模範，法即行爲之模範。墨家說：「法所若而然。」意思是說：「你依着這樣做便對了。」儒家說法的本原在「天之道」與「民之故」。換句話說，就是「社會自然模則」。這種自然法則表現出來的叫做象模範，那象用人力制成的叫做法。把以上幾條歸攏起來，可以下個定義道：「根據平正秩序的自然法則制成一種模型，叫做法。」

依這廣義，凡人類一切行爲的模型，乃至無機物的模型，通謂之法。法家以爲範圍太廣泛了，他們另外下一種狹義解釋，說道：

「法者，憲令著於官府，刑罰必於民心，賞存乎慎法，而罰加乎姦令者也。」韓非子定法篇
又說：

「法者，編著之圖籍，設之於官府，而布之於百姓者也。」韓非子難三篇

從廣義的解釋，則法與禮同爲人類行爲的標準，可以說沒甚分別，而且可以由一個人「以身作則」。法治人治，也可混爲一談。狹義的解釋不然，他們所注重的，是具體的成文法，用國家權力強制執行，法家的特色全在這一點。

說到這裏，應該把古代成文法的沿革，略為研究。現存的三代古籍，沒有一部是用法典形式編成的——周官很像行政法，但這書為戰國以後偽作，已成學界公論。尚書呂刑篇說：

「苗民弗用靈制，以刑，惟作五虐之刑，曰法。」

像是刑法這樣東西，專為統治異族的苗民而設。這種推測，很近情理。因為古代部落社會，大半由血統關係而成立，部落不過大家族，家族的統治，靠情義和習慣便够了，用不着什麼法律。後來和外族競爭的結果，漸漸有些血族以外的人同棲於一社會中，這些人和社會的固有分子沒有什麼情意，和社會的固有習慣常常不相容，於是不能不立些法律來約束他，強迫他。荀子說：

「由士以上，則必以禮樂節之；衆庶百姓，則必以法數制之。」富國篇

荀子時候的「士」和「衆庶」，雖然不是用血統做區別，但這種觀念發源甚古。大約古代有貴族平民兩階級，貴族是相互的以禮為坊，平民是片面的受治於法，所以說：

「禮不下庶人，刑不上大夫。」禮記曲禮

這種辦法，在部落時代原是可行，但社會漸漸發達成了國家，情形卻不同了。社會分子日日增多，日日趨於複雜，貴族平民的界線日日混合變化，專靠相互的以禮為坊，可有點維持不住了。成文的法律，就不得不應時而興。據左傳所記，各國有所謂「僕區之法」、「茅門之法」、「被廬之法」等名目，雖然內容如何，今無可考。大約是「憲令著於官府」、「法」之起原了。其他如晉國之「作原田」、「作州兵」，諒來都應該有一種條文來規定辦法。最顯著者，如管仲相齊，「作內政，寄軍令，制為軌里連鄉之法」，他所制定的法律當然很多。到春秋

法治主義最堅強的壁壘，在「綜覈名實。」尹文子說。

「名者，名形者也。形者，應名者也。……故必有名以檢形，形以定名，名以定事，事以檢名。……善名命善，惡名命惡。……使善惡盡然有分。……名宜屬彼，分宜屬我。……定此名分，則萬事不亂也。」上大道

古代名學的派別和應用，不是本論範圍。今且不說，但看司馬遷以來都稱法家言爲「刑名之書」，「法經第一篇便是名篇」，漢律唐律第一章便是名律，可見得「法」和「名」關係的密切了。古代名學，墨家講得最精，墨經四篇，大半闡明名理。他們的後學，把來應用到政治論上，便完成法治主義。尹文子說：

「故人以度審長短，以量受多少，以衡平輕重，以律均清濁，以名稽虛實，以法定治亂，以簡治煩惑，以易御險難，萬事皆歸於一，百度皆準於法，歸一者簡之至，準法者易之極。如此，頑嚚瞽瞍可與察慧聰智同其治也。」上同

墨家學說，不是認「一人一義，十人十義」爲不好，「要選舉仁賢聖智辯慧之人，立爲天子，使之壹同天下之義」嗎？法家也認「壹同天下之義」爲必要，但「壹同的手段，不恃人而恃法，例如市面用的尺，有京尺，有廣尺，有滬尺，有英尺，有米突尺，便是「一人一尺，十人十尺。」我們和人說：『我有一尺布。』不知是一京尺呀，還是一廣尺一英尺呢？這便是名實混亂。然則「壹同天下之尺」自然是有益而且必要，怎樣去「壹同」？他呢？主張人治主義的人說：『某人手法最準，謂他用手量一量，便可認爲公尺。』但如何能件件東西都煩他用手去量呢？他的手一伸一縮，能保不生出參差嗎？這些問題，主張人治主義的人不能答覆。主張禮治主義的人說：『只要社會公認通行的便算公尺。』但所謂「社會公認」有什麼法能令他一致？結果還不是「一人一尺，十人

十尺」嗎？這問題主張禮治主義的人也不能答覆。主張法治主義的人說：「只要農商部設一個度量衡檢查所用一定的標準來『壹同天下之尺』，用一塊銅片或竹木片規定他怎麼長便叫做『尺』，把『尺』的名確定之後，便循名責實，和這長度相等的便是尺，不相等的便不是尺。」墨家亦說：

「效也者，爲之法也。所效者，所以爲之法也。故中效則是也，不中效則非也。」墨子小取篇

法家把這種理論應用到實際，以爲萬事都要用法律規定，執政的人便立在法律後頭，綜覈名實，看他「中」與「不中」，拿賞罰的威力制裁他。例如人民應該做那件事，不應該做那件事，憑聖君賢相一時的主觀的判斷來做標準嗎？不對。憑社會習慣做標準嗎？也不對。不如由國家法律定出一個標準，凡法律認爲應該做而不做，或認爲不應該做而做，都要受制裁。這是最簡最易的辦法。譬如農商部的公尺，頒定以後，不必有好手法的人，自然會根據這標準量布毫釐絲忽不差。所以說：「頑嚚聾瞽可與察慧聰智同其治。」

法家的話，反覆發明這種道理的很多。韓非子說：

「設柙非所以備鼠也，所以使怯弱能服虎也。立法非所以避會吏也，所以使庸主能止盜跖也。」守道篇

意思是說，好人不必法律制裁他，法律的作用，在使無論何人都可制止惡事。又說：

「釋法術而心治，堯不能正一國，去規矩而妄意度，奚仲不能成一輪……使中主守法術，拙匠守規矩，尺寸則萬不失矣。」用人篇

有人說：法定得妥當固然好，萬一不妥當豈不大糟？法家以爲不然。他們說：

「法雖不善，猶愈於無法，所以一人心也。夫投鈞以分財，投策以分馬，非鈞策爲均也，使得美者不知所以

美。得惡者不知所以惡，所以塞願望也。」慎子威德篇

或疑法律威權如此其重，豈不是助成專制？法家的精神，卻大大不然。他們認法律為絕對神聖，他們不許政府行動軼出法律範圍以外。他們說：

「明君置法以自治，立儀以自正也……禁勝於身，則令行於民矣。」管子法法篇

「不為君欲變其令，令尊於君。」同上

「有道之君，善明設法而不以私防者也；而無道之君，既已設法，則舍法而行私者也……為人君者，棄法而好行私，謂之亂。」管子君臣篇

「君人者，舍法而以身治，則誅賞予奪從君心出……君舍法以心裁輕重，則同功殊賞，同罪殊罰矣。怨之所由生也。」慎子君人篇

這類話，在法家書中屢見不一。他們的根本精神，專在防制君主。「以心裁輕重，」不令「誅賞予奪從君心出，」所以又說：

「使法擇人，不自舉也；使法量功，不自度也。」管子明法篇

「不知親疏遠近美惡，以度量斷言……故任天下而不重也。」管子任法篇

儒家最貴的是行仁政，法家不以為然。法家在法律之下，無所謂愛憎，無所謂仁不仁。他們說：

「不為愛民虧其法，法愛於民。」管子法法篇

又說：

「慈母之於弱子也，愛不可爲前，然而弱子有僻行使之隨師，有惡病使之事醫，不隨師則陷於刑，不事醫則疑於死，慈母雖愛，無益於振刑救死，則存子者非愛也，母不能以愛存家，君安能以愛持國？」韓非子八說篇

儒家每每攻擊法家刻薄寡恩，在法家不過在法律之下常常保持冰冷的面孔，特別的仁愛固然沒有，特別的刻薄亦何嘗有呢。

法家以爲任法的結果，可以到無爲而治的境界，他們說：

「名定則物不競，分明則私不行，物不競非無心，由名定故無所措其心，私不行非無欲，由分明故無所措其欲，然則心欲人人有之，而得同於無心無欲者，制之有道也。」尹文子大道上

又說：

「聖君任法而不任智，故身佚而天下治。」管子任法篇

他們以爲用法律正名定分，人民雖有私欲也行不開，自然可以變成無私無欲，又以爲用呆板的法律支配一切人事，統治的人一毫成見參不下去，自然可以垂拱無爲，然則法治主義結果可以達到無治的目的，道家後學所以崇拜法治在此。

然則有什麼保障能令法治實現呢？頭一件，君主不可「棄法而好行私」，不可「誅賞予奪從君心出」，前文已經說過了，他們更有一種有力的保障，是要法律公開使人民個個都明白了解他的辦法如下：

「公問公孫鞅曰：『法令以當時立之者，明且欲使天下之吏民皆知而用之，如一而無私，奈何？』」公孫鞅曰：「爲法令置官吏，樸足以知法令之謂者，以爲天下正……諸官吏及民有問法令之所謂也，於主法

令之吏，皆各以其故所欲問之法令明告之，各爲尺六寸之符，明書年月日時所問法令之名以告吏民，主法令之吏不告及之罪而法令之所謂也，皆以吏民之所問法令之罪各罪主法令之吏……故天下之吏民無不知法者，吏明知民知法令也，故吏不敢以非法遇民，民不敢犯法以干法官也，遇民不修法則問法官，法官即以法之罪告之，民即以法官之言正告之吏，吏知其如此，故吏不敢以非法遇民，民又不敢犯法，如此，天下之吏民雖有賢良辯慧，不能開一言以枉法……此所生於法明白易知而必行……」

分篇

商君
書定

羅馬十二銅表法之公布，由人民用革命的手段纔換得來，法家這樣誠懇堅決主張法律公開，而且設種種方法令法律知識普及，真可謂能正其本，能貫徹主義的精神了。

法治主義在古代政治學說裏頭，算是最有組織的最有特色的，而且較爲合理的，當時在政治上，很發生些好影響，秦國所以盛強，確是靠他，秦國的規模，傳到漢代，得有四百年秩序的發展，最後極有名的政治家諸葛亮，也是因爲篤信這主義，纔能造成他的事業，可惜從漢以後，這主義一日比一日衰熄，結果竟完全消滅了，爲什麼消滅呢？一半是學說本身的原因，一半是政治上原因，學說本身原因，頭一件，太硬性，和國民性質不甚相容，所以遭儒家的打擊，便站不住，第二件，學說有不周密的地方，容易被壞人利用變壞了，這一點下文再詳說，政治上原因，頭一件，就是剛纔說的利用變壞，第二件，外族侵入和內亂劇烈的時候，真成了俗話所謂「無法無天」，還有什麼法治呢？中國不幸在這種狀態之下過了一千多年，有何話說，政治在法治以上還要有事，我們是承認的，但若使連法治尙且辦不到，那便不成爲今日的國家，還講什麼「以上」呢？所以我希望把先秦法

家真精神，着實提倡。庶幾子產所謂『吾以救世』了。

我們雖崇拜法治主義，卻要知他短處。短處要分別言之。一是法治主義通有的短處，二是先秦法家特有的短處。什麼是法治主義通有的短處？法律權力淵源在國家，過信法治主義，便是過信國家權力，結果個人自由都被國家吞滅了。此其一。法治主義總不免機械觀，萬事都像一個模型裏定製出來，妨害個性發展。此其二。逼着人民在法律範圍內取巧，成了儒家所謂『免而無恥』。此其三。這三種短處，可以說雖極圓滿的法治國家也免不了的。什麼是先秦法家特有的短處呢？他們知道法律要確定要公布，知道法律知識要普及於人民，知道君主主要行動於法律範圍以內，但如何然後能貫徹這種主張？他們沒有想出最後最强的保障。申而言之，立法權應該屬於何人？他們始終沒有把他當個問題。他們所主張法律威力如此絕對無限，問法律從那裏出呢？還是君主？還是政府？他們雖然脣焦舌敝說：『君主當設法以自禁』，說：『君主不可舍法而以心裁輕重』，結果都成廢話。造法的權在什麼人？變法廢法的權自然也在那人。君主承認的便算法律，他感覺不便時，不承認他，當然失了法律的資格。他們主張法律萬能，結果成了君主萬能。這是他們最失敗的一點，因為有這個漏洞，所以這個主義，不惟受別派的攻擊無從辯護，連他本身也被專制君主破壞盡了。我們要建設現代的政治，一面要採用法家根本精神，一面對於他的方法條理加以修正纔好。